


# আমার বাংলা বই

ইবতেদায়ি  
চতুর্থ শ্রেণি




জাতীয় শিক্ষাক্রম ও পাঠ্যপুস্তক বোর্ড, বাংলাদেশ

## গণপ্রজাতন্ত্রী বাংলাদেশের জাতীয় পতাকা



গণপ্রজাতন্ত্রী বাংলাদেশের জাতীয় পতাকায় সবুজক্ষেত্রের উপর স্থাপিত রক্তবর্ণের একটি ভরাট বৃত্ত থাকবে।

### পতাকা নির্মাণের নিয়মাবলি



দৈর্ঘ্য ও প্রস্থের অনুপাত ১০ : ৬। অর্থাৎ যদি দৈর্ঘ্য ৩০৫ সেমি (১০ ফুট) হয়, প্রস্থ ১৮৩ সেমি (৬ ফুট) হবে। লাল বৃত্তটির ব্যাসার্ধ পতাকার দৈর্ঘ্যের পাঁচ ভাগের এক ভাগ। পতাকার দৈর্ঘ্যের ২০ ভাগের ৯ ভাগে একটি লম্ব (খাড়া সরলরেখা) টানতে হবে। তারপর প্রস্থের ঠিক অর্ধেক ভাগে দৈর্ঘ্যের সঙ্গে সমান্তরাল করে আর একটি রেখা টানতে হবে। এই দুটি রেখার ছেদবিন্দুই হবে বৃত্তটির কেন্দ্রবিন্দু।

### ভবনে ব্যবহারের জন্য

- (ভবনের আকার ও আয়তন অনুযায়ী)
- ৩০৫ সেমি X ১৮৩ সেমি (১০' X ৬')
- ১৫২ সেমি X ৯১ সেমি (৫' X ৩')
- ৭৬ সেমি X ৪৬ সেমি (২'½' X ১'½')

## জাতীয় সংগীত

আমার সোনার বাংলা, আমি তোমায় ভালোবাসি ।  
চিরদিন তোমার আকাশ, তোমার বাতাস, আমার প্রাণে বাজায় বাঁশি ॥  
ও মা, ফাগুনে তোর আমের বনে ছাণে পাগল করে,  
মরি হয়, হয় রে-  
ও মা, অহ্রানে তোর ভরা ক্ষেতে আমি কী দেখেছি মধুর হাসি ॥  
কী শোভা, কী ছায়া গো, কী স্নেহ, কী মায়া গো-  
কী আঁচল বিছায়েছ বটের মূলে, নদীর কূলে কূলে ।  
মা, তোর মুখের বাণী আমার কানে লাগে সুধার মতো,  
মরি হয়, হয় রে-  
মা, তোর বদনখানি মলিন হলে, ও মা, আমি নয়নজলে ভাসি ॥

—রবীন্দ্রনাথ ঠাকুর

---

## গাওয়ার জন্য জাতীয় সংগীতের পূর্ণপাঠ

---

আমার সোনার বাংলা, আমি তোমায় ভালোবাসি ।  
চিরদিন তোমার আকাশ,  
চিরদিন তোমার আকাশ, তোমার বাতাস,  
আমার প্রাণে  
ও মা, আমার প্রাণে বাজায় বাঁশি,  
সোনার বাংলা, আমি তোমায় ভালোবাসি ॥  
ও মা, ফাগুনে তোর আমের বনে ছাণে পাগল করে,  
মরি হয়, হয় রে-  
ও মা, ফাগুনে তোর আমের বনে ছাণে পাগল করে,  
ও মা, অহ্রানে তোর ভরা ক্ষেতে কী দেখেছি  
আমি কী দেখেছি মধুর হাসি ।  
সোনার বাংলা, আমি তোমায় ভালোবাসি ॥  
কী শোভা, কী ছায়া গো, কী স্নেহ, কী মায়া গো-  
কী আঁচল বিছায়েছ বটের মূলে, নদীর কূলে কূলে ।  
মা, তোর মুখের বাণী আমার কানে লাগে সুধার মতো,  
মরি হয়, হয় রে-  
মা, তোর মুখের বাণী আমার কানে লাগে সুধার মতো,  
মা, তোর বদনখানি মলিন হলে, আমি নয়ন  
ও মা, আমি নয়নজলে ভাসি ॥  
সোনার বাংলা, আমি তোমায় ভালোবাসি ॥



জাতীয় শিক্ষাক্রম ও পাঠ্যপুস্তক বোর্ড কর্তৃক ২০১৫ শিক্ষাবর্ষ থেকে  
ইবতেদায়ি চতুর্থ শ্রেণির পাঠ্যপুস্তকরূপে নির্ধারিত

# আমার বাংলা বই

ইবতেদায়ি  
চতুর্থ শ্রেণি

সংকলন, রচনা ও সম্পাদনা


হায়াৎ মামুদ

মহাম্মদ দানীউল হক

মাসুদুজ্জামান

চিত্র সম্পাদনা

হাশেম খান



জাতীয় শিক্ষাক্রম ও পাঠ্যপুস্তক বোর্ড, বাংলাদেশ



# জাতীয় শিক্ষাক্রম ও পাঠ্যপুস্তক বোর্ড

৬৯-৭০ মতিঝিল বাণিজ্যিক এলাকা, ঢাকা-১০০০  
কর্তৃক প্রকাশিত

---

(প্রকাশক কর্তৃক সর্বস্বত্ব সংরক্ষিত)

প্রথম প্রকাশ : সেপ্টেম্বর, ২০১২

পরিমার্জিত সংস্করণ : সেপ্টেম্বর, ২০১৬

পুনর্মুদ্রণ : , ২০১৯

চিত্রাঙ্কন ও ডিজাইন

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

---

গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য

মুদ্রণে:

## প্রসঙ্গ-কথা

শিশু এক অপার বিস্ময়। তার সেই বিস্ময়ের জগৎ নিয়ে ভাবনার অন্ত নেই। শিক্ষাবিদ, বিজ্ঞানী, দার্শনিক, শিশুবিশেষজ্ঞ, মনোবিজ্ঞানীসহ অসংখ্য বিজ্ঞান শিশুকে নিয়ে ভেবেছেন, ভাবছেন। তাঁদের সেই ভাবনার আলোকে জাতীয় শিক্ষানীতি ২০১০-এ নির্ধারিত হয় শিশু-শিক্ষার মৌল আদর্শ। শিশুর অপার বিস্ময়বোধ, অসীম কৌতূহল, অফুরন্ত আনন্দ ও উদ্যমের মতো মানবিক বৃত্তির সুষ্ঠু বিকাশ সাধনের সেই মৌল পটভূমিতে পরিমার্জিত হয় প্রাথমিক শিক্ষাক্রম। ২০১১ সালে পরিমার্জিত শিক্ষাক্রমে প্রাথমিক শিক্ষার লক্ষ্য ও উদ্দেশ্য পুনঃনির্ধারিত হয় শিশুর সার্বিক বিকাশের অন্তর্নিহিত তাৎপর্যকে সামনে রেখে।

বাংলা বাঙালির মাতৃভাষা। বাংলাদেশের রাষ্ট্রভাষা বাংলা। শিক্ষার সকল ক্ষেত্রে বাংলা গুরুত্বপূর্ণ স্থান দখল করে আছে। বাংলা কেবল একটি বিষয় নয়, এটি সকল বিষয় শেখার মাধ্যম। এদিক থেকে প্রাথমিক স্তরের শিক্ষার্থীদের বাংলা ভাষায় শোনা, বলা, পড়া ও লেখার দক্ষতা অর্জন অপরিহার্য। তাই বাংলা ভাষা শেখার ক্ষেত্রে শিক্ষার্থী যেন শ্রেণিভিত্তিক অর্জন উপযোগী যোগ্যতা আনন্দময় পরিবেশে আয়ত্ত করতে পারে সেদিকে লক্ষ রেখেই বাংলা পাঠ্যপুস্তকটি প্রণয়ন করা হয়েছে। প্রতিটি পাঠে শব্দ ও বাক্য সন্নিবেশের ক্ষেত্রে শিক্ষার্থীর বয়স, মেধা ও গ্রহণক্ষমতা যেমন বিবেচনা করা হয়েছে তেমনি বৈচিত্র্যময় করার দিকেও লক্ষ রাখা হয়েছে। পাঠ যথাসম্ভব নির্ভার করার জন্য ব্যবহৃত হয়েছে সহজ ও সাবলীল বাক্য। এ শ্রেণির শিশুদের জন্য নির্ধারিত অর্জন উপযোগী যোগ্যতা/শিখনফলভিত্তিক পাঠ ধারাবাহিক অনুশীলন ও মূল্যায়নের লক্ষ্যে পাঠের শেষে অনুশীলনমূলক কাজের নমুনা সন্নিবেশিত হয়েছে।

কোমলমতি শিক্ষার্থীদের আগ্রহী, কৌতূহলী ও মনোযোগী করার জন্য মাননীয় প্রধানমন্ত্রী শেখ হাসিনার নেতৃত্বে আওয়ামী লীগ সরকার ২০০৯ সাল থেকে পাঠ্যপুস্তকগুলো চার রঙে উন্নীত করে আকর্ষণীয়, টেকসই ও বিনামূল্যে বিতরণ করার মহৎ উদ্যোগ গ্রহণ করেছে। সরকার সারাদেশে সকল শিক্ষার্থীর নিকট প্রাক-প্রাথমিক, প্রাথমিক স্তর থেকে শুরু করে ইবতেদায়ি, দাখিল, দাখিল ভোকেশনাল, এসএসসি ভোকেশনালসহ মাধ্যমিক স্তর পর্যন্ত পাঠ্যপুস্তক বিতরণ কার্যক্রম শুরু করে, যা একটি ব্যতিক্রমী প্রয়াস। প্রাথমিক স্তরে প্রবর্তিত একুশটি পাঠ্যপুস্তক ২০১৫ সাল থেকে বাংলাদেশ মাদ্রাসা শিক্ষাবোর্ড মাদ্রাসা শিক্ষার বৈশিষ্ট্য উপযোগী করে গ্রহণ করেছে। শিক্ষায় বৈষম্য দূরীকরণে সরকার ইবতেদায়ি স্তরের সকল পাঠ্যপুস্তক ২০১৫ শিক্ষাবর্ষ থেকে শিক্ষার্থীদের মাঝে বিতরণ করেছে।

পাঠ্যপুস্তকটি রচনা, সম্পাদনা, যৌক্তিক মূল্যায়ন, পরিমার্জন এবং মুদ্রণ ও প্রকাশনার বিভিন্ন পর্যায়ে যারা সহায়তা করেছেন তাঁদের জানাই আন্তরিক কৃতজ্ঞতা ও ধন্যবাদ। সংশ্লিষ্ট ব্যক্তিবর্গের সযত্ন প্রয়াস ও সতর্কতা থাকা সত্ত্বেও পাঠ্যপুস্তকটিতে কিছু ত্রুটি-বিচ্ছৃতি থেকে যেতে পারে। সেক্ষেত্রে পাঠ্যপুস্তকটির অধিকতর উন্নয়ন ও সমৃদ্ধি সাধনের জন্য যেকোনো গঠনমূলক ও যুক্তিসংগত পরামর্শ গুরুত্বের সঙ্গে বিবেচিত হবে। যেসব কোমলমতি শিক্ষার্থীর জন্য পাঠ্যপুস্তকটি রচিত হয়েছে তারা উপকৃত হবে বলে আশা করছি।

চেয়ারম্যান

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

# নির্দেশনা

চতুর্থ শ্রেণির বাংলা পাঠ্যপুস্তকে ভাষা-শিখনে সহায়ক বিভিন্ন ধরনের পাঠ সন্নিবেশ করা হয়েছে। এই পাঠ্যপুস্তকে বর্ণনামূলক, তথ্যমূলক, কল্পনা-নির্ভর ইত্যাদি বৈচিত্র্যময় পাঠ ব্যবহার করা হয়েছে। শিক্ষার্থীদের জীবনের সাথে সংশ্লিষ্ট ভাষা-পরিমন্ডল বিবেচনা করে পাঠ নির্বাচন ও উন্নয়ন করা হয়েছে। ভাষা-শিখন প্রক্রিয়াকে শিক্ষার্থীদের জীবন ঘনিষ্ঠ করার জন্য ভাষাসমগ্র পদ্ধতিকে (Whole Language Approach) ভাষা শিখনের ভিত্তি হিসেবে বিবেচনা করা হয়েছে।

চতুর্থ শ্রেণির এ পর্যায়ে ভাষা-শিখনের বিশেষ করে পড়ার দক্ষতা অর্জনে শিক্ষার্থীদের সহায়তা প্রয়োজন হয়। এ পাঠ্যপুস্তকে ভাষা দক্ষতা হিসেবে শোনা, বলা, পড়া ও লেখার দক্ষতা অর্জনে শিক্ষার্থীদের জন্য সহায়ক শিখন-অনুশীলনী দেওয়া হয়েছে। শোনা, বলা, পড়া ও লেখার দক্ষতা অর্জনে শিক্ষার্থীদের সহায়তা করার জন্য শিক্ষক শ্রেণিকক্ষে নিম্নলিখিত শিখন-শেখানো কৌশল ব্যবহার করবেন :

## শোনা ও বলা

শ্রেণিকক্ষে শোনা ও বলা সংশ্লিষ্ট শিখন-শেখানো কর্মকাণ্ডে শিক্ষার্থীদের সক্রিয়ভাবে অংশগ্রহণ করাতে শিক্ষক নিম্নলিখিত কাজগুলো করবেন :

- শ্রেণিকক্ষে সকল শিক্ষার্থী শুনতে পারে এমন শ্রুতিগ্রাহ্য স্বরে, স্পষ্টভাবে ও প্রমিত উচ্চারণে কথা বলবেন;
- শিক্ষার্থীদের সক্রিয়ভাবে শুনতে বলবেন;
- শিক্ষার্থীদের এমন প্রশ্ন জিজ্ঞেস করবেন যাতে চিন্তার উদ্রেক করে;
- চিন্তা করতে ও পর্যাপ্ত কথা বলতে শিক্ষার্থীদের উৎসাহিত করবেন;
- আলোচনায় সক্রিয়ভাবে অংশগ্রহণ করাবেন;
- শিক্ষার্থীদের নিজের অভিমত ও মতামত প্রকাশের সুযোগ দেবেন;
- শিক্ষার্থীদের প্রশ্ন করতে উৎসাহিত করবেন।

## পড়া

চতুর্থ শ্রেণি শেষে প্রত্যাশিত পর্যায়ে পড়ার দক্ষতা অর্জনের জন্য শিক্ষার্থীদের যেসব দক্ষতা অর্জন করা প্রয়োজন তা হলো :

- শুদ্ধ, স্পষ্ট ও প্রমিত উচ্চারণে পড়া;
- সঠিক উচ্চারণে শব্দ পড়া;
- শব্দের বানান, অর্থ ও বাক্য পড়া;
- সঠিক গতিতে বিরামচিহ্ন মেনে বাক্য পড়া ও অর্থোদ্বার করা;
- অনুচ্ছেদ পড়ে অর্থোদ্বার করা;
- পড়া সংশ্লিষ্ট শিখন অনুশীলনী সম্পন্ন করা;
- যুক্তব্যঞ্জন স্পষ্ট ও শুদ্ধ উচ্চারণে পড়া।



## লেখা

শিক্ষক শিক্ষার্থীদের নিজের ভাষায় লিখতে উৎসাহিত করবেন। শিক্ষক শিক্ষার্থীদের দিয়ে লেখার কাজ এককভাবে করাতে পারেন। শিক্ষক জুটিতে এমনকি দলেও শিক্ষার্থীদের লেখার কাজ করাতে পারেন। শিক্ষার্থীরা আলোচনা করবে এবং নিজের মতামত নিজের ভাষায় লিখবে। এতে তাদের লেখার দক্ষতা ও উৎসাহ বৃদ্ধি পাবে। শিক্ষার্থীরা সহজ বাক্যে নিজের পছন্দমতো শব্দ দিয়ে লেখার কাজ শুরু করতে পারে।

শিখন পরিচালনার ক্ষেত্রে শিক্ষক শিক্ষার্থীর অবস্থা ও শিখন-শেখানো কৌশলের কার্যকারিতা নিরূপণের জন্য নিয়মিত শিখন মূল্যায়নের ব্যবস্থা গ্রহণ করবেন।

## শিখন-শেখানো প্রক্রিয়া সম্পর্কে নির্দেশনা

ভাষা শিখন কার্যক্রম পরিচালনার জন্য শ্রেণিকক্ষে নিচের নির্দেশনা ব্যবহার করা যেতে পারে। শ্রেণিকার্যক্রম পরিচালনার জন্য পাঠ্যপুস্তককে ভিত্তি হিসেবে বিবেচনা করা প্রয়োজন। প্রতিটি পাঠের শেষে ভাষা-শিখনের জন্য সহায়ক কর্মকাণ্ড রয়েছে। পড়ার জন্য নির্ধারিত পাঠ ও পাঠ শেষে শিখন-সহায়ক কর্মকাণ্ডের মাধ্যমে একটি সম্পূর্ণ শিখন কার্যক্রম পরিচালিত হবে।

প্রতিটি পাঠ পরিচালনার তিনটি পর্যায় থাকবে। পর্যায় তিনটি হচ্ছে :

### পর্যায় ১: নির্ধারিত পাঠের অর্থ উন্মোচনের পর্যায়

এ পর্যায়ে শিক্ষার্থীর নিজের আগ্রহ, বর্তমান জ্ঞান ও অভিজ্ঞতাকে শিক্ষক ভাষা শিখন-শেখানোর জন্য ব্যবহার করার প্রচেষ্টা গ্রহণ করবেন। এটি মূলত পাঠ ও পাঠসংশ্লিষ্ট কর্মকাণ্ড পরিচালনার প্রাথমিক পর্যায়। এ পর্যায়ে শিক্ষক শিক্ষার্থীকে নির্ধারিত পাঠের অর্থ বুঝতে সহায়তা করবেন।

### পর্যায় ২: ভাষা-শিখন সহায়ক কার্যক্রম পরিচালনা

এটি মূলত শিক্ষার্থীদের ভাষা-দক্ষতা শিখনের জন্য নির্ধারিত পাঠ ও পাঠসংশ্লিষ্ট কর্মকাণ্ডে অংশগ্রহণের পর্যায়। এ পর্যায়ে শিক্ষার্থীরা ভাষাদক্ষতা হিসেবে শোনা, বলা, পড়া ও লেখা-সংশ্লিষ্ট শিখন কর্মকাণ্ডে সম্পৃক্ত হবে। শিক্ষক এ পর্যায়ে ভাষা-শিখন সহায়ক কর্মকাণ্ডে শিক্ষার্থীদের সক্রিয়ভাবে সম্পৃক্ত করবেন।

### পর্যায় ৩: অর্জিত শিখন বাস্তবে প্রয়োগের সক্ষমতা উন্নয়নের পর্যায়

এ পর্যায়ে নির্ধারিত পাঠ থেকে অর্জিত শিখন শিক্ষার্থীরা বাস্তবে প্রয়োগ করবে। এ পর্যায়ে শিক্ষক জীবন-সংশ্লিষ্ট বিভিন্ন ক্ষেত্রে অর্জিত শিখন ব্যবহারে শিক্ষার্থীর দক্ষতা উন্নয়নের সুযোগ প্রদান করবেন। অর্জিত শিখন যাতে শিক্ষার্থী বাস্তবে জীবনে কাজে লাগাতে পারে তা এই পর্যায়ের শিখন-শেখানোর কর্মকাণ্ডের মূল লক্ষ্য। শ্রেণিকক্ষে পাঠ পরিচালনার তিনটি পর্যায় বাস্তবায়নের জন্য শিক্ষক নিম্নলিখিত কর্মকাণ্ড পরিচালনা করতে পারেন:

## ১. নির্ধারিত পাঠের অর্থ উন্মারের পর্যায়

এ পর্যায়ের পাঠ পরিচালনার জন্য শিক্ষক শ্রেণিকক্ষে নিম্নোক্ত কর্মকাণ্ড পরিচালনা করতে পারেন:

- প্রাসঙ্গিক আলোচনার মাধ্যমে পাঠ শুরু করা;
- পাঠ-সংশ্লিষ্ট ছবি বিশ্লেষণ করা;
- সম্ভাব্য বিষয়বস্তু সম্পর্কে শিক্ষার্থীদের ধারণা আলোচনা করা;
- পাঠের শিরোনাম পড়তে বলা;
- পাঠের বিষয়বস্তুর সঙ্গে পাঠের শিরোনামের প্রাসঙ্গিকতা সম্পর্কে শিক্ষার্থীদের মতামত জানতে চাওয়া;
- শিক্ষার্থীদের উদ্দেশ্যে শূন্য, স্পষ্ট ও প্রমিত উচ্চারণে নির্ধারিত পাঠ পড়া;
- শিক্ষার্থীদের পড়তে দেওয়া ও পঠিত অংশের অর্থ অনুধাবন করার সুযোগ প্রদান;
- পাঠের নির্ধারিত অংশের মূল শব্দ চিহ্নিত করতে বলা ও সংশ্লিষ্ট বাক্য সরবে পড়তে বলা;
- প্রশ্ন করতে ও মতামত প্রদানে শিক্ষার্থীদের উৎসাহিত করা।

## ২. ভাষা-শিখন সহায়ক কর্মকাণ্ড পরিচালনা পর্যায়

এই পর্যায়ের শিক্ষার্থীদের জন্য শিক্ষক ভাষা-শিখন সহায়ক বিভিন্ন কর্মকাণ্ড পরিচালনা করবেন। পাঠের শিখনফলের সাথে প্রাসঙ্গিক বিভিন্ন শিখন-কর্মকাণ্ডের (learning activities) মাধ্যমে শিক্ষার্থীদের ভাবাদক্ষতা অর্জনে শিক্ষক সহায়তা করবেন। ভাষা-শিখন সহায়ক বিভিন্ন কর্মকাণ্ড হচ্ছে :

- নতুন শব্দের অর্থ আলোচনা ও বাক্য পর্যায়ে তা প্রয়োগ;
- যুক্তবর্ণ বিশ্লেষণ ও যুক্তবর্ণ যোগে শব্দ গঠন;
- পাঠ প্রাসঙ্গিক প্রশ্ন-উত্তর বলা ও লেখা;
- বিপরীত শব্দ জানা ও বাক্য পর্যায়ে তা প্রয়োগ;
- জোড় শব্দ দিয়ে বাক্য তৈরি;
- বিরামচিহ্ন হিসেবে দাঁড়ি, কমা ও প্রশ্নবোধক চিহ্ন সম্পর্কে জানা ও বাক্যে তা ব্যবহার;
- কথোপকথনভিত্তিক বাক্য বলা ও লেখা;
- ছবি দেখে বাক্য বলা ও লেখা;
- নির্ধারিত বিষয়বস্তু যেমন-নদী, ঋতু, প্রিয় প্রাণী ইত্যাদি সম্পর্কে একাধিক বাক্য লেখা;
- পাঠ্যপুস্তকের বাইরে সমমানের গল্প, কবিতা পড়া।

উল্লিখিত শিখন কর্মকাণ্ডে শিক্ষক শিক্ষার্থীদের সক্রিয়ভাবে অংশগ্রহণ করাবেন। প্রতিটি শিখন কর্মকাণ্ডে শিক্ষার্থীদের শ্রেণিকক্ষে পর্যাপ্ত চর্চার সুযোগ প্রদান করা প্রয়োজন। এক্ষেত্রে শিক্ষক নির্ধারিত পাঠের সাথে এ পর্যায়ে শিখন কর্মকাণ্ডসমূহ শ্রেণিকক্ষে যথাযথভাবে পরিচালনা করবেন। শব্দের অর্থ আলোচনার সময় শিক্ষার্থীদের অভিজ্ঞতা জানা, জীবনঘনিষ্ঠ উদাহরণের মাধ্যমে শিক্ষক অর্থ আলোচনা করবেন। যুক্তবর্ণ বিশ্লেষণের ক্ষেত্রে সংশ্লিষ্ট শব্দে নির্ধারিত যুক্তবর্ণ দেখিয়ে তারপর শিক্ষক সংশ্লিষ্ট বর্ণ ভেঙে দেখাবেন। নির্ধারিত যুক্তবর্ণ যোগে একাধিক শব্দ উদাহরণ হিসেবে ব্যবহার করবেন। শিক্ষার্থীদের থেকে নির্ধারিত যুক্তবর্ণ যোগে শব্দ সম্পর্কে শিক্ষক জানতে চাইবেন। নতুন শব্দ ও যুক্তবর্ণ শিখন-শেখানোর জন্য শিক্ষক দেয়ালে অর্থসহ নতুন শব্দ এবং বিশ্লেষণসহ যুক্তবর্ণের তালিকা টানিয়ে রাখতে পারেন। নতুন শব্দ ও যুক্তবর্ণের দেয়াল-তালিকা শিক্ষার্থীদের শব্দ ও যুক্তবর্ণ শিখনকে সহজ ও কার্যকর করতে সহায়তা করবে। নতুন পাঠের সংশ্লিষ্ট নতুন শব্দ ও যুক্তবর্ণ শিক্ষক নিয়মিত তালিকায় যুক্ত করতে পারেন।

### ৩. অর্জিত শিখন বাস্তবে প্রয়োগের সক্ষমতা উন্নয়নের পর্যায়

এটি হচ্ছে শিক্ষার্থীর অর্জিত শিখন বাস্তবে প্রয়োগের পর্যায়। এ পর্যায়ে অর্জিত শিখনের ওপর ভিত্তি করে শিক্ষার্থী নিজের ভাষায় লিখবে। এ ক্ষেত্রে শিক্ষার্থী মুক্তভাবে নিজের ভাষায় প্রাসঙ্গিক বিষয়বস্তু সম্পর্কে লিখবে। পাঠের উত্তর লেখার সাথে এ ধরনের লেখার পার্থক্য হলো, এ লেখা শিক্ষার্থীর অর্জিত শিখন ও অভিজ্ঞতা-নির্ভর। লেখায় নিজের জানা শব্দ ব্যবহারের জন্য শিক্ষক শিক্ষার্থীকে উৎসাহিত করবেন। শিক্ষার্থীকে পাঠে পড়ানো হয়নি এমন শব্দও যদি শিক্ষার্থী এ ধরনের লেখায় ব্যবহার করে তবে কোনো অসুবিধা নেই। লেখায় সৃজনশীলতার জন্য শিক্ষক শিক্ষার্থীদের প্রশংসা করবেন। লেখায় বানান ভুল করলে সংশোধনের জন্য তিনি শিক্ষার্থীদের সুযোগ দেবেন। বানান শুদ্ধ হলে শিক্ষক শিক্ষার্থীর প্রশংসা করবেন।

শিক্ষার্থী যখন নিজের ভাষায় লেখা শেষ করবে শিক্ষক তখন তা সরবে পড়তে বলবেন। শিক্ষার্থীরা পরস্পরের সাথে লেখা বিনিময় করবে এবং একে অপরের লেখা সরবে পড়বে।

ভাষা-শিখনের প্রতিটি পর্যায়ে শিক্ষক শিক্ষার্থীদের শিখন-উদ্দেশ্য গুরুত্বের সাথে বিবেচনা করবেন। প্রত্যেক শিক্ষার্থী যাতে প্রত্যাশিত যোগ্যতা অর্জন করতে পারে, সে জন্য শিখন-কর্মকাণ্ডে শিক্ষক প্রত্যেক শিক্ষার্থীকে অংশগ্রহণ করাবেন। ভাষাদক্ষতা শিখনের ক্ষেত্রে শোনা, বলা, পড়া ও লেখা পারস্পরিকভাবে সম্পর্কযুক্ত। কাজেই সামগ্রিক ভাষাদক্ষতা অর্জনে সহায়তা করতে শিক্ষক শিক্ষার্থীদের প্রতিটি দক্ষতা অর্জনের ওপর গুরুত্বারোপ করবেন। ভাষা শিখন-শেখানো কর্মকাণ্ডগুলি যাতে যৌক্তিক হয়, শিক্ষককে সে ব্যাপারে নিশ্চিত হতে হবে। শ্রেণিকক্ষের প্রতিটি কর্মকাণ্ডে শিক্ষার্থীদের ভাষা-শিখনে যাতে সহায়ক হয় শিক্ষক, সে ব্যাপারে যত্নবান হবেন। শিক্ষক-শিক্ষার্থী ও শিক্ষার্থী-শিক্ষার্থীর মাঝে সংগঠিত সক্রিয় অংশগ্রহণমূলক কর্মকাণ্ডে ভাষা-শিখনকে ইতিবাচকভাবে প্রভাবিত করে। কাজেই ভাষা-শিখন-শেখানোর সকল ক্ষেত্রে শিক্ষক মিথস্ক্রিয়ামূলক (interactive) কর্মকাণ্ড পরিচালনা করবেন যেখানে শিক্ষক-শিক্ষার্থী, শিক্ষার্থী-শিক্ষার্থীর সক্রিয়ভাবে অংশগ্রহণ করার অবাধ সুযোগ থাকবে।

শিক্ষক ও শিক্ষার্থীর পারস্পরিক একটি সক্রিয় শিখন পরিবেশ এবং শিক্ষার্থীর জীবনঘনিষ্ঠ প্রেক্ষাপটের মধ্য দিয়ে ভাষা-শিখন শিক্ষার্থীদের বাস্তবমুখী ও কার্যকর ভাষাদক্ষতা অর্জনে সহায়তা করে।





## সূচিপত্র

### বিষয়

### পৃষ্ঠা

১. বাংলাদেশের প্রকৃতি	১
২. পাখির পান	৬
৩. বড় রাজা ছোট রাজা	৯
৪. বাংলার খোকা	১৪
৫. মুক্তির হুঁড়	১৬
৬. আজকে আমার ছুটি চাই	১৮
৭. বীরশ্রেষ্ঠদের বীরগাথা	১৬
৮. মহীয়সী রোকেয়া	৩২
৯. নেমন্তন্ন	৩৭
১০. মোবাইল কোল	৪০
১১. জাবোল-তাবোল	৪৫
১২. হাত ধুয়ে নাও	৪৮
১৩. মোদের বাংলা ভাষা	৫৩
১৪. বাওয়ালিদের গল্প	৫৬
১৫. পাখির জগৎ	৬১
১৬. কাজলা দিদি	৬৭
১৭. পাঠান মুহুঁকে	৭১
১৮. মা	৭৫
১৯. ঘুরে আসি সোনারগাঁও	৭৮
২০. বীরশূর্য	৮৪
২১. পাছাড়পুর	৮৮
২২. লিপি গল্প	৯২
২৩. খলিফা হযরত উমর (রা)	৯৭
● শব্দের অর্থ জেনে নিই	১০১



## বাংলাদেশের প্রকৃতি

বড়খড়র দেশ বাংলাদেশ। প্রতি দুই মাসে হয় একটি ঋতু। যেমন বৈশাখ ও জ্যৈষ্ঠ মাস দুটি হলো গ্রীষ্মকাল। এরপর আষাঢ়-শ্রাবণ মিলে বর্ষাকাল। এভাবে শুভ্র-আশ্বিন হচ্ছে শরৎকাল। তার পরে কার্তিক ও অগ্রহায়ণ মাস দুটি নিয়ে হেমন্তকাল। পৌষ আর মাঘ মাস হলো শীতকাল। ফাল্গুন ও চৈত্র এ দু মাস বসন্তকাল।

এরকমভাবে ছয়টি ঋতুই প্রত্যেক বছর আসা-যাওয়া করে। পৃথিবীর সব দেশে কিন্তু দুই মাসে একটি ঋতু হয় না। অনেক দেশে দুটি কি তিনটি ঋতু দেখা যায়। খুব বেশি হলে চারটি ঋতু। আমাদের প্রতিটি ঋতুতে প্রকৃতির রয়েছে নতুন নতুন সাজ। একেক সাজে তাকে নতুন মনে হয়, তার চেনা চেহারা বদলে যায়।

প্রথমে গ্রীষ্মের কথাই ধরা যাক। গ্রীষ্মে কী প্রচণ্ড গরম! রৌদ্রের অসহ্য তাপ। দুপুরে যদি পাখে বের হতেই হয়, তখন মাথার ওপরে ছাতা ধরে লোকে হাঁটে। গরম যতই হোক, গ্রীষ্মকে কিন্তু মধুমাস বলা হয়। এসময় মধুর মতো মিষ্টি নানা ফল পাওয়া যায়। আম, জাম, কাঁঠাল, আনারস ও লিচু গ্রীষ্মকালের ফল।

শ্রীম্হের পর আসে বর্ষা। বর্ষার আবার একেবারে অন্য চেহারা। আকাশ তখন কালো ঘন মেঘে ছেয়ে যায়।

বৃষ্টি পড়ছে তো পড়ছেই। কখনো বড় বড় ফোঁটায়, তবে ধীরে ধীরে। কখনো হুড়মুড় করে। কখনো পড়ছে ঝিরঝির করে, খুব হালকা। এ ধরনের বৃষ্টির একটা নাম আছে। একে বলা হয় ইলশেপুড়ি। আর বড় বড় ফোঁটায় প্রচুর বৃষ্টির নাম মুষলধারে বৃষ্টি। কখনো আবার পড়ে কামকাম বৃষ্টি। নদীতে তখন ঢল নামে। বর্ষার ফোটে কদম, কেয়া ও আরও নানা ফুল।

বর্ষার পর আসে শরৎ। শরৎ এলেই আবার সব পালটে যায়। শরৎকালে আকাশে সাদা মেঘ পেঁজা তুলোর মতো ভেসে বেড়ায়। আকাশ হয়ে ওঠে ঘন নীল। এ সময় ফোটে শিউলি ফুল। নদীর পাড় সাদা কাশফুলে ভরে যায়।



শীতকাল



বর্ষাকাল

শরতের পর পাকা ধানের শীষ নিয়ে আসে হেমন্ত। শুরু হয় ধান কাটা। এ সময় কৃষকের ঘর সোনালি কসলে ভরে ওঠে। নবান্নের উৎসব ঘরে ঘরে আনন্দ নিয়ে আসে।

হেমন্তের শেষ দিকে শীতের আগমন টের পাওয়া যায়। তখন ভোরবেলায় একটু একটু শীত লাগে। এ সময় উত্তরে হাওয়া বয়। উত্তর দিক থেকে আসা এ হাওয়া খুব ঠাণ্ডা। শীতের রাতে লেপ-কাঁথা গায়ে দিয়ে ঘুমোতে হয়। দিনের বেলায়ও গরম কাপড় পরতে হয়। শীতে খেজুরের রস দিয়ে তৈরি হয় নানা পিঠাপুলি। গ্রামে পিঠা-পায়ের তৈরির খুম পড়ে যায়।





শরৎকাল



হেমন্তকাল



শীতকাল



বসন্তকাল

যেই শেষ হলো এ ঋতু, অমনি শুরু হয় বসন্তকাল। ফুরফুরে সুন্দর বাতাস বয়। বসন্তের দখিনা হাওয়ায় মন ভরে যায়। বসন্তে কোকিল ডাকে। কোকিলের ডাক বড়ই মিষ্টি। গাছে গাছে জেগে ওঠে নতুন সবুজ পাতা। নানা রঙের ফুলে ভরে যায় গাছ।

বাংলাদেশে এই ছয়টি ঋতু এভাবে আসে-যায়। বড়খতুর এত বিচিত্র, সুন্দর রূপ পৃথিবীর আর কোথাও নেই।

## অনুশীলনী

১. শব্দগুলো পাঠ থেকে খুঁজে বের করি, অর্থ বলি এবং শব্দ দিয়ে বাক্য তৈরি করি।

ইলশেগুড়ি মুকলথারে পৈজা তুলো বড়ঋতু বর্ষাকাল অসহ্য গ্রীষ্ম তাপ  
পাড় বিচিত্র নবান্ন



২. নিচের প্রশ্নগুলোর উত্তর বলি ও লিখি।

ক. বাংলাদেশে বছরে কয়টি ঋতু আসে-যায়?

খ. বছরের বারো মাসের নাম বলি এবং লিখি।

গ. কোন কোন মাস নিয়ে কোন কোন ঋতু হয়? বলি এবং লিখি।

ঘ. আমার দেখা বর্ষা ও শীত ঋতুর তুলনা করি।

ঙ. কোন ঋতু আমার বেশি পছন্দ? পছন্দের কারণ কী? লিখে জানাই।

৩. ডান দিক থেকে ঠিক শব্দ বেছে নিয়ে খালি জায়গায় লিখি।

ক. আমাদের দেশ ..... দেশ।

খ. গ্রীষ্মকে বলা হয় .....।

গ. বর্ষায় কোটে ..... নানা ফুল।

ঘ. হেমন্ত ..... ঋতু।

ঙ. শীতকালে ..... হাওয়া বয়।

সোনালি ধানের

উষ্মুরে

বড়ঋতুর

কদম, কেয়া ও আরও

মধুমাস

৪. ডান দিক থেকে শব্দ বেছে নিয়ে বাঁ দিকের শব্দের সঙ্গে মেলাই।

বাগরা

ফুরকুরে বাতাস

খেজুরের

আসা

বসন্তকাল

প্রচণ্ড গরম

পিঠা

রস

গ্রীষ্ম

পুলি

## ৫. নিচের ছকের খালি ঘরে বৈশিষ্ট্য অনুযায়ী ঋতুর নাম লিখি।

বৈশিষ্ট্য	ঋতুর নাম
আকাশ তখন কালো ঘন মেঘে ছেয়ে যায়।	
নদীর পাড় সাদা কাশফুলে ভরে যায়।	
রৌদ্রের অসহ্য তাপ।	
এই ঋতুতে খেজুরের রস দিয়ে তৈরি হয় নানা পিঠাপুলি।	
এ সময়ে কৃষকের ঘর সোনালি ফসলে ভরে ওঠে।	
গাছে গাছে জেগে ওঠে নতুন সবুজ পাতা।	

## ৬. নিচের বাক্যটি পড়ি এবং বিশেষ্য ও বিশেষণ পদ সম্পর্কে জেনে নিই।

কোকিলের ডাক মিষ্টি।

ব্যক্তি, বস্তু, সময় বা স্থানের নাম হলেই তা বিশেষ্য। উপরের বাক্যটিতে **কোকিল** হলো বিশেষ্য পদ। কিন্তু কোকিলের ডাক কেমন? মিষ্টি। এটি বিশেষণ পদ। যে শব্দ বিশেষ্য পদের কোনো গুণ বা চরিত্র প্রকাশ করে, সেটিই বিশেষণ। এখানে বিশেষণ পদ হচ্ছে **মিষ্টি**।

বিশেষ্য	বিশেষণ
কোকিল	মিষ্টি

এবার নিচের বাক্যগুলো পড়ি। বিশেষ্য পদগুলোকে গোল (○) চিহ্ন দিয়ে ও বিশেষণ পদগুলোর নিচে দাগ চিহ্ন ( \_ ) দিয়ে চিহ্নিত করি।

- ক. তখন হাড় কাঁপানো শীত।
- খ. আকাশ হয়ে ওঠে ঘন নীল।
- গ. ফুরফুরে সুন্দর বাতাস বয়।
- ঘ. গ্রীষ্মে মিষ্টিফল পাওয়া যায়।

## ৭. কর্ম অনুশীলন।

আমার দেখা চারপাশের প্রকৃতি সম্পর্কে একটি অনুচ্ছেদ লিখি।



## পালকির গান

সত্যেন্দ্রনাথ দত্ত


পালকি চলে!  
পালকি চলে!  
গগন ভলে  
আপুন জ্বলে!

স্তম্ভ গায়ে  
আদুল গায়ে  
যাচ্ছে করা  
রৌদ্রে সারা!

ময়ূরা মুদি  
চক্ষু মুদি,  
পাটায় বসে  
চুলছে কষে!  
দুখের চাঁছি  
শুধছে মাছি,—  
উড়ছে কতক

ভনভনিয়ে।—

আসছে কারা  
হনহনিয়ে?



হাটের শেষে  
বুক্ষ বেশে  
ঠিক দুপুরে  
ধায় হাঁটরে!

কুকুরগুলো  
শুকছে ধুলো,—  
ধুকছে কেহ  
ক্লাস্ত দেহ।

গজা ফড়িং  
লাফিয়ে চলে;  
বাঁধের দিকে  
সূর্য চলে।

পালকি চলে রে!  
অজা চলে রে!  
আর দেরি কত?  
আরও কত দূর?

(সংক্ষেপিত)



## অনুশীলনী

### ১. জেনে নিই।

পালকির বেহারারা পালকি কাঁধে নিয়ে এক জায়গা থেকে অন্য জায়গায় যান। চলার পথে পা মেলাতে তারা তালে তালে গান গাইছেন। এই গানের কথায় গ্রামবাংলার চলমান জীবনের ছবি ফুটে উঠেছে।

### ২. শব্দগুলো পাঠ থেকে খুঁজে বের করি। অর্থ বলি।

গগন আদুল পাটা ভনভনিয়ে কষে হাটুরে ধুকছে অজ্ঞা স্তম্ভ ধায় শুষছে

### ৩. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

পাটার ময়রা আদুল হাটুরেরা গগনে দুধের চাঁছি পালকি

ক. সকালে পূর্ব ..... সূর্য ওঠে।

খ. শিশুরা বাড়ির উঠানে ..... গায়ে খেলা করছে।

গ. .... উপর বসে দোকানদার জিনিস বিক্রি করছেন।

ঘ. .... মনের আনন্দে মিষ্টি বানাচ্ছেন।

ঙ. হাটের শেষে ..... বাড়ি ফিরছেন।

চ. খোকা ..... খেতে ভালোবাসে।

ছ. .... চড়ে বউ নাইওরে যান।

### ৪. যুক্তবর্ণগুলো দেখি। যুক্তবর্ণ দিয়ে গঠিত শব্দগুলো পড়ি ও লিখি।

স্তম্ভ	স্ত	স	ত	বাস্ত, সস্তা
	শ্ব	ব	ধ	লশ্ব, ক্ষুশ্ব
রৌদ্ৰ	দ্র	দ	৳ (র-ফলা)	নিদ্রা, ভদ্র
ক্রান্ত	ক্র	ক	ল	ক্রাস, ক্রেশ
	স্ত	ন	ত	শান্ত, পান্তা

৫. নিচের শব্দগুলো দেখি। এ ধরনের আরও কয়েকটি শব্দ লিখি।

ক. শনশন

খ. হনহন

গ. পিলপিল

ঘ. ....

ঙ. ....

চ. ....

৬. প্রশ্নগুলোর উত্তর বলি ও লিখি।

ক. দুপুরের রোদে পালকির বেহারাদের কী অবস্থা হয়েছে?

খ. পাটায় বসে ময়রা কী করছেন?

গ. হাটুরে কোথায় যাচ্ছেন?

ঘ. কুকুরগুলো ঝুকছে কেন?



৭. বই দেখে ছন্দের তালে তালে কবিতাটি বারবার পড়ি।

৮. কবিতাটি না দেখে আবৃত্তি করি।

৯. কর্ম-অনুশীলন।

“পালকির গান” কবিতার অনুকরণে আমি একটি ছড়া বা কবিতা লেখার চেষ্টা করি।



সত্যেন্দ্রনাথ দত্ত

### কবি-পরিচিতি

কলকাতার কাছে নিমতা গ্রামে ১৮৮২ খ্রিস্টাব্দের ১১ই ফেব্রুয়ারি কবি সত্যেন্দ্রনাথ দত্ত জন্মগ্রহণ করেন। তাঁর কবিতায় ছন্দের দোলা ও শব্দের ঝংকার খুব ভালো লাগে। তাঁকে ‘ছন্দের যাদুকর’ বলা হয়। তাঁর বিখ্যাত গ্রন্থগুলোর মধ্যে ‘কুহু ও কেকা’, ‘অত্র-আবীর’, ‘হসন্তিকা’ উল্লেখযোগ্য। “পালকির গান” কবিতাটি ‘কুহু ও কেকা’ কাব্যগ্রন্থ থেকে নেওয়া হয়েছে। মাত্র চত্বিশ বছর বয়সে ১৯২২ খ্রিস্টাব্দের ২৫শে ফেব্রুয়ারি কবি মৃত্যুবরণ করেন।



## বড় রাজা ছোট রাজা

দুই রাজা, বড় রাজা আর ছোট রাজা। দুজনে একদিন দিগ্বিজয় করতে চললেন। বড় রাজা চললেন বড় বড় হাতি-ঘোড়া, কামান-বন্দুক সাজিয়ে। মস্ত জয়ঢাক সিটিয়ে বড় বড় সেনাপতির সঙ্গে, বড় বড় রাজ্য জয় করতে করতে।



এদিকে ছোট রাজা চললেন সাধারণ মানুষজনের সাজে। ছোট ছোট কামান-বন্দুক, হাতি-ঘোড়া নিয়ে ছোট একটি পুঁটলি বেঁধে। ছোট রাজ্য জয় করতে।

মস্ত বড় এই পৃথিবী – বড় রাজা ক্রমে ক্রমে তা জয় করে ফেললেন। এমন সময় চর এলো, খবর দিল। মহারাজ, শুনে এলাম, ছোট রাজা ছোট রাজ্য নিয়ে সুখে রয়েছেন। বড় রাজা বললেন, “তাকে গিয়ে বলো, আমি এই পৃথিবীটা জয় করে নিয়েছি। সে রাজ্য ছেড়ে অন্যত্র যাক।”

দূত গেল ছোট রাজার কাছে। কিন্তু ছোট রাজার সে রাজ্য এত ছোট যে দূত দেখতেই পেল না। কোথায় রাজা! কোথায় রাজত্ব! সে ফিরে এসে বড় রাজাকে খবর দিল – চক্ষুর অগোচর সে রাজত্ব। সেখানে প্রবেশ করা ভারি কঠিন।

বড় রাজা বড়ই খাম্পা হয়ে বললেন, “চলো আমি নিজে যাব।”

বড় রাজা মস্ত মস্ত হাতি-ঘোড়া, রথ-রথী নিয়ে চললেন পৃথিবী কাঁপিয়ে। কিন্তু ছোট রাজ্য এতটাই ছোট যে সেখানে হাতি ঘোড়া কিছুই চলে না। মন্ত্রীরা মন্ত্রণা দিল –“সবার চোখে অণুবীক্ষণ লাগিয়ে যুদ্ধে চলো!”

সেনাপতি বললেন, “এতে করে চোখ চলবে, গোলাগুলি চলার উপায় হবে না।”

রাজা বললেন, “দেখাই যাক না।”


যুদ্ধ বাঁধল – সেনাপতির পায়ের তলা দিয়ে ছোট রাজার ফৌজ গলে পালাল। তীর-কামান আন্দাজ করতে না পেরে বাতাসে হানা দিতে থাকল। নয়তো আকাশে ঝুপঝাপ বড় রাজার ছাউনির উপর পড়তে লাগল। বড় বড় অস্ত্র –সেসব অস্ত্র বড় জিনিসকেই লক্ষ করে। ছোটকে দেখতে পায় না। বড় রাজা, বড় বড় মন্ত্রী, বড় বড় সেনাপতি ফাঁপরে পড়ে গেলেন। ছোট রাজার সঙ্গে সন্ধি করতে চাইলেন। ছোট রাজা হেসে বললেন, “আপনি আপনার মস্ত রাজত্ব নিয়ে সুখে থাকুন। ছোটতে-বড়তে সন্ধি হলে কী হয় তা জানেন না কি?”

বড় রাজা বললেন, “তা কি আর জানিনে?”

সেনাপতি বললেন, “এত বড় পৃথিবীটা জয় করে এলেন বড় রাজা। ওইটুকু আর জানেন না?”

ছোট রাজা বললেন, “তাহলে এবারকার মতো এতটুকু জেনেই ঘরে চলে যান সকলে। আরও কী জানতে চান?”





বড় রাজা রেগে বললেন, “ছোটকে দুটি চেপে ধরলে কী করে তাই জানাতে চাই।” বলেই বড় রাজা নিজের মস্ত মুঠোর রাজ্যসহ ছোট রাজাকে কবে চেপে ধরলেন। বড় রাজার মোটা মোটা আঙুলের ফাঁক দিয়ে ছলের মতোই সব গলে পালালো। ছোট রাজা, তার রাজসিংহাসন রাজপুরী সমস্তই বেরিয়ে গেল। বড় রাজা হাত খুলে দেখলেন মুঠো খালি। বড়ো আঙুলের গোড়ায় মৌমাছির দুগের মতো একটা কী বিঁধে রয়েছে। স্বপ্নায় বড় রাজার আঙুলটা দেখতে দেখতে কুলে ঢোল ঝুঁয়ে উঠল।

## অনুশীলনী

১. শব্দগুলো পাঠ থেকে খুঁজে বের করি। অর্থ বলি।

দিগ্বিজয় সেনাপতি রাজত্ব জয়ঢাক চর দূত অগোচর খাম্পা মন্ত্রণা  
অনুবীক্ষণ ফৌজ অস্ত্র সন্ধি রথ-রথী ঝুপঝাপ রাজ্য মুঠো

২. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

ফাঁপরে অন্যত্র আন্দাজ জয়ঢাক দিগ্বিজয় রাজসিংহাসনে

ক. সমস্ত ছোট রাজ্য জয় করে রাজা ..... বসলেন।

খ. রাজার খামখেয়ালিতে মন্ত্রী ..... পড়লেন।

গ. রাজা ..... করে এসেছেন।

ঘ. শিকারের খোঁজে রাজা..... যাচ্ছেন।

ঙ. রাজ্য জয়ের আনন্দে চারিদিকে..... বাজছে।

চ. রাজা..... করলেন ছোট রাজা পালিয়ে যেতে পারেন।

৩. যুক্তবর্ণগুলো দেখি ও যুক্তবর্ণ দিয়ে গঠিত শব্দগুলো পড়ি ও লিখি।

মস্ত

স্ত

স

ত

আস্ত, গোস্ত

বন্দুক

ন্দ

ন

দ

নিন্দুক, বিন্দু

রাজ্য

জ্য

জ

্য

(য-ফলা)

জ্যাকেট, জ্যামিতি

ক্রমে

ক্র

ক

্র

(র-ফলা)

চক্র, বক্র

খাম্পা

ম্প

প

প

খাম্পা, বেখাম্পা

৪. বাক্য রচনা করি।

রাজ্য চর রথ মুঠো রাজসিংহাসন



৫. বাম পাশের বাক্যাংশের সাথে ডান পাশের ঠিক বাক্যাংশ মিলিয়ে পড়ি ও লিখি।

বড় রাজা আর ছোট রাজা

সেখানে হাতি চলে না, ঘোড়া চলে না।

ক্রমে ক্রমে মস্ত বড় এই পৃথিবী

ঢোল হয়ে উঠল।

ছোট শহর এতটাই ছোট যে

বড় জিনিসকেই লক্ষ করে।

বড় রাজার আঙ্কল ফুলে

বড় রাজা ছয় করে ফেললেন।

বড় বড় অস্ত্র

দিগ্বিজয় করতে চললেন।

৬. একই শব্দের তিন অর্থ শিখি ও বাক্য তৈরি করি।

চর	-	দুত
চর	-	নদীর চর
চলা	-	পায়ে হাঁটা
চলা	-	চালিত হওয়া



৭. প্রশ্নগুলোর উত্তর বলি ও লিখি।

- বড় রাজা কীভাবে রাজ্য ছয় করতে বের হলেন?
- বড় রাজা ছোট রাজার উপর রোপে গেলেন কেন?
- বড় রাজা কেন ছোট রাজ্যকে ছয় করতে পারলেন না?
- বড় রাজা কেন সন্ধি করতে চাইলেন?
- বড় রাজা আর ছোট রাজার মধ্যে তোমার কাকে বেশি পছন্দ? কেন?

৮. অল্প কথায় গল্পটা বলি।

৯. কর্ম-অনুশীলন।

- শক্তির চেয়ে বৃদ্ধির জোর বেশি-বিষয়টি নিয়ে শিক্ষকের সহায়তায় বিতর্ক প্রতিযোগিতায় অংশগ্রহণ করি।
- বড় রাজা এবং ছোট রাজার ভূমিকায় অভিনয় করে দেখাই।

## বাংলার খোকা

মমতাজউদদীন আহমদ

১৯২০ সালের ১৭ই মার্চ। দিনটি ছিল বুধবার।  
গোপালগঞ্জ জেলার টুঙ্গিপাড়া। সেই গ্রামের শেখ পরিবারে  
জন্ম হলো একটি শিশুর। বাবা শেখ লুৎফর রহমান আদর  
করে শিশুর নাম রাখলেন খোকা। খোকা খুব আদরের  
নাম। বাংলার প্রায় সব ঘরেই প্রথম পুত্রসন্তানের নাম  
রাখা হয় খোকা।

দিনে দিনে বড় হয় খোকা। পায়ে হেঁটে স্কুলে যায়। দুচোখ মেলে দেখে বাংলার মাঠ-ঘাট,  
পথ-প্রান্তর, সোনালি ধানের খেত। চোখ জুড়িয়ে যায় তার।

যত বড় হয় খোকা, তত তার বন্ধুর সংখ্যা বাড়ে। গায়ের অনেক ছেলের সঙ্গে তার যোগাযোগ  
নিবিড় হয়। প্রায়ই সে বন্ধুদের বাড়ি নিয়ে আসে। বলে, মা, ওদের খেতে দাও। মা আনন্দের  
সঙ্গে ছেলের বন্ধুদের খেতে দেন। মা হাসিমুখে ছেলের আবদার পূরণ করেন।

বর্ষাকালে স্কুলে যেতে বাবা খোকাকে ছাতা কিনে দিলেন। খোকা ছাতা নিয়ে স্কুলে যায়। একদিন  
ছাতা ছাড়া ভিজে ভিজে বাড়ি ফিরল খোকা।



মা জিজ্ঞেস করলেন, “তোমার ছাতা কই বাবা? এমন ভিজেছিস কেন?”

খোকা হাসিমুখে বলল, “মাগো, আমার এক পরিব কন্দুর ছাতা নেই। আমার ছাতাটা ওকে দিয়েছি।”

মা ছেলের এমন উদারতার খুশি হয়ে ওকে জড়িয়ে ধরেন। বললেন, “ভালোই করেছিস বাবা! তোমার বাবাকে বলব তোকে আর একটা ছাতা কিনে দিতে।”

মা ছেলের কপালে চুমু খেলেন।



শীতের সময় খোকাকে একটা চাদর কিনে দিলেন বাবা। একদিন দেখা গেল চাদর ছাড়াই বাড়ি ফিরে এলো খোকা। মা বললেন, “তোমার চাদর কই বাবা?” খোকা বুক ফুলিয়ে বলে, “মাগো, পথের ধারে গাছের নিচে এক বৃদ্ধ মহিলা! শীতে খুব কাঁপছিল।” আমি তার গায়ে চাদরটি জড়িয়ে দিয়ে এসেছি।

মা অবাক হয়ে ছেলের দিকে তাকিয়ে থাকেন। ভাবেন, পরিব মানুষের জন্য ছেলোটর এত দরদ! ও নিশ্চয় বড় হয়ে মানুষের জন্য অনেক কিছু করবে।



খোকার বন্ধু জেলের ছেলে গোপাল করুণ সুরে বাঁশি বাজায়। খোকা বন্ধুকে বলে, “তোমার বাঁশির সুরে আনন্দ নেই কেন রে গোপাল?”

গোপাল হতাশ হয়ে বলে, “আমার চারদিকে মানুষের জীবনে আনন্দ নেই রে খোকা।”

খোকা নিশ্চুপ থেকে ভাবে, “তাই তো। আমার চারদিকে এমন অবস্থাই তো দেখছি। এই অবস্থা বদলাতে হবে।”

দেশের নানা কথা ভাবতে ভাবতে বড় হয় খোকা। স্কুল পার হয়ে কলেজে ঢোকে। বাংলার মানুষের কথা, দেশের কথা তাঁকে নিয়ত ভাবায়। তিনি পার হন কলেজের চৌকাঠ। আরও বড় হন তিনি। যুক্ত হন রাজনীতির সঙ্গে। গরিব মানুষের দুঃখ দূর করার জন্য আন্দোলন করেন। দেশের মুক্তির জন্য ১৯৭১ সালে ডাক দেন স্বাধীনতার।

এই খোকা আমাদের বঙ্গবন্ধু শেখ মুজিবুর রহমান। তিনিই আমাদের জাতির পিতা।

## অনুশীলনী

১. শব্দগুলো পাঠ থেকে খুঁজে বের করি। অর্ধ বলি।

পথ-প্রান্তর আবদার উদারতা মুগ্ধ দরদ করুণ হতাশ জেলা চৌকাঠ

২. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

আবদার নিবিড় করুণ উদারতা হতাশ জেলা মুগ্ধ দরদ

ক. বন্ধুর সাথে সম্পর্ক ..... হওয়াই ভালো।

খ. ছেলের ..... শূনে মা হতবাক হয়ে গেলেন।

গ. .... মানুষকে মহান করে।

ঘ. নাটকটি দেখে আমি ..... হয়েছে।

ঙ. ছোট বোনটির জন্য ভাইয়ের অনেক .....

চ. বাস দুর্ঘটনার ..... দৃশ্য দেখে চোখে জল এসেছে।

ছ. সামান্য কারণেই ..... হওয়া ঠিক নয়।

জ. আমাদের ..... সব দিক থেকে সমৃদ্ধ।

### ৩. বাক্য গঠন করি।

আদর সোনালি কপাল চাঁদর গরিব আনন্দ রাজনীতি পিতা

### ৪. নিচের প্রশ্নগুলোর উত্তর বলি ও লিখি।

ক. কোথায় এবং কত সালে খোকার জন্ম হয়?

খ. বন্ধুদের বাসায় এনে খোকা মায়ের কাছে কী আবদার করত?

গ. বৃন্দ মহিলা কোথায় শীতে কাঁপছিল? খোকা তাকে কীভাবে সাহায্য করে?

ঘ. খোকা ভিজে ভিজে বাড়ি ফেরে কেন?

ঙ. কে স্বাধীনতার ডাক দেন?

### ৫. বিপরীত শব্দ বলি ও খাতায় লিখি।

শব্দ	বিপরীত শব্দ
বন্ধু	.....
আনন্দ	.....
ভেজা	.....
গরিব	.....
নিচে	.....
দুঃখ	.....
স্বাধীনতা	.....

৬. বঙ্গাব্দু শেখ মুজিবুর রহমান ছোটবেলা থেকেই মানুষকে ভালোবাসতেন – এমন দুটি ঘটনার কথা খাতায় লিখি।

৭. আগের পাঠে আমরা বিশেষ্য ও বিশেষণ পদ শিখেছি। এবার নিচের শব্দগুলো থেকে বিশেষ্য ও বিশেষণ পদ চিহ্নিত করি এবং খাতায় লিখি।

ঘর সোনালি স্কুল ছাতা বড় চাদর বাঁশি গাছ হতাশ উদার মুগ্ধ চৌকাঠ কল্পণ

৮. কর্ম-অনুশীলন।

খোকা গরিব-দুঃখী মানুষের মুখে হাসি ফোটাবার জন্য এগিয়ে এসেছিলেন, আমরা নিজেরা গরিব মানুষের জন্য কে কী করতে পারি তা লিখি।



মমতাজউদদীন  
আহমদ

### লেখক-পরিচিতি

মমতাজউদদীন আহমদ ১৯৩৫ খ্রিস্টাব্দের ১৮ই জানুয়ারি ভারতের পশ্চিমবঙ্গ রাজ্যের মালদহে জন্মগ্রহণ করেন। তিনি দীর্ঘকাল অধ্যাপনায় নিয়োজিত ছিলেন। তিনি বাংলাদেশের একজন বিশিষ্ট নাট্যকার। তাঁর রচিত কয়েকটি নাটক হচ্ছে: ‘স্বাধীনতা আমার স্বাধীনতা’, ‘সাত ঘাটের কানাকড়ি’ প্রভৃতি। তিনি বাংলা একাডেমি পুরস্কার ও একুশে পদকসহ বহু পুরস্কার লাভ করেছেন।

# মুক্তির ছড়া

সানাউল হক

আমার বাংলা তোমার বাংলা  
সোনার বাংলাদেশ –


সবুজ সোনালি ফিরোজা রুপালি  
রূপের নেই তো শেষ।

আমি তো মরেছি যতবার বায় মরা,  
নবীন ঝাত্রী তোমাকে শোনাই ছড়া।

এদেশ আমার এদেশ তোমার  
সবিশেষ মুজিবের,

হয়ত অধিক মুক্তিপাগল  
সহস্র শহিদেয়।

সম্পাদিত





## অনুশীলনী

### ১. কথাগুলো জেনে নিই এবং শব্দ দিয়ে বাক্য তৈরি করি।

সোনার বাংলাদেশ

– প্রিয় মাতৃভূমি। বাংলাদেশকে আমরা ভালোবাসি। এ দেশকে নিয়ে আমরা গৌরব করি। এ দেশ প্রচুর সম্পদে ভরা। তাই এই বাংলাকে বলে সোনারবাংলা। আমরা সোনার বাংলাদেশকে আরও সমৃদ্ধ করব।

সবুজ সোনালি ফিরোজা রুপালি

– বাংলার প্রকৃতি বিচিত্র ও সুন্দর। প্রকৃতির নানা রঙে যেন সাজানো এ দেশ। সবুজ শস্যে ভরা আমাদের এ মাঠ। পাটের সোনালি আঁশ আমাদের সম্পদ। কখনও আমাদের প্রকৃতি ধারণ করে ফিরোজা রঙের আভা। আমাদের নদীতে আছে রুপালি ইলিশ।

যতবার যায় মরা

– বাংলাদেশের স্বাধীনতার আগে এ দেশের মানুষকে মরণ-যন্ত্রণা সহ্য করতে হয়েছে। বার বার সহ্য করতে হয়েছে দুঃখ, কষ্ট, অত্যাচার আর নিপীড়ন। তাই মৃত্যু যেন বার বার এসেছে।

নবীন যাত্রী

– যারা নতুন যুগের শিশু। আমরা নবীন যাত্রী, আমাদের সামনে অনেক স্বপ্ন।

সবিশেষ মুজিবের

– এ দেশ আমাদের সকলের। এ দেশের স্বাধীনতা সংগ্রামে নেতৃত্ব দেন বঙ্গবন্ধু শেখ মুজিবুর রহমান। তাই এ দেশ সবিশেষ অর্থাৎ বিশেষভাবে বঙ্গবন্ধু মুজিবের।

মুক্তিপাগল

– এদেশের মুক্তির জন্য যঁারা সংগ্রাম করেছেন। স্বাধীনতার জন্য তাঁরা অধীর ছিলেন, তাই তাঁরা ছিলেন মুক্তিপাগল।

সহস্র শহীদের

– মুক্তিযুদ্ধে যঁারা শহিদ হয়েছেন, সেইসব হাজার শহিদ। শত-সহস্র শহিদের রক্তের বিনিময়ে আমরা স্বাধীনতা পেয়েছি।

### ২. প্রশ্নগুলোর উত্তর মুখে বলি ও লিখি।

ক. আমাদের দেশকে সোনার বাংলাদেশ বলা হয় কেন?

খ. এ দেশের নানা রূপ কীভাবে দেখতে পাই?

গ. ‘আমি তো মরেছি যতবার যায় মরা।’ – বলতে কবি কী বুঝিয়েছেন?

ঘ. নবীন বাঘী কারা ?

ঙ. এ দেশ মুক্তিগাপনদের।- সেই মুক্তিগাপন কারা ?



৩. বিপরীত শব্দগুলো ছেনে নিই ও লিখি।

শেষ	-	শুরু
মরা	-	বাঁচা
নবীন	-	প্রবীণ
মুক্তি	-	বন্দি

৪. শূন্যস্থানে ঠিক শব্দটি লিখি।

ক. .... ফিরোজা হুগালি

বুকের নেই তো .....

খ. .... তোমাকে শোনাই ছড়া।

গ. এদেশ ..... এদেশ .....

সবিশেষ .....

৫. কবিতাটি মুখস্থ বলি ও লিখি।

৬. আমাদের প্রিয় বাংলাদেশ সম্পর্কে পাঁচটি বাক্য লিখি।

৭. মহান মুক্তিযুদ্ধের সময়ে আমার এলাকার ধারা মুক্তিযুদ্ধে অংশগ্রহণ করেছিলেন তাঁদের নাম সজ্ঞাহ করে একটি তালিকা তৈরি করি।




সানাউল হক

### কবি-পরিচিতি

সানাউল হকের জন্ম ১৯২৪ খ্রিস্টাব্দের ২৩শে মে ব্রাহ্মণবাড়িয়া জেলার চাউড়ায়। তিনি বাংলাদেশের একজন বিশিষ্ট কবি। ঢাকা বিশ্ববিদ্যালয়ে অধ্যাপনা দিয়ে তাঁর কর্মজীবন শুরু হয়। পরে তিনি সরকারি চাকরিতে যোগ দেন। সাহিত্যে অবদানের জন্য তিনি বাংলা একাডেমি ও ইউনেস্কো পুরস্কার এবং একুশে পদক পেয়েছেন। ১৯৯৩ খ্রিস্টাব্দের ৪ঠা ফেব্রুয়ারি তিনি মৃত্যুবরণ করেন।

## আজকে আমার ছুটি চাই

শাহীন লেখাপড়ার ফাঁকে ফাঁকে বাবা-মার কাছে সাহায্য করে। ওর বোনটা অনেক ছোট। শাহীন ছোট বোনের সাথেও খেলাধুলা করে। শাহীন নিয়মিত মাদরাসায় যায়। সেদিন স্কুলে যাওয়ার সমস্যা হয়ে গেল। বাবা দূরে গেছেন কাছে, পরের দিন সন্ধ্যার আগে ফিরতে পারবেন না। এদিকে বোনটার অসুখ করল। এমন অবস্থায় শাহীন মাদরাসায় যার কী করে?



শাহীন দুটি চিঠি লিখল। একটা চিঠি তার ক্লাসের কবু আবিরকে, অন্যটা তার ক্লাসের স্যারকে। শাহীনের চিঠিটা স্যারকে পৌঁছে দেবে আবির।

প্রথম চিঠিটা এরকম:

সফেদপুর

১১.০২.১৪২৩ সন

প্রিয় কবু আবির,

আমি আজ মাদরাসায় যেতে পারব না। আমার ছোট বোনটার খুব অসুখ। আর বাবাও বাড়ি নেই। কাল সন্ধ্যায় আসবেন। লিফট স্যারকে চিঠিটা দেবে আর আমার বিপদের কথা বলবে। দিনের সব পড়া ভালো করে দেখবে ও লিখে নেবে। বাবা বাড়ি এলে তোমার কাছ থেকে আমি সব পড়া দেখে নেব। তোমার গল্পের বইটাও নিয়ে আসব।

আজকে মাদরাসার লাইব্রেরি থেকে খেলার বইটা নিতে জুলাবে না যেন।

ইতি

তোমার কবু

শাহীন

বন্ধু আবিরকে লেখা চিঠিটা ভাঁজ করে অপর পৃষ্ঠায় লিখল:  
আবির হোসেন

গ্রাম : আড়াইপাড়  
(উত্তর পাড়া)

দ্বিতীয় চিঠিটা এ রকম:

তারিখ: ১১.০২.১৪২৩

বরাবর

প্রধান শিক্ষক

ইছাপুর ইবতেদায়ি মাদরাসা

সফেদপুর

বিষয়: ছুটির আবেদন।

মহোদয়

সবিনয় নিবেদন এই যে, আমার ছোটবোন খুব অসুস্থ। বাবা বাড়ি নেই। তিনি সক্ষম  
আসবেন। ছোটবোনকে দেখাশোনা করার জন্য আমার পক্ষে মাদরাসায় আসা সম্ভব নয়।

অতএব, মহোদয়ের নিকট আবেদন, আমাকে আজ ছুটি প্রদান করলে আমি বাধিত হব।

নিবেদক

আপনার অনুগত ছাত্র

শাহীন রহমান

চতুর্থ শ্রেণি

ক্রমিক নম্বর- ০২



স্যারকে লেখা চিঠিটা ঠাঁজ করে একটা খামে ভরল শাহীন।

খামের বাম পাশে লিখল:

প্রেরক

শাহীন রহমান

চতুর্থ শ্রেণি

পিতা : বদিউর রহমান

গ্রাম : সফেদপুর

জেলা : ঢাকা

পোস্ট কোড : ১৩৪৫

খামের ডান পাশে লিখল:

প্রাপক

জনাব লতিফ আহমদ খন্দকার

প্রধান শিক্ষক

ইছাপুর ইবতেদায়ি মাদরাসা

ডাকঘর : ইছাপুর

জেলা : ঢাকা

পোস্ট কোড : ১৩৪৪

শাহীনের লেখা চিঠিটা পেয়ে আবিব সবকিছু ঠিক মতোই করেছিল। আর স্যারকে লেখা চিঠিটা পেয়ে তার শিক্ষক লতিফ সাহেবও ঠিকই জেনে গিয়েছিলেন ব্যাপারটা। তিনি তার চিঠিটার গায়ে ছুটির কথা লিখে দিয়ে সই করলেন। আবিবকেও স্যার জানিয়ে দিলেন যে, শাহীনকে একদিনের ছুটি দেওয়া হয়েছে।

আমরা প্রয়োজনে এই রকম চিঠি লিখে জরুরি কাজ ও সমস্যা মোকাবিলা করতে পারি। চিঠি লেখার অভ্যাস করতে হয়। জানতে হয় কোন চিঠি কখন, কাকে এবং কীভাবে লিখতে হবে।

## অনুশীলনী

### ১. জেনে নিই।

- ক. চিঠি কয়েক রকম হতে পারে। যেমন-ব্যক্তিগত চিঠি, পারিবারিক চিঠি, নিমন্ত্রণ পত্র, ব্যবসায়িক চিঠি, দাপ্তরিক চিঠি, অনুরোধ পত্র বা আবেদন পত্র ইত্যাদি।
- খ. চিঠির মধ্যে সাধারণত কয়েকটি অংশ থাকে। যেমন-
১. যেখান থেকে চিঠি লেখা হচ্ছে সে জায়গার নাম, ঠিকানা ও তারিখ
  ২. সম্বোধন বা সম্বাষণ
  ৩. মূল বক্তব্য (ভেতরে যে কথাগুলো থাকে)
  ৪. বিদায় সম্বাষণ (পত্রের ইতি টানা)
  ৫. প্রেরকের (যে চিঠি পাঠাচ্ছে তার) নাম ও ঠিকানা
  ৬. প্রাপকের (যে চিঠি পাবে তার) নাম ও ঠিকানা
- গ. চিঠি চলিত ভাষাতেই লেখা উচিত।

### ২. নিচের প্রশ্নগুলোর উত্তর বলি ও লিখি।

- ক. শাহীন কেন চিঠি লিখেছিল?
- খ. শাহীন কাকে কাকে চিঠি লিখেছিল?
- গ. বন্ধু আবিরকে কেন শাহীন চিঠি লিখেছিল?
- ঘ. চিঠি লেখার ফলে শাহীনের কী লাভ হয়েছিল?
- ঙ. চিঠিতে সাধারণত কয়টি অংশ থাকে?

### ৩. শূন্যস্থান পূরণ করি।

চিঠির প্রথম অংশ ..... | দ্বিতীয় অংশ..... |  
তৃতীয় অংশ..... | চতুর্থ অংশ ..... |  
পঞ্চম অংশ ..... | ষষ্ঠ অংশ ..... |


### ৪. পত্র লিখি

- ক. দাদুর কাছে একটা ব্যক্তিগত চিঠি লিখি।
- খ. পাশের মাদরাসার সাথে অনুষ্ঠিত ফুটবল খেলা দেখার জন্য চতুর্থ শ্রেণির পক্ষ থেকে ছুটি চেয়ে প্রধান শিক্ষকের নিকট একটা আবেদন পত্র লিখি।

### ৫. লিখল, দেবে, করছে, দেখবে, আসব, পারছি, লিখব, করলেন, জানতে – এগুলো সবই চলিত ভাষার ক্রিয়াপদ, যার দ্বারা কোনো কাজ করা বোঝায়।

## বীরশ্রেষ্ঠদের বীরগাথা

১৯৭১ সালের ২৬ এ মার্চ। অবিস্মরণীয় সেই সময়। বঙ্গবন্ধু শেখ মুজিবুর রহমানের আহ্বানে শুরু হয়ে গেছে মুক্তিযুদ্ধ। বাঙালিরা বাঁপিয়ে পড়েছেন স্বাধীনতার মরণশয় যুদ্ধে। সারা বাংলাদেশ তখন রণক্ষেত্র। হানাদার পাকিস্তানি সেনাবাহিনীকে যেভাবেই হোক পরাজিত করতে হবে। শত্রুমুক্ত করতে হবে এই প্রিয় বাংলাদেশকে। বাংলাদেশ অর্জন করবে স্বাধীনতা। জাতি-ধর্ম-বর্ণ নির্বিশেষে সব পেশার মানুষ যোগ দিচ্ছেন মুক্তিযুদ্ধে। এঁরা সবাই মুক্তিযোদ্ধা, গঠিত হয়েছে মুক্তিবাহিনী। এঁদের সবাই জীবন বাজি রেখে যুদ্ধ করেছেন। তাঁদের অনেকেই শহিদ হয়েছেন। এঁদের মধ্যে সাতজনকে অসীম সাহসিকতার জন্য রাষ্ট্র বীরশ্রেষ্ঠ উপাধিতে ভূষিত করে। এই বীরশ্রেষ্ঠরা হলেন— মহিউদ্দিন জাহাঙ্গীর, মোস্তফা কামাল, হামিদুর রহমান, মোহাম্মদ রুহুল আমিন, মতিউর রহমান, মুন্সী আবদুর রউফ এবং নূর মোহাম্মদ শেখ। এখানে আমরা তিনজন বীরশ্রেষ্ঠের কথা জানব।





ডিসেম্বরের ১৪ তারিখ। একজন মুক্তিযোদ্ধা চাঁপাইনবাবগঞ্জের বারঘরিয়ার মুক্তিবাহিনীর ক্যাম্প থেকে বের হয়ে রেহাইচরের কাছ দিয়ে নৌকায় করে মহানন্দা নদী পার হন। তারপর অত্যন্ত ক্ষিপ্ততার সঙ্গে পাকিস্তানি সেনাদের বাজ্ঞারে আক্রমণ চালান। ধ্বংস করেন তাদের সুরক্ষিত বাজ্ঞার। পাকিস্তানি সেনাদের ঘাঁটিতে এ খবর পৌঁছালে তারা অধিক সংখ্যক সৈন্য এনে পাশ্চাত্য আক্রমণ চালায়। সাহসী যোদ্ধা আরও দুঃসাহসী হয়ে উঠেন। পিছিয়ে যাওয়ার মানুষ তিনি ছিলেন না। আকস্মিকভাবে পাকিস্তানি সেনাদের গুলি এসে তাঁর কপালে লাগে। তিনি মাটিতে পড়ে যান। এই খবর বারঘরিয়া মুক্তিবাহিনীর ক্যাম্পে পৌঁছালে অন্যান্য মুক্তিযোদ্ধাগণ পাকিস্তানি সেনাদের উপর মরণপন আক্রমণ চালান। ওই দিনই তাঁরা চাঁপাইনবাবগঞ্জ শহর হানাদার মুক্ত করেন।

শহিদ হলেন বীর মুক্তিযোদ্ধা। বীরের রক্তে রঞ্জিত হলো বাংলার মাটি। স্বাধীনতার জন্য লড়াই করা অসীম সাহসী এই বীরের নাম ক্যাপ্টেন মহিউদ্দিন জাহাঙ্গীর।

মহিউদ্দিন জাহাঙ্গীরের জন্ম ১৯৪৯ সালের ৭ই মার্চ বরিশাল জেলার বাবুগঞ্জ উপজেলার রহিমগঞ্জ গ্রামে। মুক্তিযুদ্ধ যখন শুরু হয় তখন তিনি পশ্চিম পাকিস্তানে ছিলেন। সিংহাস্ত নিলেন তিনি পাকিস্তান সামরিক বাহিনী ত্যাগ করে মুক্তিবাহিনীতে যোগ দেবেন। পরিকল্পনা অনুযায়ী তাঁরা চার জন ওরা জুলাই তারিখে রাতের অন্ধকারে পাকিস্তানের শিরালকোট হয়ে ভারতে প্রবেশ করেন। সেখান থেকে দিল্লি হয়ে কলকাতায় পৌঁছান। চারজন বীর সেনাকে স্বাগত জানান মুক্তিযুদ্ধের প্রধান সেনাপতি জেনারেল আতাউল গনি ওসমানী। ক্যাপ্টেন জাহাঙ্গীরকে পাঠানো হয় ৭ নম্বর সেক্টরে। সেখান থেকে তিনি মালদহ জেলার মেহেদিপুর মুক্তিবাহিনী ক্যাম্পে যোগ দেন। তিনি এই সাব-সেক্টরের কমান্ডার ছিলেন। তাঁর সাহস ও ক্ষিপ্ততার কারণে আক্রমণের ধারা ছিল তীব্র। অনেকগুলো অপারেশনে নেতৃত্ব দিয়ে শত্রুসেনাদের খতম করেছেন তিনি। সেক্টর কমান্ডার কাজী নুরুজ্জামান তাঁর বইয়ে লিখেছেন, ‘মহিউদ্দিন ছিলেন একজন অনন্য সাধারণ দেশপ্রেমিক এবং যোগ্য সেনানায়ক। কয়েক সপ্তাহের মধ্যেই মেহেদিপুর সাব-সেক্টরের চেহারা পাল্টে গেল।’ বিজয় দিবসের দুই দিন আগে এই অসীম সাহসী মুক্তিযোদ্ধা শহিদ হন।



ক্যাপ্টেন মহিউদ্দিন জাহাঙ্গীর

জাহাঙ্গীরের মতোই ভাবনা ছিল বৈমানিক মতিউর রহমানের। তিনিও চেয়েছিলেন পাকিস্তান থেকে যুদ্ধবিমান নিয়ে মুক্তিযুদ্ধে যোগ দিতে। পাকিস্তানি বিমানবাহিনীতে মতিউর ছাত্রদের বিমান প্রশিক্ষণের দায়িত্বে ছিলেন। তাঁর একজন ছাত্রের নাম ছিল রশিদ মিনহাজ। তিনি উপরিকল্পনা করলেন যে, মিনহাজ যেদিন বিমান নিয়ে আকাশে উড়বে, সেদিন মিনহাজের কাছ



থেকে বিমানটি ছিনিয়ে ভারতে নিয়ে যাবেন। নোটিশ বোর্ডে টানানো ফ্লাইট শিডিউল দেখে তিনি জেনেছিলেন আগস্ট মাসের ২০ তারিখে মিনহাজ আকাশে উড়বে। সেদিন তিনি গাড়ি নিয়ে রানওয়ের পূর্বদিক চলে যান। মতিউর দেখতে পান মিনহাজ টি-৩৩ বিমান চালিয়ে সামনের দিকে আসছে। তিনি বিমানের সামনে গিয়ে শুকে ধামতে বলেন মিন-হাজ থামে এবং বিমানের উপর ঢাকনা খুলে কোনো সমস্যা হয়েছে কি না তা জ্ঞানতে চায়। সুযোগ পেয়ে মতিউর লাফ দিয়ে বিমানে ওঠেন। আগেই বুমাঙ্গে ক্রোরোকরম মাখিয়ে এনেছিলেন তিনি। মিনহাজের নাকে বুমালা চেপে ধরতেই সে অচেতন হয়ে যায়। কিন্তু তার আগেই মিনহাজ কন্ট্রোল টাওয়ারে খবর পাঠায় যে বিমানটি হাইজ্যাক হয়েছে। মতিউর রহমান খুব নিচু দিয়ে অনেকটা আসার পরে মিনহাজের জ্ঞান ফিরে। সে বিমানটিকে ফেরানোর জন্য ধস্তাধস্তি শুরু করে। বিমানটি পাকিস্তানের খাটায় বিধ্বস্ত হয়। বিধ্বস্ত বিমানের বাইরে পড়ে ছিল মতিউরের প্রাণহীন দেহ। পরে তাঁকে বিমানখাঁটিতে কবর দেওয়া হয়। ২০০৬ সালে তাঁর দেহাবশেষ দেশে ফিরিয়ে আনা হয়। রাষ্ট্রীয় মর্যাদায় সমাহিত করা হয় ঢাকার মিরপুরের শহিদ বুদ্ধিজীবী কবরস্থানে।



ফ্লাইট লেকটেন্যান্ট মতিউর রহমান

১৯৪১ সালে ঢাকায় মতিউর জনগ্রহণ করেন। মুক্তিযুদ্ধ চলাকালে তিনি ছিলেন পাকিস্তান বিমান বাহিনীর ফ্লাইট লেকটেন্যান্ট।

মুক্তিযুদ্ধের আরেক অসীম সাহসী যোদ্ধা বীরশ্রেষ্ঠ হামিদুর রহমান। ১৯৫৩ সালের ২রা ফেব্রুয়ারি তিনি ঝিনাইদহ জেলার মহেশপুর থানার খর্দ খালিশপুর গ্রামে জনগ্রহণ করেন। দুঃসাহসিক এক যুদ্ধে তিনি জীবন দিয়েছিলেন।

১৯৭১ সালের ২৮ এ অক্টোবর। মৌলভীবাজার জেলার কমলগঞ্জ থানার ধলই সীমান্ত কাঁড়ি। মুক্তিযোদ্ধারা সিদ্ধান্ত নেন, গুরুত্বপূর্ণ এই কাঁড়িটি দখল করতে হবে। দায়িত্ব দেওয়া হলো প্রথম ইস্ট বেঙ্গাল রেজিমেন্টের ওপর। নেতৃত্ব দেবেন তরুণ সিপাহি হামিদুর রহমান। তিন গ্লাইন সৈন্য নিয়ে তিনি যাত্রা শুরু করেন। রাতের আঁধারে অত্যন্ত সাবধানে তাঁরা খেনেড হুঁড়ে শত্রুর বাজকার নিশ্চিহ্ন করে দেওয়ার অপেক্ষায় ছিলেন। কিন্তু তখনই শত্রুর পুতে রাখা একটা মাইন বিস্ফোরিত হয়। পাকিস্তানি সেনারা সতর্ক হয়ে যায়। দুই পক্ষে বেধে যায় ভূমূল যুদ্ধ।



সিপাহি হামিদুর রহমান

হামিদুরের সঙ্গে শুধু একটা রাইফেল আর দুটো গ্যেনেড। নির্ভুল নিশানায় তিনি প্রথম গ্যেনেডটা ছুঁড়েন। শত্রুর আক্রমণকে সতর্ক করে দেন তিনি। কিন্তু দ্বিতীয় গ্যেনেডটা ছোঁড়ার মুহূর্তে শত্রুর মেশিনগানের গুলি এসে লাগে তাঁর গায়ে। শহিদ হন এই অকুতোভয় বীর। সিপাহি হামিদুরকে প্রথমে ত্রিপুরার আমবাঙ্গা ইউনিয়নের হাতিয়ারাছড়া গ্রামে সমাহিত করা হয়। ২০০৭ সালের ১০ই ডিসেম্বর তাঁর দেহাবশেষ ফিরিয়ে আনা হয় বাংলাদেশে। পরদিন রাষ্ট্রীয় মর্যাদায় মিরপুর শহিদ বৃন্দীভবী কবরস্থানে তাঁকে পুনরায় সমাহিত করা হয়।

তিনজন বীরশ্রেষ্ঠের কথা জানলাম আমরা। এক মহান বীরগাথার রচয়িতা তাঁরা। তাঁদের মতো অনেকের জীবনের বিনিময়ে আমরা পেয়েছি স্বাধীন বাংলাদেশ। এই বীরদের মহান আত্মত্যাগ অবিস্মরণীয় হয়ে থাকবে।

তথ্যসূত্র : মুক্তিযুদ্ধ বিষয়ক মন্ত্রণালয়

## অনুশীলনী

১. শব্দগুলো পাঠ থেকে খুঁজে বের করি, অর্থ বলি এবং বাক্য তৈরি করে লিখি।

বীরশ্রেষ্ঠ বাঙালি বীরগাথা ধূলিসাৎ রণক্ষেত্র মুক্তিবাহিনী নিয়ন্ত্রণ  
অতিক্রম বিধ্বস্ত হওয়া দুঃসাহসিক বিস্ফোরণ মেশিনগান অকুতোভয়  
মরণপণ আত্মত্যাগ।

২. প্রশ্নগুলোর উত্তর বলি ও লিখি।

ক) বীরশ্রেষ্ঠরা কেন মুক্তিযুদ্ধ করেছিলেন?

খ. ক্যাপ্টেন মহিউদ্দিন জাহাঙ্গীর কীভাবে ঝুঁকি নিয়ে মুক্তিযুদ্ধে অংশগ্রহণ করেছিলেন –  
বর্ণনা করি।

গ. যুদ্ধবিমানের নিয়ন্ত্রণ নিতে গেলে মতিউরের কী ঘটেছিল?

ঘ. বীরশ্রেষ্ঠ হামিদুর রহমান যে অসীম সাহসের সঙ্গে যুদ্ধ করেছিলেন তার বর্ণনা দিই।

ঙ. এক মহান বীরগাথার রচয়িতা তাঁরা – ব্যাখ্যা করি।

### ৩. তারিখবাচক শব্দ শিখি।

লেখাটিতে আছে '১৯৫৩ সালের ২রা ফেব্রুয়ারি' – এখানে ব্যবহৃত '২রা' শব্দটি হলো তারিখবাচক শব্দ। এরকম ১০ পর্যন্ত বলতে ও লিখতে হয় এভাবে :

১লা (পহেলা)	৬ই (ছয়ই)
২রা (দোসরা)	৭ই (সাতই)
৩রা (তেসরা)	৮ই (আটই)
৪ঠা (চৌঠা)	৯ই (নয়ই)
৫ই (পাঁচই)	১০ই (দশই)

### ৪. ঠিক উত্তরটিতে টিক (✓) চিহ্ন দিই।

ক. বাংলাদেশের কোন নেতা মুক্তিযুদ্ধে বাঁপিয়ে পড়ার ডাক দিয়েছিলেন?

১. মওলানা আবদুল হামিদ খান ভাসানী
২. বঙ্গবন্ধু শেখ মুজিবুর রহমান
৩. হোসেন শহীদ সোহরাওয়ার্দী
৪. শেরে বাংলা এ কে ফজলুল হক

খ. বীরশ্রেষ্ঠ মহিউদ্দিন জাহাঙ্গীর কীভাবে যুদ্ধ করেছিলেন?

১. মেশিনগান থেকে গুলি ছুঁড়েছিলেন
২. ট্যাংক নিয়ে অগ্রসর হয়েছিলেন
৩. পাকিস্তানি সেনাদের বাজকারে আক্রমণ চালিয়েছিলেন।
৪. বিমান থেকে আক্রমণ করেছিলেন





গ. বাংলাদেশের মুক্তিযুদ্ধে জীবন উৎসর্গকারী বীরশ্রেষ্ঠ কতজন?

১. ৩ জন

২. ৫ জন

৩. ৭ জন

৪. ৯ জন

ঘ. মতিউর রহমানের বিমানটি কোথায় বিধ্বস্ত হয়েছিল?

১. ভারতের শ্রীনগরে

২. পাকিস্তানের ষাট্টায়

৩. বাংলাদেশের মেহেরপুরে

৪. ভারতের ত্রিপুরায়

ঙ. কমলগঞ্জ ধানার ধলই সীমান্ত ফাঁড়িটি দখলের নেতৃত্ব দিয়েছিলেন কে?

১. হামিদুর রহমান

২. মতিউর রহমান

৩. মহিউদ্দিন জাহাঙ্গীর

৪. মোস্তফা কামাল

৫. বড়দের কাছ থেকে মুক্তিযুদ্ধের ঘটনা জানার চেষ্টা করি ও তা শুনে এসে বন্ধুদের কাছে বলি।

৬. নিচের ছবিটি অবলম্বনে মুক্তিযুদ্ধ সম্পর্কে আমার ভাবনা লিখে জানাই।





## মহীয়সী রোকেয়া

সে অনেক দিন আগের কথা। রংপুরের পায়রাবন্দ গ্রাম। সেই গ্রামেই জন্ম হলো এক ফুটকুটে শিশুর। নাম তার রোকেয়া। রোকেয়ার দুই বোন আর দুই ভাই। বাবা জমিদার। কিন্তু সেই জমিদারি তখন পড়তির দিকে। আগের অবস্থা আর নেই।

রোকেয়ার সকালে ঘুম ভাঙে পাখির ডাকে। পাখিদের তো ডানা আছে। পাখিরা উড়তে পারে। যখন যেখানে খুশি যেতে পারে। কিন্তু রোকেয়ার তো কোথাও যাবার অনুমতি নেই। ঘরের বাইরে তো দূরের কথা, কারো সামনে যাওয়াও নিষেধ। এমনকি সে যদি মেয়ে হয়, তার সামনেও নয়।



মহীয়সী রোকেয়া

একবার হলো কী, কয়েকজন মেয়ে-আত্মীয় রোকেয়াদের বাড়িতে বেড়াতে এলো। রোকেয়ার বয়স তখন পাঁচ বছর। চার দেয়ালের মধ্যে বন্দি রোকেয়ার তো খুশি হবার কথা। কিন্তু তাকে কখনো চিলেকোঠায়, কখনো সিঁড়ির নিচে, কখনো দরজার আড়ালে লুকিয়ে থাকতে হলো। ছেলে মেয়ে কারো সামনে আসাই যে নিষেধ। মেয়েদের যে এভাবে চলতে হতো, একেই বলে অবরোধ প্রথা। অবরোধ মানে বাড়ির নির্দিষ্ট গভীর মধ্যে আটকে থাকা। শুধু মেয়ে হবার কারণে রোকেয়াকে এভাবে কাটাতে হতো বন্দিজীবন। সকালে মেয়েদের লেখাপড়ারও চল ছিল না।

আসলে মুসলমান মেয়েদের তখন স্কুলে যেতেই দিতেন না অভিতাবকরা। রোকেয়া স্কুলে যাবেন কী করে? লেখাপড়াই-বা শিখবেন কীভাবে?

কিন্তু তিনি তো দমবার পাত্রী নন। বাড়িতে কুরআন পড়া শিখলেন। উর্দুও শিখেছিলেন। কিন্তু বালা শেখার জন্যে তাঁর মন ছটফট করতে লাগল। রোকেয়ার বড় বোন করিমুন্নেসা, জ্যেষ্ঠ ভ্রাতা ইব্রাহিম সাবের। করিমুন্নেসা তাঁর বড় ভাইয়ের কাছে লেখাপড়া শিখেছিলেন। ভাই বোন দুজনেই রোকেয়াকে খুবই স্নেহ করতেন। এই ভাই-বোনের কাছেই রোকেয়ার যত আবদার। রোকেয়ার লেখাপড়া করার কী অদম্য আশ্রয়! বড় বোনের কাছে



তিনি বাংলা শিখলেন। সেই লেখাপড়াটা ছিল আরেক যুদ্ধ। রাত গভীর হলে ভাইয়ের কাছে শুরু হতো তার জ্ঞানার্জন। বাবা-মা তখন গভীর ঘুমে। সারা বাড়ি নিছবুম। মোমবাতি জ্বালিয়ে রোকেয়া বই খুলে বসেছেন। এ বই সে বই থেকে ভাই সাবের তাকে পাঠ দিচ্ছেন। জ্ঞানের জন্যে ভূস্বার্থ বোন রোকেয়া শিখছেন কতো কিছু। রাতের পর রাত এভাবেই কেটে গেছে। কখনো কখনো পড়তে পড়তে ভোর হয়ে গেছে। লুকিয়ে লুকিয়ে এভাবেই পড়া শিখেছেন রোকেয়া।

আসলে সেই সময়টা ছিল এমনই। মেয়েদের না ছিল লেখাপড়ার অধিকার, না ছিল বাইরে কোথাও বেরোবার স্বাধীনতা। সামাজিক বিধিনিষেধের কারণে মেয়েরা লেখাপড়া করতে পারত না। মেয়েদের বিয়ে দেওয়া হতো খুব অল্প বয়সে। এভাবেই বড় বোন করিমুল্লাহর চৌদ্দ বছর বয়সে



বিয়ে হয়ে গেল ।

রোকেয়ার বিয়ে হলো ষোলো বছর বয়সে । স্বামী সৈয়দ সাখাওয়াত হোসেন । সরকারি চাকুরে । এবার স্বামীর নামানুসারে তাঁর নাম হলো রোকেয়া সাখাওয়াত হোসেন । বিয়ের পর স্বামীর সঙ্গে শশুরবাড়ি যাওয়ার পালা । স্বামীর বাড়ি ভাগলপুর পৌঁছে দেখলেন বাড়িতে সবাই উর্দুতে কথা বলেন । রোকেয়াও উর্দুতে কথা বলতে শুরু করলেন । কিন্তু বাংলা ভাষায় কথা না বললে কি মনের সাধ মেটে? বাংলা ভাষাকে তিনি একদিনের জন্যও ভুলে থাকতে পারেন নি ।

বিয়ের মাত্র দশ বছর পর রোকেয়ার স্বামী সৈয়দ সাখাওয়াত হোসেনের মৃত্যু হলো । এবার শুরু হলো রোকেয়ার আরেক জীবন । মুসলমান মেয়েরা তখন অনেক পিছিয়ে । লেখাপড়া করার স্কুল নেই । মৃত্যুর আগে স্বামী কিছু অর্থ রেখে গিয়েছিলেন । স্বামীর মৃত্যুর পর কলকাতায় স্বামীর নামে তাই দিয়ে তিনি মেয়েদের একটা প্রাথমিক স্কুল প্রতিষ্ঠা করলেন । শুরুতে এই স্কুলের ছাত্রী ছিল মাত্র পাঁচ জন । কিন্তু আস্তে আস্তে ছাত্রী সংখ্যা বাড়তে থাকল । তিনি বুঝতে পারলেন, কেন মুসলমান মেয়েরা এত পিছিয়ে আছে । কতো কথা তাঁর মনে, কতো কিছু বলবার ইচ্ছা । এবার তিনি বাংলা ভাষায় শুরু করলেন লেখালেখি । মনের কথা, মনের ভাবনা সব তুলে ধরলেন তাঁর লেখায় । তাঁর লেখা কয়েকটা উল্লেখযোগ্য বই হলো—‘মতিচূর’, ‘অবরোধবাসিনী’ ও ‘পদ্মরাগ’ ।

ছোটবেলাতেই দেখেছিলেন, মেয়েদের ঘরে বন্দি করে রাখা হয় । পড়ালেখা করার অধিকার নেই । অল্প বয়সে বিয়ে দিয়ে স্বামীর ঘরে পাঠিয়ে দেওয়া হয় । সারাজীবন মেয়েরা আর কিছুই করতে পারে না । বাইরে কাজ করবার অধিকার তারা পায় না । পড়ালেখা করে ছেলেরা । বাইরে কাজ করে ছেলেরা । মেয়েরাও যে মানুষ, সে-কথাই তারা প্রায় ভুলে যায় । রোকেয়া বুঝেছিলেন, ছেলেদের যে অধিকার, মেয়েদেরও তো সেই অধিকার থাকবার কথা ।

রোকেয়া বলেছেন, একটা গরুর গাড়ির থাকে দুটো চাকা । গাড়ি চলতে হলে চাকা দুটোকে সমান হতে হয় । একটা ছোট আরেকটা বড় হলে সেই গাড়ি চলবে না । মেয়ে আর ছেলে হচ্ছে সেরকমই । ছেলেদের তুলনায় মেয়েরা যদি পিছিয়ে থাকে সেই সমাজের কোনোদিন উন্নতি হতে পারে না । তিনিই প্রথম মেয়েদের অধিকার প্রতিষ্ঠার জন্য লড়াই করেছিলেন ।

রোকেয়া ১৮৮০ সালে জন্মগ্রহণ করেছিলেন । ১৯৩২ সালের ৯ই ডিসেম্বর তিনি মৃত্যুবরণ করেন । নারী জাগরণের অগ্রদূত হিসেবে চিরস্মরণীয় হয়ে আছেন তিনি ।

## অনুশীলনী

১. শব্দগুলো পাঠ থেকে খুঁজে বের করি, অর্থ বলি এবং বাক্য তৈরি করে লিখি।

জমিদার বন্দি চিলেকোঠা স্নেহ স্বাধীনতা প্রতিষ্ঠা লেখালেখি উন্নতি  
সমাজ অধিকার লড়াই নারী জাগরণ অগ্রদূত মহীয়সী চিরস্মরণীয়

২. নিচের শব্দগুলো দিয়ে বাক্য লিখি।

অগ্রদূত অধিকার প্রতিষ্ঠা অদম্য অবরোধ

৩. এককথায় প্রকাশ করি।

এই লেখায় “রোকেয়ার পড়ালেখা করার কী অদম্য আগ্রহ!” – এরকম একটা বাক্য রয়েছে।  
এই বাক্যে ব্যবহৃত ‘অদম্য’ শব্দটির অর্থ হচ্ছে ‘যে কোনো কিছুতে দমে না।’ শব্দটি  
অনেকগুলো শব্দের সর্ধক্ষিপ্ত রূপ। এরকম আরও কিছু শব্দ লিখি।

অনেকের মধ্যে	–	অন্যতম।
জানার ইচ্ছা	–	জিজ্ঞাসা।
আকাশে যে চরে	–	খেচর।
বিদ্যা আছে যার	–	বিদ্বান।
ভাতের অভাব যার	–	হাভাতে।
মহান যে নারী	–	মহীয়সী।

৪. যুক্তবর্ণগুলো দেখি ও যুক্তবর্ণ দিয়ে গঠিত শব্দগুলো পড়ি ও লিখি।

জ্ঞান	জ্ঞ	জ্	ঞ	জ্ঞান, বিজ্ঞান, অজ্ঞান
উন্নতি	ন্ন	ন্	ন	অন্ন, ভিন্ন, নবান্

৫. বাম পাশের বাক্যাংশের সাথে ডান পাশের ঠিক বাক্যাংশ মিলিয়ে পড়ি ও লিখি।

রংপুরের পায়রাবন্দ গ্রামে

ষোলো বছর বয়সে।

অবরোধ মানে বাড়ির নির্দিষ্ট

মতিচূর, অবরোধবাসিনী ও পদ্মরাগ।



রাত গভীর হলে ভাইয়ের কাছে

রোকেয়ার জন্ম।

রোকেয়ার বিয়ে হলো

নারী জাগরণের অগ্রদূত।

তঁার লেখা বইগুলো হলো—

শুরু হতো তার জ্ঞানার্জন।

মহীয়সী রোকেয়া

গন্ডির মধ্যে আটকে থাকা।

## ৬. নিচের প্রশ্নগুলোর উত্তর বলি ও লিখি।

ক. বেগম রোকেয়া কোথায় জন্মগ্রহণ করেন?

খ. বাড়িতে লোক এলে রোকেয়া কোথায় কোথায় লুকিয়ে থাকতেন?

গ. লেখাপড়ার বিষয়ে রোকেয়াকে কে কে সাহায্য করতেন?

ঘ. রোকেয়া কখন পড়াশোনা করতেন? কীভাবে করতেন?

ঙ. সেকালে মেয়েদের অবস্থা কেমন ছিল?

চ. রোকেয়াকে কেন নারী জাগরণের অগ্রদূত বলা হয়?

ছ. নারীশিক্ষা কেন প্রয়োজন।—বুঝিয়ে বলি।

৭. স্বামীর মৃত্যুর পর রোকেয়া কী কী কাজ করতে শুরু করলেন তা সংক্ষেপে লিখি।

৮. রোকেয়ার জীবনী থেকে আমি কী শিখলাম তা সংক্ষেপে লিখি।

## নেমস্তন্ন

অনুদাশঙ্কর রায়

যাচ্ছ কোথা ?  
চাওড়িপোতা ।  
কিসের জন্য ?  
নেমস্তন্ন ।  
বিয়ের বুঝি ?  
না, বাবুজি ।  
কিসের ভবে ?  
ভজন হবে ।  
শুধুই ভজন ?  
প্রসাদ ভোজন ।  
কেমন প্রসাদ ?  
যা খেতে সাধ ।  
কী খেতে চাও ?  
ছানার পোলাও ।

ইচ্ছে কী আর ?  
সরপুরিয়ার ।  
আঃ কী আয়েস !  
রাবড়ি পায়ের ।  
এই কেবলি ?  
স্কীর কদলী ।  
বাঃ কী ফলার !  
সবরি কলার ।  
এবার ধামো ।  
ফজলি আমাও ।  
আমিও যাই ?  
না, মশাই ।



## অনুশীলনী

### ১. জেনে নিই।

এই ছড়াটিতে আসলে একটা হাসির গল্প বলা হয়েছে। একজন লোক ভজন গান শুনতে চাখড়িপোতা নামে একটা জায়গায় যাচ্ছে। পথে এক বন্ধুর সাথে দেখা। বন্ধু একটার পর একটা প্রশ্ন করছে, আর সে উত্তর দিয়ে যাচ্ছে। ধীরে ধীরে বোঝা গেল – ভজন গান শোনার চেয়ে তার অনেক বেশি লোভ ভোজনে, অর্থাৎ ভালো ভালো খাবার খাওয়ায়। তার বন্ধু সঙ্গে যেতে চাইলেও সে তাকে নেয় না। কারণ, বন্ধু সঙ্গে গেলে তার খাওয়া যদি কম হয় – এই ভয়।

### ২. শব্দগুলো পাঠ থেকে খুঁজে বের করি, অর্থ বলি এবং বাক্য তৈরি করে বলি ও লিখি।

ভজন প্রসাদ ভোজন সাথ সরপুরিয়া আয়েস রাবড়ি ক্ষীর  
কদলী ফলার ফজলি আম সবরি কলা

### ৩. প্রশ্নগুলোর উত্তর মুখে বলি ও লিখি।

- ক. লোকটি কোথায় যাচ্ছে? কেন যাচ্ছে?
- খ. এ কবিতায় কী কী খাবারের নাম উল্লেখ আছে?
- গ. কোন খাবার সে আয়েস করে খেতে চায়?
- ঘ. লোকটি কোন কোন ফল খেতে চায়?
- ঙ. সে কোন আম খেতে চাইছে?
- চ. ভজন আর ভোজনের মধ্যে পার্থক্য কী?



### ৪. লোকটি কী কী খাবার খেতে চাইছে তার তালিকা বানাই।

### ৫. নেমস্তন্ন সম্পর্কে নিজের কোনো মজার ঘটনা বলি।

### ৬. আমার প্রিয় খাবারের নাম লিখি এবং কেন প্রিয় তা লিখি।

### ৭. একই অর্থ হয় এমন শব্দগুলো জেনে নিই।

- |           |   |                                 |
|-----------|---|---------------------------------|
| নেমস্তন্ন | – | নিমন্ত্রণ, দাওয়াত।             |
| সাথ       | – | ইচ্ছা, আকাঙ্ক্ষা, বাসনা, কামনা। |
| বিয়ে     | – | বিবাহ, পরিণয়, সাদি।            |



৮. ছান মিক খেকে ঠিক শব্দটি বেছে নিয়ে খালি জায়গায় বসাই।

ক. লোকটি আয়েশ করে খেতে চায় .....

প্রসাদ ভোজন

খ. লোকটি চাখড়িপোতা বাছে .....

সবরি কলার

গ. শুধু ভজন নয়, সাথে আছে .....

রাবড়ি গায়েস

ঘ. লোকটি খেতে চায় .....

ভজন শুনতে

ঙ. বাঃ কী ফলার .....

ছানার পোলাও

৯. ছড়াটি আবৃত্তি করি।

১০. ছড়াটি গড়ি ও ঠিকমতো ক্রিয়ামটিক বসিয়ে লিখি।



অন্নদাশঙ্কর রায়

### কবি-পরিচিতি

অন্নদাশঙ্কর রায় ১৯০৫ সালের ১৫ই মে ভারতের উড়িষ্যা রাজ্যের ঢেকাঁনল জেলায় জন্মগ্রহণ করেন। তিনি পাটনা বিশ্ববিদ্যালয় থেকে ইংরেজি সাহিত্যে অনার্স নিয়ে প্রথম শ্রেণিতে প্রথম স্থান লাভ করেন। সরকারি চাকরিতে যোগ দিয়ে ১৯২৬ সালে তিনি প্রশিক্ষণের জন্য বিলাত যান। তিনি একজন বিখ্যাত ছড়াকার। প্রবন্ধ, ভ্রমণকাহিনী এবং উপন্যাসও লিখেছেন। তাঁর উল্লেখযোগ্য গ্রন্থ: 'পথে প্রবাসে', 'বিনুর বই', 'উড়কি ধানের মুড়কি', 'রাজা ধানের ঠৈ' প্রভৃতি। অন্নদাশঙ্কর রায় ২০০২ সালের ২৮শে অক্টোবর কলকাতায় মৃত্যুবরণ করেন।

## মোবাইল ফোন

আজকের দিনে মোবাইল ফোন চেনে না বা দেখে নি—এমন কাউকে বোধ হয় পাওয়া যাবে না। আমাদের গুরুজনদের কারো কারো মোবাইল ফোন আছে। কিন্তু যাদের নেই তাদের অনেকেই মোবাইল ফোন ব্যবহার করতে জানে—কেউ একটু বেশি, কেউ একটু কম। মোবাইল ফোন দিয়ে যে কতটা কিছু করা যায় তার সবটা অবশ্য সবাই জানে না। তবে যারা একটু কম জানে তারাও প্রয়োজন মতো তাদের কাজটুকু মোবাইল ফোনে সেয়ে নিতে পারে। এখন এমন মোবাইল ফোনও আছে যাতে ইন্টারনেট সংযোগ থাকে, ছবি তোলা যায়, সিনেমা দেখা যায়। এসব মোবাইলে আমরা বই পড়তে পারি, গান শুনতে পারি, এসএমএস পাঠাতে পারি। এমনকি টাকাও পাঠাতে পারি। ভূমি জোমার বাসায় বসে মোবাইলে ছবি তুলে সেই ছবি পৃথিবীর যেকোনো প্রান্তে পাঠাতে পার।



আলেকজান্ডার গ্রাহাম বেল

কিন্তু আমরা অনেকেই জানি না যে, মোবাইল ফোন আবিষ্কার হলো কেমন করে, অথবা এটা কেমন করে কাজ করে। আসলে মোবাইল ফোন কেউ একজন আবিষ্কার করেননি। দ্বিতীয় বিশ্বযুদ্ধের সময় থেকেই এটার উদ্ভাবন কাজ শুরু হয়। তারপর কালে-কালে একটু একটু করে আজকের মোবাইল ফোন বেরিয়েছে প্রতি বছরই এর পরিবর্তন ও উন্নয়ন ঘটছে।

আমেরিকার বিখ্যাত বিজ্ঞানী আলেকজান্ডার গ্রাহাম বেল টেলিফোন আবিষ্কার করেন। ১৮৭৬ সালের ১০ই মার্চ তিনি তাঁর সহকারী টমাস অগাস্টাস ওয়াটসনের সাথে প্রথমবারের মতো সফল টেলিফোন কল করেন।

প্রথম পর্যায়ে সীমিত আকারে মোবাইল ফোন ব্যবহার শুরু হয় সেন্ট লুই শহরে ১৯৪৭ সালে। ধাপে ধাপে এর উন্নতি ঘটে। ১৯৬৪ সালের দিকে শুধু গাড়িতে মোবাইল ফোন থাকত। তার ওজন ছিল প্রায় এক কেজি।

১৯৭১ সালে ফিনল্যান্ডে সকল মানুষের জন্য মোবাইল ফোন ব্যবহার শুরু হয়। ১৯৭২ সালে গবেষক মার্টিন কুপার হাতেধরা ছোট সেট তৈরি করেন।

পাশের ঘরে ফোন করা থেকে পৃথিবীর যেকোনো প্রান্তেই এখন ফোন দিয়ে যোগাযোগ করা হচ্ছে। কিন্তু ব্যাপারটি কীভাবে ঘটে?

যে এলাকা জুড়ে মোবাইল ফোন কাজ করবে তার সবটাকে কতগুলো অংশে ভাগ করা হয়। প্রত্যেক অংশে শক্তিশালী বেতার টাওয়ার (মাস্তুল) বসানো হয়। এই টাওয়ারগুলো একটি অন্যটির সাথে যোগাযোগের একটা অদৃশ্য জাল (নেটওয়ার্ক) তৈরি করে। মোবাইল সেটের মধ্যে থাকে একটা ‘অ্যানটেনা’। সারাক্ষণ তরঙ্গের মাধ্যমে সেটি টাওয়ারের সাথে যোগাযোগ রাখে। মনে কর কোনো সেট থেকে বোতাম চেপে অন্য কোনো নম্বরে যোগাযোগ করা হলো তখন সবচেয়ে কাছের টাওয়ারের মাধ্যমে অন্য প্রান্তের মোবাইল সেটকে সেটি খুঁজে নেয়। একটাতে না পেলে রিলেয়েসের মতো সেটি পরপর যতগুলো টাওয়ার দরকার সব পার হয়। মুহূর্তের মধ্যে পৌঁছে যায় নির্দিষ্ট নম্বরটিতে। হ্যালো বলার সঙ্গে সঙ্গে বিদ্যুৎগতিতে তা তরঙ্গে পরিণত হয়। নেটওয়ার্কের মাধ্যমে চলে যায় অন্য প্রান্তে। আবার গ্রাহকের ফোনসেট বেতার তরঙ্গকে কথায় বা আওয়াজে রূপান্তরিত করে। অনেকগুলো জায়গায় বসানো নিয়ন্ত্রণকক্ষ থেকে সমন্বয় করে মোবাইল ফোনের পুরো কার্যক্রম পরিচালিত হয়।



## অনুশীলনী

১. শব্দগুলো পাঠ থেকে খুঁজে বের করি। অর্থ বলি।

তরঙ্গা উদ্ভাবন গবেষক অদৃশ্য অ্যানটেনা রূপান্তরিত এসএমএস সমন্বয়

২. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

গবেষক অ্যানটেনা উদ্ভাবন তরঙ্গা সমন্বয় এসএমএস রূপান্তরিত

ক. মানুষ নিজের কাজের জন্য অনেক কিছু ..... করেছে।

খ. নদীর ..... চোখে দেখা যায়, কিন্তু বেতার তরঙ্গা দেখা যায় না।

গ. .... সব সময় নতুন কিছু আবিষ্কার করার চেষ্টা করেন।

ঘ. রেডিও এবং মোবাইল ফোনের ..... থাকে।

ঙ. পানি ফুটলে বাষ্প ..... হয়।

চ. বাড়ি পৌঁছে আমাকে ..... পাঠাতে ভুলবেন না যেন।

ছ. তোমাদের সবাইকে মোবাইল ফোনে কাজের ..... করতে হবে।

৩. নিজের প্রশ্নগুলোর উত্তর বলি ও লিখি।

ক. মোবাইল ফোন আজকের দিনে কী কী কাজে লাগে?

খ. মোবাইল ফোন উদ্ভাবনের জন্য কারা কারা কাজ করেছেন?

গ. মোবাইল ফোনের মাধ্যমে কীভাবে অন্য জনের সাথে কথা হয়?

ঘ. মোবাইলে কথা বলার জন্য সব জায়গায় কী বসাতে হয়?

ঙ. এসএমএস কী এবং কখন কাজে লাগে?

৪. মোবাইল ফোনের ব্যবহার সম্পর্কে লিখি।

৫. ডান দিকের সঙ্গে বাম দিকের শব্দ সাজাই।

পরিবর্তন	সংযোগ
বিচিত্র	পর্যায়
গ্রাহ্যম	টাওয়ার
ইন্টারনেট	মধ্যে
সীমিত	ধরনের
বেতার	বেল
শক্তিশালী	তরঙ্গ
মুহূর্তের	উন্নয়ন

৬. বিপরীত শব্দ জেনে নিই। ফাঁকা ঘরে ঠিক শব্দ বসিয়ে বাক্য তৈরি করি।

বেশি	কম	শুরু	শেষ	শক্তিশালী	দুর্বল	কাছে	দূরে	ভালো	মন্দ
------	----	------	-----	-----------	--------	------	------	------	------

ক. সময় অল্প তাই বেশি ..... যাওয়া উচিত নয়।

খ. মোবাইল ফোনের টাওয়ারগুলো খুব .....।

গ. যত ..... লেখাপড়া করবে জীবনে তত ভালো ফল করবে।

ঘ. সবাই তোমার প্রশংসা করবে যদি তুমি ..... কাজ কর।

ঙ. কাজ ..... করে তারপর খেলতে যাব।

## ৭. সংখ্যাবাচক শব্দ লিখি।

এই লেখায় ‘প্রথম’, ‘দ্বিতীয়’ এরকম শব্দ রয়েছে। এগুলো হলো সংখ্যাবাচক বা ক্রমবাচক বিশেষণ। এভাবে আরও কয়েকটি শব্দ লিখি।

### সংখ্যাবাচক বিশেষণ

এক  
দুই  
তিন  
চার  
পাঁচ  
ছয়  
সাত  
আট  
নয়  
দশ

### ক্রমবাচক বিশেষণ

প্রথম  
দ্বিতীয়  
তৃতীয়  
চতুর্থ  
পঞ্চম  
ষষ্ঠ  
সপ্তম  
অষ্টম  
নবম  
দশম

৮. আমার পরিবার মোবাইল ফোনের সাহায্যে কী কী সুবিধা পায় তা লিখি।

## ৯. কর্ম-অনুশীলন।

ক. শ্রেণিকক্ষে দলীয়ভাবে মোবাইল ফোনে কথা বলার অভিনয় করি।

খ. দশটি ক্রমবাচক শব্দ ব্যবহার করে দশটি বাক্য লিখি।



# আবোল-তাবোল

সুকুমার রায়

ছুটলে কথা, ধামায় কে?  
আজকে ঠেকায় আমার কে?  
আজকে আমার মনের মাঝে  
ধাঁই ধপাধপ ভবলা বাজে—  
রাম-খটাখট ঘ্যাচাং ঘ্যাচ  
কখার কাটে কখার প্যাচ।  
ঘনিয়ে এলো সুমের ঘোর,  
গানের পালা সাজা মোর।

(সংক্ষেপিত)



# অনুশীলনী

## ১. জেনে নিই।

আবোল-তাবোল কথা বলার মানে, মনের খেয়ালে কথা বলতে থাকা। আমরা কথা বলি যাতে অন্যে সে-কথা শোনে এবং শুনে কিছু একটা করে। যেমন, যদি বলি – মা, ভাত খাব। মা তখন আমায় ভাত দিতে ছুটবেন! কিন্তু যদি ভূতের মতো নাকি সুরে বলি ‘আঁউ মাঁউ খাঁউ ভাঁতের গন্ধ পাউ’ তখন মা ভাববেন, আমি খেলা করছি। সেটা তখন আবোল-তাবোল কথা হয়ে গেল, যে কথার অর্থ নেই, যে কথা দিয়ে কিছু বোঝাতে চাইছি না।

এটি সে-রকমই একটি ছড়া যা জোরে জোরে পড়লেই শুনতে মজা লাগে। একটা লোক মনের আনন্দে কেবলই বকবক করে কথা বলে চলেছে, ইচ্ছে হলে গানও গাইছে। যতক্ষণ না দুচোখে ঘুম নামল ততক্ষণ সে এমনটাই করে গেল।

## ২. শব্দগুলো পাঠ থেকে ঝুঁজে বের করি। অর্থ বলি।

ঠেকায় তবলা ঘঁ্যাচাং ঘঁ্যাচ পঁ্যাচ ঘুম ঘনিয়ে এলো মনের মাঝে  
সাজা রাম-খটাখট

## ৩. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

ঘনিয়ে এলো সাজা ঘঁ্যাচাং ঘঁ্যাচ ঠেকায় মনের মাঝে পঁ্যাচ

ক. তুহিন লেখাপড়ায় এতো ভালো যে ওকে ..... কে?

খ. লোকটি ..... করে গাছের ডালটি কেটে ফেলল।

গ. বসে থাকতে থাকতে তার ঘুম ..... ।

ঘ. .... দেওয়া কথা বোঝা যায় না।

ঙ. তাড়াতাড়ি খেলাধুলা ..... কর, পড়তে বসতে হবে।

চ. পরীক্ষায় ভালো রেজাল্ট করায় তার ..... আনন্দের ঢেউ  
বয়ে যায়।

৪. প্রশ্নগুলোর উত্তর মুখে বলি ও লিখি।

- ক. কী ছুটছে যাকে ধামানো যাচ্ছে না?  
খ. ধাঁই ধপাধপ আওয়াজে কোথায় তবলা বাজছে?  
গ. কখন গানের পালা সাজগ হলো?



৫. ছড়াটিতে যা বলা হয়েছে তা বর্ণনা করি।

৬. ছড়াটি মুখস্থ করি ও বলি।

৭. বই না দেখে ছড়াটি লিখি।

৮. কর্ম-অনুশীলন।

ছড়ার মতো করে দুইটি লাইন লিখি।



সুকুমার রায়

### কবি-পরিচিতি

শিশুসাহিত্যিক সুকুমার রায় ৩০শে অক্টোবর ১৮৮৭ খ্রিষ্টাব্দে জনগ্রহণ করেন। তিনি ছোটদের জন্য হাসির গল্প ও কবিতা লিখে বিখ্যাত হয়ে আছেন। ‘আবোল-তাবোল’, ‘হ-য-ব-র-ল’, ‘পাগলা দাশু’, ‘বহুরূপী’, ‘খাইখাই’, ‘অবাক জলপান’ তাঁর অমর সৃষ্টি। তাঁর পিতা উপেন্দ্রকিশোর রায় চৌধুরীও শিশুসাহিত্যিক ছিলেন। আর পুত্র সত্যজিৎ রায় বিশ্ববিখ্যাত চলচ্চিত্র পরিচালক হলেও শিশু কিশোরদের জন্য প্রচুর লিখেছেন। ১০ই সেপ্টেম্বর ১৯২৩ সালে সুকুমার রায় মৃত্যুবরণ করেন।





## হাত ধুয়ে নাও

অঙ্ক খুব হাসিখুশি ছেলে। পড়াশুনার ভালো অঙ্ক, খেলাধুলায়ও বেশ। কিন্তু একটু চঞ্চল। মামাকে মা জানিয়েছিল, আজকাল অঙ্কের শরীরটা সব সময় ভালো যায় না। প্রিয় ভাগিনাকে অনেক দিন দেখেন নি মামা। ভাই ছুটি নিয়ে দেখতে এসেছেন।

অঙ্ক বাইরে খেলা করছিল। মামার আসার কথা শুনে ছুটে চলে আসে ঘরে। ঘরে ঢুকেই সুগন্ধটা পায় সে। মামার হাতে গর প্রিয় খাবার বিরিয়ানি। বিরিয়ানি দেখেই মামার দিকে হাত বাড়ায় সে। তরু সইছে না তার। প্যাকেট খুলে নিয়েই হাত দিয়ে খাবলে খেতে শুরু করে।

—“কী যে মজা, মামা...” অঙ্কের কথা শেষ না হতেই মামা গর হাতটি সরিয়ে দেয় খাবার থেকে। বলেন, “অঙ্ক এভাবে কেউ খায় নাকি?”

অল্প গাল ফুলিয়ে হাতটাই চেটেপুটে খেতে থাকল। অমনি আবার মামা ওর হাত চেপে ধরলেন।

“অল্প, এভাবে খায় না।”

ভিতর থেকে মা এসেও অল্পকে বকাবকি করলেন এভাবে খাওয়ার জন্য।

–“আহ্ ববু, তুমি আবার বকছ কেন? এটা মামা-ভাগিনার ব্যাপার। আমি দেখছি।”

এবার মামা ওকে খাবার ঘরের পাশে হাত ধুতে নিয়ে গেলেন। সাবান দিয়ে অল্পের হাত ধুইয়ে দিলেন। বিরিয়ানির প্যাকেটের পাশে বসিয়ে দিয়ে বলেন, “নাও এবার খাও। তোমার জন্যই তো আনা।” খেতে খেতে অল্পের নাকে সর্দির পানি এসে যায়। ও সেটা বাঁ হাত দিয়ে টিপে সার্টে মুছে নেয়। মামা দেখে আবার চোখ পাকান।

মা বলতে থাকেন, “বুঝলি সান্টু, ছেলেটাকে এত দেখে-শুনে রাখি, তারপরেও দ্যাখ, আজকাল ওর যেন এটা-সেটা অসুখ-বিসুখ লেগেই থাকে। ভাবছি ভালো ডাক্তার দেখাব।”

বাবা তাতে যোগ করেন – “সান্টু, তোমার জানা ভালো ডাক্তার কেউ আছেন?”

“আচ্ছা, আমি দুদিন আছি। একটু দেখে নিই। মনে হয়, ওর কোনো বিশেষ অসুখ নয়। ওর দরকার আরও সতর্ক হওয়া।” একটু পরেই দেখা গেল অল্প টয়লেট থেকে বের হচ্ছে। তারপর সোজা ছুটে চলে গেল বাইরের খেলায়।

সন্ধ্যায় মামা অল্পের সঙ্গে কিছু সময় কাটালেন। ওর সারা দিনের চলাফেরা, মুখ-হাত ধোয়া, গোসল করা, খাওয়া-দাওয়া, সব কিছু সম্পর্কে আলোচনা করলেন। পর দিন বিকেলে অল্পের সঙ্গে মামা মাঠে গেলেন। ঘরে ফিরে মামা নিজে দাঁড়িয়ে থেকে অল্পের মুখ-হাত ধোয়ালেন। মা দেখে মুচকি হেসে বলেই ফেললেন–“আমার কথা তো শোনো না বাছা। এখন মামা এসেছে বলে কতো ভালো ছেলে।”

বাবা হেসেই বললেন–“না, অল্প তো বরাবর পরিষ্কার পরিচ্ছন্ন আর ভালো ছেলে।”

মামা বলেন, “হ্যাঁ, ভালো ছেলে বটে, তবে পরিষ্কার পরিচ্ছন্ন কতটা সেটাই তো দেখছি।”

তারপর অল্পকে বাবা-মার সামনে বসিয়ে মামা বললেন–“আমি সব দেখলাম ভাগিনা। তোমার একটা অভ্যাস ভালো করতে হবে। আর তা হচ্ছে হাত ধোয়া। তুমি ঠিকমতো হাত ধোও না, হাত পরিষ্কার কর না। বিশেষ করে খাওয়ার আগে ও পরে আর টয়লেট থেকে এসে। নাকের সর্দিও যেমন-তেমন করে মোছ। তারপর হাতও দেখলাম ধোও না। এগুলো মোটেই ভালো নয়।

পরিষ্কার পরিচ্ছন্নতার প্রথম কাজই হলো ঠিক মতো হাত ধোয়া। তোমার নখগুলো পরিষ্কার নয়। রোগবাহাইয়ের শুরু কিন্তু এখান থেকেই।

“দ্যাখো মামা, আমার হাত তো...পরিষ্কার দেখাচ্ছে না?” অল্প বলার চেষ্টা করে।

মামা বললেন –“পরিষ্কার দেখালেই হাত আসলে পরিষ্কার হয় না। আমরা হাত দিয়ে অনেক কিছু ধরি, অনেকের সাথে হাত মেলাই। এই সব কিছুতেই জীবাণু থাকতে পারে যা হাতে লেগে যায়। খাওয়ার আগে অথবা টয়লেট করার পর সাবান দিয়ে হাত না ধুলে এমনটা হয়। এই রকম জীবাণু খালি চোখে দেখা যায় না। তাই ভালো করে হাত ধোয়া না হলে ওই সব জীবাণু খাবারের সঙ্গে আমাদের পেটে চলে যায়। আর বেশিরভাগ পেটের রোগ, সর্দি-জ্বর ওই সব জীবাণু থেকেই হয়। কাজেই অন্যকিছু খাওয়ার আগে দু হাত সাবান দিয়ে পরিষ্কার করে ধুয়ে নিতে হবে।”

এটা একটা অভ্যাস। ভালো করে হাত ধোয়ার অভ্যাস করলেই দেখবে তোমার অসুখ-বিসুখ কমে গেছে।”

অল্পুর বাবা বলেন–“আমিও তো অল্পকে বলি। যখন বলি তখন করে। কিন্তু সব সময় কি করে?”

মা বললেন–“শুনলি তো বাবুসোনা! মামার কথাই না হয় শুনলে।”

মামা এবার অনেক আদর করলেন। অল্প খুশি হলো। মামাকে বলে, এখন থেকে সে খাওয়ার আগে সাবান দিয়ে হাত ধুয়ে নিবে।

অল্প আর যা-ই হোক, মামার কথা ফেলবে না। কারণ সে মামার মতো হতে চায়। ঘুমোতে যাবার আগে অল্প মামার কাছে কথা দেয়, ঠিকমতো হাত ধোবে, সবাইকে বলবে, “যদি সুস্থ থাকতে চাও তো হাত ধুয়ে নাও।”

## অনুশীলনী

১. শব্দগুলো পাঠ থেকে খুঁজে বের করি। অর্থ বলি।

চঞ্চল খাবলে খাওয়া চেটেপুটে অসুখ-বিসুখ টয়লেট জীবাণু  
ভাগিনা সতর্ক অভ্যাস



## ২. মনের ভিতরের শব্দগুলো খালি জায়গায় বসিয়ে বাক্য তৈরি করি।

অসুখ-বিসুখ চঞ্চল খাবলে খেতে চেটেপুটে রোগ বালাই

- ক. চডুই পাখি অনেক ..... হয়।  
খ. স্কুধার্ত লোকটি খাবার পেয়ে ..... থাকল।  
গ. মজার আচার পেয়ে সবাই ..... খাচ্ছে।  
ঘ. শরীরের বত্ব না নিলে ..... লেগেই থাকবে।  
ঙ. .... থেকে বাঁচার জন্য পরিষ্কার-পরিচ্ছন্ন থাকা চাই।

## ৩. বাংলা ভাষার অনেক রকমের শব্দ রয়েছে। এদের মধ্যে বেশ কিছু বিদেশি। এই লেখাটিতে **টয়লেট**, **বিরিয়ানি**, **অরুরি**—এগুলো বিদেশি শব্দ। এরকম আরও শব্দ ছেনে নিই এবং তা দিয়ে বাক্য রচনা করি।

রিভা, সরকারি, আদালত, বেঞ্চ, স্টেডিয়াম, স্টেশন, বাস

## ৪. প্রশ্নগুলোর উত্তর মুখে বলি ও লিখি।

- ক. অঙ্কু মামার কাছ থেকে কী সম্পর্কে জেনেছিল?  
খ. কেন অঙ্কুর অসুখ-বিসুখ লেগেই থাকত?  
গ. সব সময় হাত পরিষ্কার না রাখলে কী হয়?  
ঘ. হাত ধুয়ে পরিষ্কার রাখার সঙ্গে আর কী করতে হয়?  
ঙ. হাত পরিষ্কার দেখালেও হাতের মধ্যে জীবাণু কেমন করে থাকে?  
চ. কী অভ্যাস করলে অসুখ-বিসুখ অনেক কমে যায়?  
ছ. অঙ্কু মামাকে কী কথা দিয়েছিল?

## ৫. গোসল করা কেন দরকার—গাঁচটি বাক্যে বলি ও লিখি।



৬. বিপরীত শব্দ লিখি এবং তা দিয়ে একটি করে বাক্য লিখি।

সুগন্ধ

দুর্গন্ধ

আবর্জনার দুর্গন্ধে পরিবেশ নষ্ট হয়।

হাত

পা

বাইরে থেকে এসে হাত-পা ধুয়ে নিতে।

প্রিয়

বকা

হিসাব

সোজা

৭. কর্ম-অনুশীলন।

ক. কেন আমরা হাত ধুয়ে থাকি তা বলি।

খ. শ্রেণিকক্ষে হাত ধোয়ার অভিনয় করে দেখাই।



## মোদের বাংলা ভাষা সুকিয়া কামাল

মোদের দেশের সরল মানুষ  
কামার কুমার জেলে চাষা  
তাদের তরে সহজ হবে  
মোদের বাংলা ভাষা।

বিদেশ হতে বিজাতীয়  
নানান কথা ছড়াছড়ি  
আর কতকাল দেশের মানুষ  
থাকবে বল সহ্য করি।

যারা আছেন সামনে আজও  
গুণী, জ্ঞানী, মনীষীরা  
আমার দেশের সব মানুষের  
এই বেদন বুঝুন তারা।

ভাষার তরে প্রাণ দিল যে  
কত মায়ের কোলের ছেলে

তাদের রক্ত-পিছল পথে  
এবার যেন যুক্তি মেলে।

সহজ সরল বাংলা ভাষা  
সব মানুষের মিটাক আশা।



## অনুশীলনী

### ১. জেনে নিই।

আমাদের মাতৃভাষা বাংলা সম্বন্ধে এই কবিতাটি লেখা হয়েছে। আমরা বাংলা ভাষার কথা বলি। আমাদের বাবা-মা, দাদা-দাদি, নানা-নানি, ঠাকুরদা-ঠাকুমা সকলেই বাংলার কথা বলেন। দেশের সব মানুষই বাংলার কথা বলেন। রাম্ভট্টাভাষা বাংলার দাবিতে ১৯৫২ সালে ছাত্র-ছাত্রীরা মিছিল করেছিল, হরতাল করেছিল। তখন তাঁদের ওপর পুলিশ গুলি চালায়। গুলিতে ছাত্রসহ অনেকেই মারা যায়। মাতৃভাষার চেয়ে প্রিয় আর কোনো ভাষা হতে পারে না। বাংলাদেশের সব মানুষের ইচ্ছা, আশা ও আকাঙ্ক্ষা মাতৃভাষাতেই ভালোভাবে প্রকাশ করা যায়। বাংলার কথা বলার সময় বিদেশি ভাষা ব্যবহার না করা ভালো।

### ২. শব্দগুলো পাঠ থেকে বুজে বের করি, অর্থ বলি এবং নতুন বাক্য লিখি।

কামার কুমার সহ্য করা জ্ঞানী মনীষী রক্ত-পিছল মুক্তি বিজাতীয়  
বেদন মিটাক

### ৩. প্রশ্নগুলোর উত্তর মুখে বলি ও লিখি।

- বাংলাদেশে 'কামার কুমার জেলে চাষা' কোন ভাষাতে কথা বলেন?
- এ দেশের মানুষের 'বেদন' কী?
- কী সহ্য করতে মানা করা হচ্ছে?
- তাদের কোন মুক্তির কথা বলা হয়েছে?
- বাংলা ভাষাকে সহজ সরল ভাষা বলা হয়েছে কেন?

### ৪. কবিতাটি গড়ে কী কুখ্যাম তা সংক্ষেপে লিখি।

### ৫. কবিতার প্রথম আট লাইন মুখস্থ বলি।

### ৬. কবিতার প্রথম আট লাইন বই না দেখে ঠিকভাবে লিখি।



৭. আমার প্রিয় মাতৃভাষা নিয়ে পাঁচটি বাক্য লিখি।

৮. ডান দিক থেকে ঠিক শব্দটি বেছে নিয়ে খালি জায়গার বসাই।

ক. লোহা দিয়ে জিনিসপত্র তৈরি করেন .....

স্কানী

খ. মাটি দিয়ে জিনিসপত্র তৈরি করেন .....

কামার

গ. যার অনেক স্তান আছে তিনি হলেন .....

রক্ত-পিছল পথ

ঘ. রক্ত দিয়ে পিছল হয়েছে যে পথ তা হলো .....

কুমার

৯. কর্ম-অনুশীলন।

ক. বাংলা ভাষার ওপর লিখিত অন্য কোনো কবিতা বা ছড়া লিখি ও আবৃত্তি করি।

খ. শিক্ষকের সাহায্যে বাংলা ভাষা বিষয়ক অরণীয় বাণী পোস্টার পেপারে লিখে শ্রেণিকক্ষের দেয়ালে প্রদর্শন করি।




সুকিয়া কামাল

### কবি-পরিচিতি

কবি বেলাম সুকিয়া কামাল ২০ শে জুন ১৯১১ খ্রিষ্টাব্দে বরিশাল জেলায় জন্মগ্রহণ করেন। তিনি কবি ও সমাজসেবী ছিলেন। তাঁর বিখ্যাত কাব্যগ্রন্থের মধ্যে 'সাঁঝের মায়া', 'মায়াকানন', 'ইতল বিতল', 'স্বনির্বাচিত কবিতা সংকলন' ইত্যাদি উল্লেখযোগ্য। ২০শে নভেম্বর ১৯৯৯ খ্রিষ্টাব্দে তিনি মৃত্যুবরণ করেন।



## বাণ্যগিদের গল্প



২০১২

আমাদের জন্মভূমি বাংলাদেশ। এর প্রায় পুরোটাই সমতলভূমি। আমাদের দেশের দক্ষিণ-পশ্চিম কোণে, বঙ্গোপসাগরের সুন্দরবন। এই বনের সব গাছই বঙ্গোপসাগরের নোনা পানিতে বেঁচে আছে। এই বন নানা ধরনের হাজার রকমের পশু ও পাখিতে পূর্ণ। সুন্দরবনের কোনো কোনো জায়গায় গাছপালা এত ঘন যে, সূর্যের আলো মাটিতে পৌঁছায় না।

সুন্দরবনের তিনপাশে ছড়িয়ে আছে অনেক গ্রাম। গ্রামের মানুষ কৃষিকাজ করেন। গ্রামের অনেক মানুষ বন থেকে গোলপাতা ও মধু সংগ্রহ করে। মৌমাছির গাছে গাছে তাদের মৌচাক বানায়। যারা মৌচাক থেকে মধু সংগ্রহ করেন, তাদের বলে মৌয়াল।



সুন্দরবনে বিভিন্ন ধরনের হাজার হাজার পাছ আছে। এই সব পাছ উপকূলীয় এলাকার জন্য ঐকৃতিক ঢাল হিসেবে কাজ করে। এইজন্য ১৯৮৯ সাল থেকে সরকার সুন্দরবন থেকে কাঠ আহরণ নিষিদ্ধ করেছে। তবে সরকারের অনুমতি নিয়ে সুন্দরবন থেকে গোলপাতা সংগ্রহ করা যায়। যারা এ কাজ করেন তাদেরকে বলা হয় বাণ্ডালী। বাণ্ডালীদের কাজ খুবই কঠোর। শূধু তাই নয়, এই বনে আছে অনেক স্তরজকর প্রাণী, যেমন বাঘ। বাঘ মাসোশী প্রাণী। সে অন্য প্রাণী খেয়ে বাঁচে। যেমন: হরিণ, বুনোশুরোর, বানর ইত্যাদি। বাঘ মানুষকেও আক্রমণ করে। তাই সুন্দরবনে বাঘই মানুষের সবচেয়ে ভয়ের বিষয়। ডাছাড়াও এই বনে বনবিড়াল, বুনোশুরোর, বানর, সাপ আছে। আর পানিতে আছে মাছ, কুমির ও হাঙর।



বাওয়ালি আর মৌয়ালরা সুন্দরবন থেকে অনেক দূরের গ্রামে থাকেন। রোজ রোজ বাড়ি ফিরে যাওয়া সম্ভব হয় না। তাহলে কোথাও তাদের থাকার ব্যবস্থা করতে হয়। রাতের বেলায় হিংস্র জন্তুরা তাদের আক্রমণ করতে পারে। তাই তারা নদীর মাঝখানে নৌকার মধ্যে রাত কাটান।

বাওয়ালিদের অন্য বিপদও আছে। সুন্দরবনের মধ্য দিয়ে লবণাক্ত পানির নদী আর ছোট খাল বয়ে চলেছে। মানুষ লবণাক্ত পানি খেতে পারে না। সেইজন্য বাওয়ালিরা তাদের সাথে পানির ছোট ছোট পাত্র রাখে। তারা এই পানি খুবই সাবধানে ব্যবহার করেন। একটুও অপচয় করেন না। পানি শেষ হয়ে গেলে সহজেই খাওয়ার পানি পাওয়া যাবে না সুন্দরবনে। সেইজন্য সুন্দরবন থেকে নানাকিছু সংগ্রহ করার জন্য যারা বনে যান তাদের সাবধানতা অবলম্বন করতে হয়।

## অনুশীলনী

১. শব্দগুলো পাঠ থেকে খুঁজে বের করি, অর্থ বলি এবং বাক্য তৈরি করে লিখি।

জন্মভূমি সমতলভূমি কৃষিকাজ চাষাবাদ সংগ্রহ করা পরিশ্রম হিংস্র  
মাংসাশী সতর্ক লবণাক্ত

২. প্রশ্নগুলোর উত্তর প্রথমে বলি ও পরে লিখি।

ক. সুন্দরবন বাংলাদেশের কোথায় অবস্থিত?

খ. সুন্দরবনের গাছপালা কোথা থেকে পানি পায়?

গ. বাওয়ালি কারা?

ঘ. বাওয়ালিদের কাজ এত বিপদজনক কেন?

ঙ. কীভাবে মানুষ এই বন থেকে অর্থ আয় করে, দুটো উপায় বলি।

চ. সুন্দরবনে কাজ করার সময় কোনটি বাওয়ালিদের কাছে বেশি মূল্যবান, খাবার না খাবার পানি? কেন?

ছ. বাওয়ালিরা কোথায় রাত কাটান?

জ. সরকার সুন্দরবন থেকে কাঠ আহরণ নিষিদ্ধ করেছে কেন?

ঝ. মৌয়াল ও বাওয়ালিদের কাজ বর্ণনা করি।

৩. খাতার শিখে ছকটি পূরণ করি।  
(একটি ছক বা টেবিল তৈরি করে শিক্ষার্থীরা পূরণ করবে।)



পেশার নাম	কাজ	কাজের স্থান	এই কাজের কতটা বিপদ	এই বিপদে চলার জন্য কী কী সমাধান আছে
বাঙালি				
মৌয়াল				

৪. নিজের জানা যেকোনো কাজ নিয়ে ছকটি পূরণ করি।  
(একটি ছক বা টেবিল তৈরি করে শিক্ষার্থীরা পূরণ করবে।)

পেশার নাম	কাজ	কাজের স্থান	এই কাজের কতটা বিপদ	এই বিপদে চলার জন্য কী কী সমাধান আছে

৫. উপরের হকের ভাষা ব্যবহার করে কাজটি সম্বন্ধে একটি অনুচ্ছেদ লিখি।



৬. ছবির নিচে পেশার নাম লিখি এবং পেশাটি সম্পর্কে একটি করে বাক্য তৈরি করি।



.....

.....

.....



.....

.....

.....



.....

.....

.....



.....

.....

.....



.....

.....

.....

## পাখির জগৎ



পাখি সব করে রব রাতি পোহাইল।

কাননে কুসুমকলি সকলি ফুটিল।

কবিতার কথাগুলো সাম্যকে ভাসিয়ে তুলল। তাই তো, ভোর হলেই পাখি ডেকে ওঠে। ঘুম ভেঙে যায়। পাখিরা যেন ভোরের দূত। চড়ুই শালিক এরকম দুয়েকটা পাখি সাম্য দেখেছে। কিন্তু আরও যে নানা ধরনের পাখি আছে, সে সব পাখির কথা জানতে ইচ্ছে করে তার। মাকে সে জিজ্ঞেস করবে পাখিদের কথা।



আচ্ছা মা, পাখিরা কি রাতে ঘুমায় না? ভোর না হতেই কিটিরমিটির করা শুরু করে দেয়। মা বলেন, তা হবে কেন। পাখিরাও ঘুমায়। মা বলেন, পাখির দেশ, নদীর দেশ বাংলাদেশ। পাখিরা প্রকৃতির শোভা। গাছে গাছে ঝোপে ঝাড়ে নদীতীরে তাদের বিচরণ। কখনো তারা দল বেঁধে আকাশে উড়ে বেড়ায়। কখনো পাতার কাঁকে চুপ করে বসে থাকে। কখনো খাবারের খোঁজে পোকামাকড়ের ওপর ঝাঁপিয়ে পড়ে।

মা আরও বললেন, দোয়েল আমাদের জাতীয় পাখি। এদের গায়ের রং সাদা-কালো। এরা থাকে লোকালয়ে আর অগভীর জঙ্গলে। গাছের উঁচু ডালে মাঝে মাঝে মধুর সুরে গান গায়। ছোট ডাল, খড়কুটো ও শিকড় বাকড় দিয়ে বাসা বানায়। নানা ফুলের মধু আর কীটপতঙ্গ এদের প্রধান খাদ্য।

ছোট পাখি চড়ুই। চড়ুই আমাদের ঘরেরই কেউ। লোকালয় এদের প্রিয় জায়গা। বাসাবাড়ির ঘুলঘুলিতে খড়, টুকরো কাপড়, শুকনো ঘাস দিয়ে এরা বাসা তৈরি করে। মাথা ছাই রঙের। সিঁচে বাদামি পালক। তার উপরে কালো ছোট দাগ। ডানার উপরে সাদা অথবা লালচে রেখা। এরা কীটপতঙ্গ খেয়ে ফসলের শত্রু নাশ করে। শস্যদানা এদের প্রিয় খাদ্য।



দোয়েল



চড়ুই

ছোট আরেক পাখি টুনটুনি। গালকের রং জলপাই সবুজ। মাথায় লালচে রঙের ছোপ। লম্বা ঠোঁটের রং কালচে ধরেনি। গায়ের রং হলুদাভ। লেজ নাড়িয়ে টুই টুই শব্দ করে উড়ে বেড়ায়। এরা মানুষের কাছাকাছি থাকতে ভালোবাসে। চমৎকার বাসা বানায়। পোকামাকড় খেয়ে পরিবেশ সুন্দর রাখে। ফুলের মধুই টুনটুনির সবচেয়ে প্রিয়।





মুহুর



গাখাঝি



হনহনি



পানকোড়ি

চডুইয়ের মতো চঞ্চল স্বভাবের আরেকটি পাখি হলো বুলবুলি। বুলবুলির মাথা ও গলা কালো। মাথার উপর রাজকীয় কালো ঝুঁটি। এর তলপেট সাদা। তলপেটের শেষে লাল ছোপ। এরা খুব দ্রুত উড়তে পারে।

পানির সঙ্গে যার সখ্য, সেই পাখিটির নাম পানকোড়ি। পুকুর, খাল ও বিল এদের বিচরণক্ষেত্র। কুকুচে কাশো এই পাখি ডুব দিয়ে তিন মিটার পর্যন্ত সঁতারাতে পারে। এদের পায়ের পাতা পুঁহাঁসের মতো। ঠোঁট তীক্ষ্ণ আর ঝাঁকানো। এরা জলজ কীটপতঙ্গ খেতে ভালোবাসে।



রাজপাখি



শালিক

বাংলাদেশে আরও অনেক পাখি আছে। এই পাখিগুলো হলো ঝঞ্ঝনা, ডাহুক, কোকিল, বীণপাতি, শ্যামা, ধনেশ, পানডুবি, ফিঙে, টিয়া, বাবুই ইত্যাদি। মা বলেন, পাখিরা মানুষের বন্ধু। এরা অনেক উপকারী। কিছু কিছু পাখি পরিবেশকে সুন্দর রাখে।

## অনুশীলনী

১. শব্দগুলো পাঠ থেকে বুঝে বের করি। অর্থ বলি।

বিচরণ চমৎকার পরিবেশ ঝুটি নাশ দূত লোকালয় সখ্য

২. ঘরের ভিতরের শব্দগুলো খাশি আরগায় বসিয়ে বাক্য তৈরি করি।

উপকারী লোকালয়ে পরিবেশ কীটপতঙ্গ

ক. নানা কুলের মধু ও ..... পাখিদের খিয় খাবার।

খ. চড়ুই পাখি ..... থাকতেই বেশি পছন্দ করে।

গ. আমাদের ..... রক্ষার প্রতি সচেতন হওয়া উচিত।

ঘ. পাখিরা মানুষের বন্ধু, এরা অনেক .....।

৩. যুক্তবর্ণগুলো দেখি ও যুক্তবর্ণ দিয়ে গঠিত শব্দগুলো পড়ি ও লিখি।

আনন্দ

ন্দ

ন

দ

মন্দ, ছন্দ

জিজ্ঞেস

জ্ঞ

জ

ঞ

আজ্ঞা, বিজ্ঞ

জজাল

জা

উ

গ

মজাল, রজা

লম্বা

ম্ব

ম

ব

সম্বল, কম্বল

৪. ঠিক উত্তরটিতে টিক (✓) চিহ্ন দিই।

ক. চডুই পাখির প্রিয় জায়গা—

১. বন

২. লোকালয়

৩. স্কুলঘর

৪. আস্তাবল

খ. পানকৌড়ি খেতে ভালোবাসে —

১. মাছ

২. মাংস

৩. কীটপতঙ্গ

৪. গাছের পাতা

গ. পাখিরা পরিবেশকে —

১. নষ্ট করে

২. দূষণ করে

৩. সবুজ রাখে

৪. সুন্দর রাখে

৫. প্রশ্নগুলোর উত্তর বলি ও লিখি।

ক. পাখিদের ভোরের দূত বলা হয়েছে কেন?

খ. জাতীয় পাখি দোয়েলের বৈশিষ্ট্য কেমন?

গ. কোন পাখি আমাদের ঘরেরই কেউ? কেন?

ঘ. কোন পাখি পরিবেশ সুন্দর রাখতে সাহায্য করে? কীভাবে?

ঙ. বুলুবুলি পাখি দেখতে কেমন?

৬. বাক্য রচনা করি।

জগৎ আটকে গেল ক্লাস শস্যদানা স্বভাব



৭. বাম পাশের বাক্যাংশের সাথে ডান পাশের ঠিক ছবিটি মিলাই।

খুব দ্রুত উড়তে পারে

শিকড়বাকড় দিয়ে বাসা বানায়

লেজ নাড়িয়ে টুই টুই শব্দ করে উড়ে বেড়ায়

লোকালয় এদের প্রিয় জায়গা

পানিতে বেশি সময় থাকে



৮. ব্যবহার শিখি।

টি, টা, থানা, থানি, এটি, ওটি, এগুলো, ওগুলো

টি - পাখিটি দেখতে কী সুন্দর।

টা - শেলফের বইটা কার?

থানা - বইখানা দাও।

থানি - মুখথানি তার ভারি মিষ্টি।

এটি - এটি আমার বই।


ওটি - ওটি কার বই?

এগুলো - এগুলো পাখির ছবি।

ওগুলো - ওগুলো ধরো না।

৯. কর্ম অনুশীলন।

আমার দেখা যেকোনো একটি পাখির কথা বর্ণনা করি।



## কাজলা দিদি

যতীন্দ্রমোহন বাগচী

বাঁশবাগানের মাঝার উপর চাঁদ উঠেছে ওই  
মাগো, আমার শোলক-কলা কাজলা দিদি কই?  
পুকুর ধারে, নেবুর তলে খোকায় খোকায় জোনাই ছলে,  
ফুলের গন্ধে ঘুম আসে না, একলা জেগে রই;  
মাগো, আমার কোলের কাছে কাজলা দিদি কই?

সেদিন হতে দিদিকে আর কেনই-বা না ডাকো,  
দিদির কথায় আঁচল দিয়ে মুখটি কেন ঢাকো?

খাবার খেতে আমি যখন দিদি বলে ডাকি, তখন  
ও-ঘর থেকে কেন মা আর দিদি আসে নাকো,  
আমি ডাকি, – তুমি কেন চুপটি করে থাকো?  
বল মা, দিদি কোথায় গেছে, আসবে আবার কবে?  
কাল যে আমার নতুন ঘরে পুতুল-বিয়ে হবে!  
দিদির মতন ফাঁকি দিয়ে আমিও যদি লুকোই গিয়ে –  
তুমি তখন একলা ঘরে কেমন করে রবে?  
আমিও নাই দিদিও নাই কেমন মজা হবে!

ভুঁইচাঁপাতে ভরে গেছে শিউলি গাছের তল,  
মাড়াস নে মা পুকুর থেকে আনবি যখন জল;  
ডালিম গাছের ডালের ফাঁকে বুলবুলিটি লুকিয়ে থাকে,  
দিস না তারে উড়িয়ে মা গো, ছিঁড়তে গিয়ে ফল;  
দিদি এসে শুনবে যখন, বলবে কী মা বল!

বাঁশবাগানের মাথার উপর চাঁদ উঠেছে ওই  
এমন সময়, মাগো, আমার কাজলা দিদি কই?  
বেড়ার ধারে, পুকুর পাড়ে ঝাঁঝি ডাকে ঝোঁপে-ঝাড়ে;  
নেবুর গন্ধে ঘুম আসে না- তাইতো জেগে রই;  
রাত হলো যে, মাগো, আমার কাজলা দিদি কই?



## অনুশীলনী

### ১. জেনে নিই।

ছোট বোনটির সারাক্ষণের সাথি ছিল কাজলা দিদি। দিদি চিরদিনের জন্য তাদের ছেড়ে চলে গেছে, তা সে জানে না, বোঝে না। প্রতি মুহূর্তেই সে তার প্রিয় কাজলা দিদির জন্য অপেক্ষায় থাকে। সে কোথায় গেছে, কেন আসে না তা জানতে চায় মায়ের কাছে। মা উত্তর দিতে পারেন না। মুখ লুকিয়ে কাঁদেন।

### ২. শব্দগুলো পাঠ থেকে খুঁজে বের করি, অর্থ বলি এবং নতুন বাক্য লিখি।

শোলক জোনাই দিদি নেবু ভুইচাঁপা মাড়াস নে

### ৩. বিপরীত শব্দগুলো জেনে নিই।

দিন	–	রাত
ঘুম	–	জাগরণ
ঢাকা	–	খোলা
নতুন	–	পুরনো
জ্বলা	–	নেভা

### ৪. ডান দিক থেকে ঠিক উত্তরটি বেছে নিই ও খাতায় লিখি।

ক. কোথায় জোনাকি জ্বলে?

নেবুর তলে / বাঁশবাগানে/  
শিউলিতলে / তাল তলায়

খ. বুলবুলি কোথায় লুকিয়ে থাকে?

শিউলির ডালে / ভুইচাঁপার ডালে/  
আমের ডালে / ডালিমের ডালে

গ. কে শোলক বলতেন?

মা / দিদি / দাদু / বাবা

ঘ. ঝাঁঝি কোথায় ডাকে?

ঝোঁপে-ঝাড়ে / গাছের ডালে/  
আঁধার রাতে / ঘরের মাঝে

ঙ. ঘুম আসে না কেন?

নেবুর গন্ধে / ঝাঁঝির ডাকে/  
চাঁদের আলোতে / ফুলের গন্ধে

## ৫. প্রশ্নগুলোর উত্তর বলি ও লিখি।

- ক. কাজলা দিদি কোথায় গেছে?  
খ. কখন কাজলা দিদির কথা বেশি মনে পড়ে?  
গ. কাজলা দিদির কথা উঠলে মা আঁচল দিয়ে মুখ ঢাকেন কেন?  
ঘ. পুতুলের বিয়ের সময় দিদির কথা মনে পড়ে কেন?  
ঙ. আমিও নাই, দিদিও নাই, কেমন মজা হবে— এ কথা বলে কী বোঝানো হয়েছে?  
চ. খুকি মাকে কেন শিউলি ফুলের গাছের নিচে সাবধানে যেতে রয়েছেন?  
ছ. ডালিম গাছের ফল ছিড়তে বারণ করেছে কেন?

## ৬. নিচের শব্দগুলো ঠিকভাবে সাজাই (যেমন— বাঁশবাগান)।

পুতুল	তলে
খোকায়	ধারে
পুকুর	বিয়ে
নেবুর	ঘরে
শোলক	খোকায়
কাজলা	বাগান
বাঁশ	বলা
নতুন	দিদি



## ৭. কবিতাটি বিরামচিহ্ন দেখে ও ভাব বজায় রেখে পড়ি।



যশীন্দ্রমোহন বাগচী

### কবি-পরিচিতি

১৮৭৮ সালের ২৭শে নভেম্বর যশীন্দ্রমোহন বাগচী নদীয়া জেলায় জন্মগ্রহণ করেন। তিনি কবিতা রচনা ছাড়াও 'মানসী' ও 'পূর্বাচল' পত্রিকা সম্পাদনা করেন। পঞ্জিতীতি তাঁর কবিতার বৈশিষ্ট্য। উল্লেখযোগ্য গ্রন্থের মধ্যে রয়েছে 'লেখা', 'কেয়া', 'কম্বুর দান' ইত্যাদি। 'কাজলা দিদি' কবিতাটি 'কাব্যমালা' কাব্যগ্রন্থ থেকে নেওয়া হয়েছে। ১৯৪৮ সালের ১শা ফেব্রুয়ারি তাঁর মৃত্যু হয়।

# পাঠান মুলুকে

## সৈয়দ মুজতবা আলী

সর্দারজি চুল বাঁধতে, দাড়ি সাজাতে আর গাগড়ি পাকাতে আরম্ভ করলেন। তখনই বুঝতে পারলুম যে পেশাওয়ার পৌছতে আর মাত্র ঘণ্টাখানেক বাকি। পরমে, খুলো, কন্নলার গুড়োয়, কাবাব-রুটিতে আর স্নানাতাবে আমার গায়ে একরাস্তি শক্তি নেই। বিছানা গুটিয়ে হোল্ডল বন্ধ করতেও পারছিলাম না। কিন্তু পাঠানের সঙ্গে ভ্রমণ করতে সুখ আছে। আমাদের কাছে যেটা কঠিন বলে বোধ হয় পাঠান সেটা গায়ে পড়ে করে দেয়।



ইতোমধ্যে গল্পে গল্পে জেনে গেছি পাঠান-মুলুকের প্রবাদ। দিনের বেলা পেশাওয়ার ইথরেজের, রাত্রে পাঠানের। গাড়ি পেশাওয়ার পৌছবে রাত নয়টার। তখন যে কার রাজতে পৌছবে তাই নিয়ে মনে মনে নানা ভাবনা ভাবছি, এমন সময় দেখি গাড়ি এসে পেশাওয়ারেই দাঁড়াল। বাইরে ঠা-ঠা আলো, নয়টা বাজল কী করে, আর পেশাওয়ারে পৌছলাম বা কী করে? এখন চেয়ে দেখি সন্তি পুনরায় বেজেছে।



প্ল্যাটফরমে বেশি ভিড় নেই। জিনিসপত্র নামাবার ফাঁকে লক্ষ করলুম, ছয় ফুটি পাঠানের চেয়েও একমাথা উঁচু এক ভদ্রলোক আমার দিকে এগিয়ে আসছেন। তিনি এসে উত্তম উর্দুতে আমাকে বললেন, তাঁর নাম শেখ আহমদ আলী। আমি নিজের নাম বলে একহাত এগিয়ে দিলাম। তিনি তাঁর দুহাতে সেটি লুফে নিয়ে দিলেন এক চাপ পরম উৎসাহে, গরম সংবর্ধনায়! হঠাৎ আমাকে দুহাত দিয়ে জড়িয়ে খাস পাঠানি কায়দায় আলিঙ্গন করতে আরম্ভ করেছেন। সঙ্গে সঙ্গে তিনি উর্দু পশতুতে মিলিয়ে অনেক কথা বলছিলেন। তার অনুবাদ –“ভালো আছেন তো, মজাল তো, সব ঠিক তো, বেজায় ক্লাস্ত হয়ে পড়েন নি তো?” আমি ‘জি হাঁ, জি না’ করেই যাচ্ছি। আর ভাবছি গাড়িতে পাঠানদের কাছ থেকে তাদের আদবকায়দা কিছুটা শিখে নিলে ভালো করতাম। খানিকটা কোলে-পিঠে, খানিকটা টেনে-হিঁচড়ে তিনি আমাকে স্টেশনের বাইরে এনে একটা টাঙ্গায় বসালেন। আমি তখন শুধু ভাবছি ভদ্রলোক আমাকে চেনেন না জানেন না। আমি বাঙালি তিনি পাঠান। তবে যে এত সংবর্ধনা করছেন তার মানে কী? এর কতটা আন্তরিক, আর কতটা লৌকিকতা?

আজ বলতে পারি পাঠানের অভ্যর্থনা সম্পূর্ণ নির্জলা আন্তরিক। অতিথিকে বাড়িতে ডেকে নেওয়ার মতো আনন্দ পাঠান অন্য কোনো জিনিসে পায় না। আর সে অতিথি যদি বিদেশি হয় তাহলে তো আর কথাই নেই।

টাঙ্গা তো চলছে পাঠানি কায়দায়। আমাদের দেশে সাধারণত লোকজন রাস্তা সাফ করে দেয় – গাড়ি সোজা চলে। পাঠানমূলকে লোকজন যার যে রকম খুশি চলে। গাড়ি ঐঁকে-বঁেকে রাস্তা করে নেয়। ঘণ্টা বাজানো, চিৎকার বৃথা। খাস পাঠান কখনো কারো জন্যে রাস্তা ছেড়ে দেয় না। সে স্বাধীন, রাস্তা ছেড়ে দিতে হলে তার স্বাধীনতা রইল কোথায়? কিন্তু ওই স্বাধীনতার দাম দিতেও সে কসুর করে না। ধরা যাক, ঘোড়ার নালের চাট লেগে তার পায়ের এক খাবলা মাংস উড়ে গেল এতে সে রেগে গালাগালি, মারামারি বা পুলিশে ডাকাডাকি করে না। পরম শ্রদ্ধায় ও বিরক্তি সহকারে ঘাড় বাঁকিয়ে শুধু জিজ্ঞাসা করে, দেখতে পাস না? গাড়োয়ানও স্বাধীন পাঠান – ততোধিক অবজ্ঞা প্রকাশ করে বলে, ‘তোর চোখ নেই?’ ব্যস্। যে যার পথে চলল।

## অনুশীলনী

১. শব্দগুলো পাঠ থেকে খুঁজে বের করি। অর্থ বলি।

স্নানাভাবে একরত্তি হোল্ডল ঠা-ঠা আলো আলিঙ্গন করা পশতু অভ্যর্থনা  
নির্জলা বৃথা খাস ঘোড়ার নালের চাট অবজ্ঞা টাঙ্গা কসুর প্ল্যাটফরম

২. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

বৃথা আলিঙ্গন অভ্যর্থনা একরত্তি ঠা-ঠা আলো

ক. আমার চোখে ..... ঘুম নেই।

খ. এত ..... চোখ মেলে তাকানো যায় না।

গ. ঈদের সময় আমরা সবাই ..... করে থাকি।

ঘ. তাদের ..... অনেক ভালো ছিল।

ঙ. ....সময় নষ্ট করা ঠিক নয়।

৩. প্রশ্নগুলোর উত্তর বলি ও লিখি।

ক. সর্দারজিকে চেনা যায় কী দেখে?

খ. দিনের বেলায় ও রাত্রে পেশাওয়ার শহরে কী হয়?

গ. পাঠানদের অভ্যর্থনা কেমন হয়ে থাকে এবং কেন?

ঘ. পাঠানেরা কীভাবে টাঙ্গা চালায়?

৪. ক্রিয়াপদের বিভিন্ন রূপ রয়েছে। যেমন – মূল ক্রিয়াপদ – যাওয়া। এই ক্রিয়াপদটি থেকে অনেক শব্দ হতে পারে। যেমন–

যাই – আমি বাড়ি যাই।

যাব – আমি বিকেলে খেলা দেখতে যাব।

গিয়েছি – আমি ওখানে গতকালও গিয়েছি।

যেতাম – ছোটবেলায় আমি প্রায়ই মামাবাড়ি যেতাম।

এখন নিচের ক্রিয়াপদগুলো দিয়ে একইরকম ভাবে শব্দ ও বাক্য লিখি।

আসা, খাওয়া, করা

## ৫. বাক্য রচনা করি।

ভ্রমণ পেশাগর ঠা-ঠা আলো সংবর্ধনা ডাকাডাকি অবজ্ঞা

## ৬. বিপরীত শব্দ লিখি এবং তা দিয়ে একটি করে বাক্য লিখি।

আরম্ভ	শেষ	আজ আমার পরীক্ষা শেষ হলো।
গরম	ঠাণ্ডা	শীতকালে শরুর ঠাণ্ডা লাগে।
কঠিন	.....	.....
শিতর	.....	.....
দিন	.....	.....
দাঁড়ানো	.....	.....
আলো	.....	.....
উঁচু	.....	.....

## ৭. কর্ম-অনুশীলন।

নিজে বেড়িয়ে এসেছি এরকম একটা জায়গা সম্পর্কে বলি।



সৈয়দ মুজতবা আলী

### লেখক-পরিচিতি

১৯০৪ সালের ১৩ই সেপ্টেম্বর সৈয়দ মুজতবা আলী আসামের কাছাড় জেলার করিমগঞ্জে জন্মগ্রহণ করেন। তিনি বিশ্বভারতী থেকে স্নাতক ডিগ্রি লাভ করেন। পরে তিনি আলীগড় বিশ্ববিদ্যালয়ে অধ্যয়ন করেন। ১৯২৭ সালে তিনি আফগানিস্তানের শিক্ষা বিভাগের অধীনে কাবুল কৃষিবিজ্ঞান কলেজে ইংরেজি ও জার্মান ভাষার অধ্যাপক নিযুক্ত হন। কাবুল প্রবাসের বিচিত্র অভিজ্ঞতা বর্ণিত হয়েছে তাঁর 'দেশে বিদেশে' গ্রন্থে। ১৯৭৪ সালের ১১ই ফেব্রুয়ারি তিনি ঢাকায় মৃত্যুবরণ করেন।



মা

কাজী নজরুল ইসলাম

যেখানেতে দেখি যাহা  
মা-এর মতন আহা  
একটি কথায় এত সুখা মেশা নাই,  
মায়ের মতন এত  
আদর সোহাগ সে তো  
আর কোনোখানে কেহ পাইবে না ভাই।

হেরিলে মায়ের মুখ,  
দূরে যার সব দুখ,  
মায়ের কোলেতে শূন্যে জুড়ায় পুরান,  
মায়ের শীতল কোলে  
সকল যাতনা তোলে  
কতো না সোহাগে মাতা বুকটি ভরান।

বখন জনম নিনু  
কতো অসহায় ছিনু,  
কীদা ছাড়া নাহি জানিতাম কোনো কিছু,  
ওঠা বসা দূরে থাক—  
মুখে নাহি ছিল বাক,  
চাহনি কিরিত শুধু মা-র পিছু পিছু!





পাঠশালা হতে যবে  
ঘরে ফিরি যাব সবে,  
কতো না আদরে কোলে তুলি নেবে মাতা,  
খাবার ধরিয়া মুখে  
শুধাবেন কত সুখে  
'কতো আজ লেখা হলো, পড়া কতো পাতা?'

পড়া লেখা ভালো হলে  
দেখেছ সে কতো ছলে  
ঘরে ঘরে মা আমার কতো নাম করে!  
বলে, 'মোর খোকামণি।  
হীরা-মানিকের খনি,  
এমনটি নাই কারো!' শুনে বুক ভরে!

দিবানিশি ভাবনা  
কিসে ক্লেশ পাব না,  
কিসে সে মানুষ হব, বড় হব কিসে;  
বুক ভরে ওঠে মা-র  
ছেলেরি গরবে তাঁর  
সব দুখ সুখ হয় মায়ের আশিসে।

(সংক্ষেপিত)

## অনুশীলনী

### ১. জেনে নিই।

আমাদের সবার জীবনে 'মা' কথাটি একটি মধুমাখা নাম। মায়ের মমতা আমাদের চলার পথের পাথেয়। শৈশবে মা আমাদের গভীর মমতায় লালন করেন। ভালোভাবে লেখাপড়া করলে, জীবনে সফল হলে মা খুশি হন। অন্যদিকে মায়ের আশিস পেলে সন্তানের দুঃখ ঘুচে যায়।

২. শব্দগুলো পাঠ থেকে খুঁজে বের করি, অর্থ বলি এবং নতুন বাক্য লিখি।

মতন সুধা হেরিলে পরান যাতনা নিনু হিনু বাক শুধাবেন সোহাগ  
পাঠশালা খনি ক্লেশ আশিস

৩. কবিতার চরণ দেওয়া আছে, পরবর্তী চরণ লিখি।

হেরিলে মায়ের মুখ,  
.....

মায়ের কোলেতে শূয়ে ছুড়ায় পরান,  
.....

সকল যাতনা ভোলে  
.....

৪. কবিতাটি আবৃত্তি করি।

৫. কবিতার প্রথম বাত্রোটি চরণ মুখস্থ লিখি।

৬. কবিতাটিতে কবি কী বলেছেন তা সহক্ষেপে বলি ও লিখি।

৭. আমার ‘মা’ সম্পর্কে একটি অনুচ্ছেদ লিখি।



কাজী নজরুল  
ইসলাম

### কবি পরিচিতি

১৮৯৯ খ্রিষ্টাব্দের ২৫শে মে কাজী নজরুল ইসলাম বর্ধমান জেলার চুরুলিয়া গ্রামে জন্মগ্রহণ করেন। তিনি একাধারে কবি, গল্পকার, প্রাবন্ধিক, সাংবাদিক, সুরস্রষ্টা, গীতিকার ও সমাজসেবী। তিনি ‘নববুর্গ’ ও ‘ধুমকেতু’ সহ আরও অনেক পত্রিকার সম্পাদক ছিলেন। ‘মা’ কবিতাটি ‘খিঞ্চেফুল’ কাব্যগ্রন্থ থেকে নেওয়া হয়েছে। বাংলাদেশের জাতীয় কবি কাজী নজরুল ইসলাম। ১৯৭৬ খ্রিষ্টাব্দের ২৯শে আগস্ট ঢাকায় তিনি মৃত্যুবরণ করেন।



## ঘুরে আসি সোনারগাঁও



পানাম নদ, সোনারগাঁও

জানুয়ারির মাঝামাঝি। শীতের সকাল। কুয়াশার আবরণ ভেদ করে সূর্য কেবল উঁকি দিচ্ছে আকাশে। এর মধ্যে সবাই পৌঁছে গেছে স্কুলে। সাবিহা, নমিতা, কবির, সুবীর সবাই। হাসান স্যার তো আগেই এসে গেছেন।

সবাই বাবে শিক্ষা সফরে। ঐতিহাসিক সোনারগাঁও বাবে তারা। কী আনন্দ, কী উল্লাস সবার মনে।


সাবিহা ভাবছিল সোনারগাঁও আসলে দেখতে কেমন? এটা কি সোনা দিয়ে মোড়া কোনো গ্রাম? হঠাৎ তার চিন্তায় ছেদ পড়ল। হাসান স্যার সবাইকে বাসে ওঠার জন্য তড়া দিলেন। সবাই সুশুভ্র হয়ে বাসে বসল। হাসান স্যার এবার ঢাকার একটি ম্যাপ খুলিয়ে দেখালেন, বললেন— “এই দেখ, সোনারগাঁও। ঢাকা থেকে সোনারগাঁও দূরত্ব ২৭ কিলোমিটার। এটা নারায়ণগঞ্জ জেলায়। ঢাকার দক্ষিণ-পূর্বে এ প্রাচীন নগরী সোনারগাঁওয়ের অবস্থান।”

সবাই মনোযোগ দিয়ে শুনছিল হাসান স্যারের কথা। তিনি জানালেন, “আমরা গুলিস্তান-বাত্রাবাড়ি ফেলে এসেছি। এবার আমাদের বাস চলছে ঢাকা-চট্টগ্রাম সড়ক পথে। কাচপুর ব্রিজ পার হয়ে একটু গেলেই সোনারগাঁও।”

দেখতে দেখতে বাস এসে পৌছাল সোনারগাঁও। সোনারগাঁওয়ের মাটিতে পা দিয়েই সাব্বিহার মন খুশিতে ভরে উঠলো। চারদিকে সবুজ গাছপালা আর শীতের সকালের মিষ্টি রোদ্দুর। প্রথমেই তাদের চোখে পড়ল একলক্ষুজ বিশিষ্ট একটা প্রাচীন মসজিদ। স্যার কলেন, এটা হচ্ছে পোয়ালদি মসজিদ। মোঘল স্থাপত্য-শৈলীর অপূর্ব নিদর্শন রয়েছে এ মসজিদে। তবে এটা তৈরি হয়েছিল মোঘলরা বঙ্গদেশে আসারও আগে।

হাসান স্যার আরও জানালেন, প্রাচীনকালের সমৃদ্ধ নগর সুবর্ণগ্রাম। পরে এর নাম হয় সোনারগাঁও। ঢাকার আগে সোনারগাঁও ছিল দক্ষিণ-পূর্ব বাংলার রাজধানী। ইশা খাঁ ছিলেন এই অঞ্চলের শাসক। সোনারগাঁওয়ের সবচেয়ে সমৃদ্ধ এলাকা পানাম নগর। এ ঘন নগরের মধ্যে আরেক নগর। সাব্বিহার ভাবতে আর বেড়াতে বেশ ভালোই লাগছে।

এর একটা মাত্র রাস্তা। তার দুই পাশে সারি সারি প্রাচীন দালান। দালানগুলো খুব উঁচু নয়। সবই দোতলা। প্রায় একশো বছরেরও আগের তৈরি। এখানেই ধনী ব্যবসায়ীরা বসবাস করতেন। সোনারগাঁও তখন ছিল মসলিন কাপড় তৈরির প্রসিদ্ধ স্থান। সোনারগাঁওয়ে তৈরি মসলিনের বিশ্বজোড়া খ্যাতি ও কদর ছিল। পরে সুতি কাপড়ের প্রধান কেন্দ্র হয়ে ওঠে এটি। কিন্তু এদেশে ইংরেজরা আসার পর সেসি কাপড়ের কদর যায় কমে।





তখন বিলিতি কাপড় আসা শুরু করে এদেশে। কক্ষ হয়ে যায় এখনকার ব্যকসা-বাণিজ্য। এ শহরের পুরনো দালান বাজার অভূতপূর্ব স্থাপত্যশৈলী। আমাদের সংস্কৃতির নিদর্শন হিসেবে যেন সগর্বে মাথা উঠু করে দাঁড়িয়ে আছে। এবার আমাদের শেষ গন্তব্য সোনারগাঁও লোকশিল্প জাদুঘর দেখার পালা।

একটি দেশের শিল্প-সংস্কৃতি, ইতিহাস-ঐতিহ্যের যাবতীয় নিদর্শন জাদুঘরেই সম্বন্ধিত থাকে। সোনারগাঁওয়ের জাদুঘরে ঢুকতে ঢুকতে সবুজের স্নিগ্ধ স্পর্শে সাবিহার মনটা ভরে গেল। কী চমৎকার একটা লোক, শান্ত পুকুর আর গাছগাছালিতে ভরা চারপাশ।

প্রথমেই সবাই ঢুকে পড়ল লোকশিল্প জাদুঘরে। জাদুঘরটা সাধারণ জাদুঘর নয়, লোকশিল্পের জাদুঘর। আমাদের গ্রামীণ মানুষের তৈরি জিনিসপত্রকে বলে লোকশিল্প। হাসান স্যারই কথাটা বুঝিয়ে দিলেন। যে বাড়িতে জাদুঘরটা করা হয়েছে তার আদি নাম বড় সর্দারবাড়ি। দারুণ কারুকাজ করা এর প্রবেশপথ। কম্বো জিনিস যে আছে দেখবার, শিখবার। কাঠের তৈরি জিনিস, মুখোশ, মৃৎপাত্র, মাটির পুতুল, বাঁশ-লোহা-কাঁসার তৈরি নানা জিনিস, অলংকার ইত্যাদি দেখে সবাই বিম্বিত। কী সুন্দর জামদানি শাড়ি আর কী বাহার শুই নকশি কাঁধার।

সোনারগাঁও লোকশিল্প জাদুঘরের প্রতিষ্ঠাতা শ্রীমতী জয়নুল আবেদিন। তাঁর সপ্তাহশালায় গিয়ে আরও মুগ্ধ সবাই। তিনি ছিলেন অনেক বড় শিল্পী।



শখের ইঁড়ি



সূর্য তখন পশ্চিমে ঢলে পড়েছে। এবার ঐতিহাসিক সোনারগাঁও থেকে আমাদের ফেরার পালা। বাসের জানালা দিয়ে অস্তগামী সূর্যের ছবি দেখতে দেখতে ফিরে এলাম ঢাকা। এ স্মৃতি আমাদের মনে গাঁথা থাকবে অনেক দিন।

## অনুশীলনী

১. শব্দগুলো পাঠ থেকে খুঁজে বের করি। অর্থ বলি।

ঐতিহাসিক গম্বুজ বঙ্গদেশ স্থাপত্য নিদর্শন শাসনকর্তা অঞ্চল সমৃদ্ধ প্রসিদ্ধ মসলিন বিলিতি অভূতপূর্ব অস্তগামী স্মৃতি লোকশিল্প বিম্বিত বাহার ম্যাপ কদর খ্যাত

২. প্রশ্নগুলোর উত্তর বলি ও লিখি।

- ক. সোনারগাঁও কোথায় অবস্থিত?
- খ. গোয়ালদি মসজিদ কী জন্যে বিখ্যাত?
- গ. পানাম নগর কী জন্যে প্রসিদ্ধ?
- ঘ. লোকশিল্প কাকে বলে?
- ঙ. লোকশিল্প জাদুঘর কেন দরকার?
- চ. জাদুঘর বলতে কী বুঝি?
- ছ. সোনারগাঁও লোকশিল্প জাদুঘরের প্রতিষ্ঠাতা কে?

৩. ঠিক উত্তরটিতে টিক (✓) চিহ্ন দিই।

ক. ঘুরে আসি সোনারগাঁও গল্পে শিক্ষা সফরে সবাই কোথায় যাচ্ছিল –

- |                |              |
|----------------|--------------|
| ১. যাত্রাবাড়ি | ২. সোনারগাঁও |
| ৩. পাহাড়পুর   | ৪. চট্টগ্রাম |

খ. লোকশিল্প জাদুঘরের প্রবেশ পথটি কেমন –

- |                      |           |
|----------------------|-----------|
| ১. দারুণ কারুকাজ করা | ২. সাধারণ |
| ৩. অনেক পুরানো       | ৪. নতুন   |

গ. মসলিন কাপড়ের জন্য প্রসিদ্ধ স্থান –

- |                |              |
|----------------|--------------|
| ১. নারায়ণগঞ্জ | ২. সোনারগাঁও |
| ৩. গুলিস্তান   | ৪. নওগাঁ     |

ঘ. ঢাকার আগে সোনারগাঁও ছিল –

- |                                |                          |
|--------------------------------|--------------------------|
| ১. পূর্ব বাংলার রাজধানী        | ২. দক্ষিণ বাংলার রাজধানী |
| ৩. দক্ষিণ-পূর্ব বাংলার রাজধানী | ৪. উত্তর বাংলার রাজধানী  |

ঙ. দক্ষিণ-পূর্ব বাংলার শাসনকর্তা ছিলেন –

- |                 |                     |
|-----------------|---------------------|
| ১. ঈশা খাঁ      | ২. তিতুমীর          |
| ৩. আলীবর্দি খাঁ | ৪. নবাব আহসানউল্লাহ |

চ. ঢাকা থেকে সোনারগাঁওয়ের দূরত্ব –

- |            |            |
|------------|------------|
| ১. ২৭ কিমি | ২. ২২ কিমি |
| ৩. ২৫ কিমি | ৪. ২৮ কিমি |

৪. বাম পাশের শব্দাংশের সাথে ডান পাশের ঠিক শব্দাংশ মিলিয়ে পড়ি ও লিখি।

সমৃদ্ধ এলাকা	গোয়ালদি
প্রাচীন মসজিদ	লোকশিল্পের প্রতিষ্ঠাতা
মসলিন কাপড়	সোনারগাঁও এর শাসনকর্তা
জয়নুল আবেদিন	জগৎ জোড়া খ্যাত
ঈশা খাঁ ছিলেন	পানাম নগর

৫. আমার নিজের গ্রাম বা শহরের কথা সংক্ষেপে বর্ণনা করি।

## ৬. একই অর্থ বোঝায় এরকম কয়েকটি শব্দ লিখি।

- ফুল – পুষ্প, কুসুম, মঞ্জুরী, প্রসূন, পুষ্পক  
পানি – জল, বারি, সলিল, নীর, অম্বু  
পৃথিবী – জগৎ, ধরণী, ধরিত্রি, ভুবন, বসুন্ধরা  
নদী – তটিনী, গাং, প্রবাহিনী, কল্লোলিনী  
পতাকা – কেতন, ঝাণ্ডা, নিশান, বৈজয়ন্তী, ধ্বজা

## ৭. বিপরীত শব্দ লিখি।

সকাল	বিকাল
যাওয়া	.....
আনন্দ	.....
মিষ্টি	.....
রোদ	.....
প্রথম	.....

## ৮. কর্ম অনুশীলন।

ক. মনে কর, একজন বিদেশির সাথে তোমার পরিচয় হয়েছে। যিনি আগে কখনো বাংলাদেশে আসেননি। তিনি বাংলাদেশের আচার, অনুষ্ঠান, সংস্কৃতি ইত্যাদি সম্পর্কে জানার জন্য কোথায় যাবেন, তা তোমার কাছে জানতে চাইলেন। সেক্ষেত্রে তুমি তাকে কোথায় যাওয়ার পরামর্শ দেবে এবং কেন?

খ. নিচের যেকোনো একটি বিষয় নিয়ে ৮টি বাক্য লিখি।

সোনারগাঁও

জাদুঘর


স্মৃতিসৌধ

শহিদ মিনার



# বীরপুরুষ

রবীন্দ্রনাথ ঠাকুর



মনে করো, যেন বিদেশ যুগে  
মাকে নিয়ে যাচ্ছি অনেক দূরে।  
তুমি যাচ্ছ পালকিতে মা চড়ে  
দরজা দুটো একটুকু কাঁক করে,  
আমি যাচ্ছি রাস্তা ঘোড়ার পরে  
টপ্‌টপিয়ে জোমার পাশে পাশে।  
রাস্তা থেকে ঘোড়ার খুরে খুরে  
রাস্তা ধুলোয় মেঘ উড়িয়ে আসে।

সন্ধ্য হলো, সূর্য নামে পাটে,  
এলেম যেন জোড়াদিঘির মাঠে।

ধু ধু করে যে দিক-পানে চাই,  
কোনোখানে ছনমানব নাই,  
তুমি যেন আশন মনে তাই  
ভয় পেয়েছ—তাবছ, 'এলেম কোথা।'  
আমি বলছি, 'ভয় করো না মা গো,  
ওই দেখা যায় মরা নদীর সোঁতা।'



আমরা কোথায় যাচ্ছি কে তা জানে—  
 অন্ধকারে দেখা যায় না ভালো।  
 তুমি যেন বললে আমার ডেকে,  
 'দিঘির খারে ওই—যে কিসের আলো!'  
 এমন সময় 'হাঁরে রে রে রে রে  
 ওই যে কারা আসতেছে ডাক ছেড়ে।  
 তুমি শুয়ে পালকিতে এক কোণে  
 ঠাকুর—দেবতা অরণ করছ মনে,


বেয়্যারাপুলো পাশের কাঁটাবনে  
 পালকি ছেড়ে কাঁপছে ধরোধরো।  
 আমি যেন তোমায় বলছি ডেকে,  
 'আমি আছি, ভয় কেন মা করো!'

তুমি বললে, 'যাস নে খোকা ওরে',  
 আমি বলি, 'দেখো—না চুপ করে।'।  
 ছুটিয়ে ছোড়া গেলেম তাদের মাঝে,  
 ঢাল তলোয়ার ঝনঝনিয়া বাজে,  
 কী ভয়ানক লড়াই হলো মা যে,  
 শূনে তোমায় গায়ে দেবে কাঁটা।  
 কতো লোক যে পাগিয়ে গেল শুয়ে,  
 কতো লোকের মাথা পড়ল কাটা।

এত লোকের সঙ্গে লড়াই করে,  
 ভাবছ খোকা গেলই বুঝি মরে।

আমি তখন রক্ত মেখে ঘেমে  
 বলছি এসে, 'লড়াই গেছে ঘেমে',  
 তুমি শূনে পালকি থেকে নেমে  
 ছুমো খেয়ে নিচ্ছ আমার কোলে  
 বলছ, 'ভাগেট খোকা সঙ্গে ছিল  
 কী দুর্দশাই হতো তা না হলে!'

(সংক্ষেপিত)



# অনুশীলনী

## ১. জেনে নিই।

শিশুরা কল্পনা করতে ভালোবাসে। এই কবিতাটিও তেমনি এক ছোট্ট শিশুর কল্পনা। কল্পনায় সে মায়ের সঙ্গে দূর দেশে যায়। পথে সে ডাকাতদের মোকাবিলা করে, বীরের মতো লড়াই করে মাকে রক্ষা করে।

## ২. শব্দগুলো পাঠ থেকে খুঁজে বের করি, অর্থ বলি এবং নতুন বাক্য লিখি।

টগবগিয়ে রাঙা পাট জোড়াদিঘি ঝরণ বেয়ারা (বেহারা) থরোথরো  
ঝনঝনিয়ে দুর্দশা সোঁতা

## ৩. প্রশ্নগুলোর উত্তর বলি ও লিখি।

- ক. খোকা মাকে নিয়ে কোথায় যাচ্ছে?
- খ. মা ও খোকা কীভাবে যাচ্ছে?
- গ. তারা কখন জোড়াদিঘির ঘাটে পৌঁছাল? এমন সময় কী ঘটল?
- ঘ. বেয়ারারা কোথায় পালাল?
- ঙ. ‘ভাগ্যে খোকা সঙ্গে ছিল’ – মা একথা বললেন কেন?
- চ. বীরপুরুষ কে? সে কাদের হারিয়ে বীরপুরুষ হলো?

## ৪. নিচের শব্দগুলোর মধ্যে অর্থের পার্থক্য জেনে নিই ও শব্দ দিয়ে তৈরি বাক্যগুলো শুদ্ধ উচ্চারণে পড়ি।

- কাটা – অঘ্রাণ মাসে ধান কাটা শেষ হয়েছে।  
কাঁটা – চোরাকাঁটায় মাঠ ভরে আছে।  
কোন – তুমি কোন কাজ করবে?  
কোণ – ঘরের কোণে বসে থাকলে চলবে না, কাজে নেমে পড়ো।



## ৫. বিপরীত শব্দ জেনে নিই ও বাক্য তৈরি করি।

ভয়	–	সাহস,	সাহসের কাছে সবাই পরাজিত হয়।
বিদেশ	–	স্বদেশ,	.....
দূরে	–	কাছে,	.....
সকাল	–	সন্ধ্যা,	.....
আলো	–	অঁধার, অন্ধকার,	.....

## ৬. 'বীরপুরুষ' কবিতায় 'ধু-ধু' শব্দ আছে, এ রকম আরও শব্দের ব্যবহার জেনে নিই।

ধু-ধু	–	চারদিকে মানুষজন নেই, গ্রামটা যেন ধু-ধু করছে।
হু-হু	–	হু-হু করে হাওয়া বইছে।
সৌ-সৌ	–	সৌ-সৌ করে বাতাস ছুটছে।
ঝনঝন	–	কাচের আয়নাটা ঝনঝন করে ভেঙে গেল।
ভনভন	–	ময়লা জায়গাটায় ভনভন করে মাছি উড়ছে।

## ৭. কবিতাটি স্পষ্ট ও শুদ্ধ উচ্চারণে স্বাভাবিক গতিতে আবৃত্তি করি।

## ৮. কর্ম-অনুশীলন।

আমি যদি বীরপুরুষ হতাম তাহলে কী করতাম তা লিখে জানাই।



রবীন্দ্রনাথ ঠাকুর

### কবি পরিচিতি

১৮৬১ খ্রিস্টাব্দের ৭ই মে বিশ্ব কবি রবীন্দ্রনাথ ঠাকুর কলকাতার জোড়াসাঁকোর ঠাকুরবাড়িতে জন্মগ্রহণ করেন। তিনি শুধু কবি নন, কথাসাহিত্যিক, নাট্যকার, দার্শনিক, গীতিকার, সুরস্রষ্টা, চিত্রশিল্পী, সমাজসেবী ও শিক্ষাবিদ। তাঁর রচনা ভাষার বিশাল। তিনি কবিতা, গল্প, উপন্যাস, প্রবন্ধ, নাটক রচনা করেছেন। এ ছাড়াও তিনি বহু চিঠিপত্র লিখেছেন। 'বীরপুরুষ' কবিতাটি 'শিশু' কাব্যগ্রন্থের অন্তর্গত। ১৯১৩ খ্রিস্টাব্দে রবীন্দ্রনাথ ঠাকুর সাহিত্যে নোবেল পুরস্কার লাভ করেন। ১৯৪১ খ্রিস্টাব্দের ৭ই আগস্ট তিনি মৃত্যুবরণ করেন।

## পাহাড়পুর

চারিদিকে কোনো পাহাড় নেই, কিন্তু জায়গার নাম পাহাড়পুর। এটি বাংলাদেশের এমনকি বিশ্বের একটি বিখ্যাত জায়গা। কিন্তু এর সম্পর্কে সবাই খুব ভালো জানে না। তোমরা কি জান যে, পাহাড়পুর একটি সুপ্রাচীন বৌদ্ধবিহার?



পাহাড়পুর বৌদ্ধ বিহার

প্রায় ১৪শ বছর আগে বৌদ্ধ ধর্মের অনুসারী তিব্বুৎপ কোনো বিশেষ একটা জায়গায় থাকতেন। সেখানে তাঁরা নিজেদের ধর্মচর্চা করতেন আর শিষ্যদের শিক্ষা দিতেন। এরকম জায়গার নাম বিহার। বাংলাদেশের ভিতরে আরও বিহার আছে, যেমন কুমিল্লার ময়নামতির শালবন বিহার। কিন্তু পাহাড়পুরের মতো বড় বিহার আর নেই। প্রাচীন এ বিহার একসময় খালি পড়ে থাকে। অনেকে মনে করেন যুগযুগ ধরে উড়ে আসা ধূলাবাণি ও মাটি এটির চারিদিকে জমতে থাকে। একসময় মাটির স্তূপে এটি ঢাকা পড়ে পাহাড়ের মতো হয়ে যায়। সেই থেকে নাম হয়ে যায় পাহাড়পুর। দীর্ঘকাল পরে ১৮৭৯ সালে আলেকজান্ডার কানিংহাম এই বিশাল পুরাকীর্তি আবিষ্কার করেন। এটির আরেক নাম সোমপুর বিহার বা সোমপুর মহাবিহার।

এই বিহারটি নওগাঁ জেলার বদলগাঁহি উপজেলার পাহাড়পুর গ্রামে অবস্থিত। বিহার এলাকাটি প্রায় ৪০ একর জায়গা জুড়ে লাগতে মাটির ভূমিতে বিস্তৃত। ২৭ একর জমির উপর এর বিশাল দালান। উত্তর-দক্ষিণে এটি ৯২২ ফুট আর পূর্ব-পশ্চিমে ৯১৯ ফুট বিস্তৃত। বৌদ্ধ ধর্মাবলম্বী রাজা দ্বিতীয় ধর্মপাল প্রায় ১২শ বছর আগে এটি নির্মাণ করান।



একদম নিচে মাটির অংশে এটি চারকোনা আকারের। বাইরের দেয়ালের পায়ে গোড়ামাটি দিয়ে নানান রকম ফুল-ফল, পাখি, পুতুল, মূর্তি ইত্যাদি বানানো আছে। উত্তর দিকের ঠিক মাঝখানে মূল দরজা। তার পরেই বড় হলঘর। পাশে দুটি ছোট হলঘর। চারিদিকে দেয়ালের ভিতরে সুন্দর সারি বীধা ১৭৭টি ছোট ঘর। সামনে দিয়ে আছে লম্বা বারান্দা। বিহারটিতে আছে পুকুর, কূপ, স্নানঘাট, স্নানঘর, রান্নাঘর, খাবারঘর ও শৌচাগার। সব মিলিয়ে বিহারটিতে ৮০০ মানুষের থাকার ব্যবস্থা ছিল। পাহাড়পুর ছিল উচ্চ শিক্ষার প্রাণকেন্দ্র।



পাহাড়পুর বিহারের গোড়া মাটির কলক

ভিতরটায় বিশাল উঠানের মাঝখানে বড় এক সুন্দর মন্দির। ধাপে ধাপে উঁচু করে মন্দিরটা বসানো হয়েছে। এখানেও গোড়ামাটির দুই হাজার ফলকের চিত্র দিয়ে মন্দিরের বাইরে আর ভেতরে সাজানো। একই রকম ছোটছোট মন্দির পুরো বিহারের নানান জায়গায় আছে। বিহারটির পূর্ব-দক্ষিণ কোণে দেয়ালের বাইরে একটা বীধানো ঘাট আছে। এটাকে বলা হয় সন্ধ্যাবতীর ঘাট।

পাহাড়পুর বিহারের পাশে আছে দেখার মতো একটা জাদুঘর। সেখানে সুন্দর করে সাজিয়ে রাখা আছে বিহার থেকে খনন করে পাওয়া অনেক পুরাতন আর দুর্লভ জিনিসপত্র।



## অনুশীলনী

১. শব্দগুলো পাঠ থেকে বুঝে বের করি। অর্থ বলি।

বিহার সুপ্রাচীন ভিক্ষু সত্বপ বিশাল প্রাণকেন্দ্র দুর্গভ আবিষ্কার ম্যানঘাট ধর্মচর্চা

২. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

প্রাণকেন্দ্র সত্বপ দুর্গভ বিশাল বিহার সুপ্রাচীন

ক. পাহাড়পুর ছাড়াও আমাদের দেশে আরও ..... রয়েছে।

খ. আমাদের দেশে ..... মঠ রয়েছে।

গ. টেবিলের উপর ধুলোবাগি পড়ে ময়লার ..... হয়ে আছে।

ঘ. আকাশ অনেক .....।

ঙ. ঢাকা বাংলাদেশের .....।

চ. জাদুঘরে অনেক ..... জিনিস দেখতে পাওয়া যায়।

৩. ঠিক উত্তরটিতে টিক (✓) চিহ্ন দিই।

ক. বৌদ্ধ ধর্মের অনুসারী ভিক্ষুগণ থাকতেন –

১. বৌদ্ধ বিহারে

২. পাহাড়পুরে

৩. বদলগাছিতে

৪. জামালপুরে

খ. আলেকজান্ডার কানিংহাম এই পুরাকীর্তি আবিষ্কার করেন –

১. ১৭৭৯ সালে

২. ১৮৭৯ সালে

৩. ১৯৭৯ সালে

৪. ১৬৭৯ সালে

গ. বিহার এলাকাটি বিস্তৃত –

১. ৫০ একর জুড়ে

২. ৪০ একর জুড়ে

৩. ৬০ একর জুড়ে

৪. ৩০ একর জুড়ে



## ৪. প্রশ্নগুলোর উত্তর বলি ও লিখি।

ক. পাহাড়পুর নামটা কীভাবে হলো?

খ. এখানে কতবছর আগে কারা থাকতো?

গ. বিহারটির মাঝখানে কী কী আছে?

ঘ. বৌদ্ধ বিহারটির মাটি ও দেয়াল কোন রঙের এবং কী দিয়ে তৈরি?

## ৫. বাম পাশের শব্দাংশের সাথে ডান পাশের ঠিক শব্দাংশ মিলিয়ে বাক্য পড়ি ও লিখি।

পাহাড়পুর একটি সুপ্রাচীন

১৭৭টি ছোট ঘর।

ভিক্ষুগণ সেখানে

সোমপুর মহাবিহার।

মাটির স্তূপে ঢাকা পড়ে

বৌদ্ধবিহার।

পাহাড়পুরের আরেক নাম

সম্ভ্রব্যবতীর ঘাট।

ভিতরে সুন্দর সার বাঁধা

পাহাড় হয়ে যায়।

বিহারের দক্ষিণ কোণে রয়েছে

ধর্মচর্চা করতেন।

## ৬. বাক্য রচনা করি।

ভিক্ষু ধর্মচর্চা আবিষ্কার প্রাণকেন্দ্র স্নানঘাট

## ৭. কথাগুলো বুঝে নিই।

উড়ে আসা – বাতাসের সঙ্গে যা কিছু উড়ে আসতে পারে তাকে বলে উড়ে আসা, যেমন উড়ে আসা গাছের পাতা, উড়ে আসা পাখি ইত্যাদি।

পাড়ি দেওয়া – এক জায়গা থেকে আরেক জায়গায় পৌঁছানো বা পার হওয়াকে বলা হয় পাড়ি দেওয়া। যেমন—সাত সমুদ্র পাড়ি দেওয়া সবার কাজ নয়।

দুর্লভ জিনিসপত্র – যেসকল জিনিস সহজে লভ্য বা পাওয়া যায় না তাকেই দুর্লভ জিনিসপত্র বলে।

## ৮. কর্ম অনুশীলন।

ক. পাহাড়পুর পাঠে যেসব স্থান ও ব্যক্তির নাম আছে সেসব নামের একটি তালিকা তৈরি করি। আমার তালিকাটি পাশের বন্ধুর সাথে মিলিয়ে নিই।

খ. ময়নামতির ‘শালবন বিহার’ দিয়ে ৫টি বাক্য লিখি।

## লিপির গল্প

শিক্ষক : আমি আজ একটি গল্প বলব। গল্প হলেও এর কিছুটা সত্য, কিছুটা অনুমান, আর কিছুটা বানানো।

মনজুলা : স্যার, আমারও গল্প বানাতে ভালো লাগে।

শিক্ষক : খুব ভালো। গল্প বানাতে হলে কিছু গল্প শুনতে হবে, গল্প পড়তে হবে, গল্প লিখতেও হবে।



রানা পবনের আমলে মুদ্রার বাংলা  
লক্ষণের প্রতিলিপি



সুলতান পিরাসউদ্দিন মাহমুদ শাহের  
আমলের গাধরে খোদিত বাংলা লেখা

আলো : আচ্ছা, এখন আমরা গল্প শুনব। কিন্তু কোন গল্প? রাক্ষস-খোক্ষসের গল্প, বেঞ্জামা-বেঞ্জামির গল্প, নাকি সুয়োরানি-দুয়োরানির গল্প?

শিক্ষক : তোমরা অনেক গল্প জান। আজ একটি গল্প বলব। লিপির গল্প।

মনজু : লিপির গল্প? শূনি নি তো কোনো দিন।

শিক্ষক : লিপি মানে লেখা। কোনো শব্দ শুনে লেখা, জিনিস দেখে লেখা। চিন্তা করে মনের কথা লেখা। এই লেখা কেমন করে মানুষ পেল, কেমন করে আবিষ্কার করল, কেমন করে অভ্যাস করল তাই বলব। লিপির গল্প মানে লেখার ইতিহাস।

হাসান : মজা তো!

শিক্ষক : অনেক দিন আগের কথা। একশো, দুশো বছর নয়। এক হাজার দুহাজার বছর নয়। প্রায় ছয়-সাত হাজার বছর আগে পৃথিবীতে লোকজন লিখতে ও পড়তে জানত না। জানবে কী করে? তখন তো বর্ষ বা অক্ষর কিছুই ছিল না।



আদিত্য : ঐ্যা, বর্ণমালা ছিল না? অক্ষরও ছিল না, মানে অ আ ক খ কিছুই ছিল না।

শিক্ষক : সত্যিই কোনো আবার কোনো বর্ণমালা, অর্থাৎ অক্ষর বা হরফ কিছুই ছিল না। তখন লেখাপড়া জানা লোক ছিল না, সাক্ষর লোক ছিল না।

আমিনা : তাহলে তারা চিঠি লিখত কী করে?

শিক্ষক : তখন চিঠিপত্র ছিল না, বইপত্র ছিল না, কালি-কলম ছিল না। আমাদের বাবা, মা, দাদি ছোটদের জন্য গল্প বানাতেন আর পাহাড়ের পুহার বসে রাত্রে চাঁদের আলোতে গল্প বানিয়ে বানিয়ে শিশুদের ঘুম পাড়াতেন। বড়রা গল্প করতেন আর ছোটরা গল্প শুনত। গল্প শুনে শুনে বড় হয়ে নিজেরা আবার ছোটদের গল্প শোনাতে।

অ. ম ম ম ম ম ম অ	ঋ. ২ ২ ২ ম ক ঋ	ফ. ৬ ৬ ৬ ৬ ফ
ই. .: . ক হ হ হ ই	ঋ. ১ ১ ১ ১ ঋ	ব. ০ ০ ০ ০ ব
উ. L L L L উ	ট. ৮ ৮ ৮ ৮ ট	ভ. ১ ১ ১ ১ ভ
এ. Δ ∇ ∇ ∇ এ	ঠ. ০ ০ ০ ০ ঠ	শ. ৪ ৪ ৪ ৪ শ
ও. ১ ১ ১ ১ ও	ড. ২ ২ ২ ২ ড	য. ৫ ৫ ৫ ৫ য
ক. + + + ক	ঢ. ৬ ৬ ৬ ৬ ঢ	র. ১ ১ ১ ১ র
খ. ১ ১ ১ ১ খ	ণ. ১ ১ ১ ১ ণ	ল. ২ ২ ২ ২ ল
গ. ৮ ৮ ৮ ৮ গ	ত. ১ ১ ১ ১ ত	ব. ৫ ৫ ৫ ৫ ব
ঘ. ৬ ৬ ৬ ৬ ঘ	থ. ০ ০ ০ ০ থ	শ. ৮ ৮ ৮ ৮ শ
ঙ. ৮ ৮ ৮ ৮ ঙ	দ. ১ ১ ১ ১ দ	ষ. ৬ ৬ ৬ ৬ ষ
চ. ০ ০ ০ ০ চ	ধ. ০ ০ ০ ০ ধ	স. ১ ১ ১ ১ স
ছ. ০ ০ ০ ০ ছ	ন. ১ ১ ১ ১ ন	হ. ৬ ৬ ৬ ৬ হ
জ. E E E E জ	প. ৬ ৬ ৬ ৬ প	

বলা বর্ণের রহস্যিকা

সুজিত : আচ্ছা , ভুলে গেলে কী করত?

শিক্ষক : খুব সুন্দর প্রশ্ন করেছ। ভুলে গেলে তখন আর গল্প বলতে পারত না। আবার নতুন করে নতুন গল্প বানাতে হতো। সে জন্যই ভুলে যাওয়ার বিপদ থেকে বাঁচার জন্য লিপি তৈরির চিন্তা মাথায় এল। শূন্যে মিলিয়ে যাওয়া কথাকে রেখার কন্ঠনে বন্দি করার কন্ঠি হলো লিপি।

নাহিদ : এখন যেমন কথাবার্তা, গানবাজনা, আবৃত্তি, বক্তৃতা ক্যাসেটে ধরে রাখা হয় সে রকম?

শিক্ষক : ঠিক বলেছ, অনেকটা তাই। এখন যন্ত্রের বাঞ্ছা কথাকে বন্দি করে রাখা হয়। তখন হাতে আঁকা রেখায় কথাকে বন্দি করে রাখা হতো। কথাকে রেখার বন্ধনে বন্দি করে রাখার জন্যই তৈরি হলো লিপি। লিপিকে কেউ বলেন লিখন পদ্ধতি। কেউ বলেন বর্ণমালা। কেউ বলেন হরফ। কেউ বলেন অক্ষর। কেউ বলেন অ্যালফাবেট। মানুষ একদিন লিপি দিয়ে কথাকে বন্দি করে রাখতে শিখল। আর সেদিন থেকেই মানুষের সভ্যতার পথে নতুন যাত্রা শুরু হলো।

হাসান : লিপি আবিষ্কার করলেন কে?

শিক্ষক : প্রাগৈতিহাসিক কালে কে কখন কীভাবে লিপি আবিষ্কার করেছিলেন তা কেউ ঠিকভাবে বলতে পারবে না। আধুনিক কালে যারা এ ধরনের কাজ করেছেন তাঁদের কারও কারও নাম জানা যায়। যেমন, কোরিয়ান রাজা সে জং এবং ইউরোপের এক ধর্মযাজক সন্ত সিরিল।

টমাস : বাংলা লিপি কীভাবে এল?

শিক্ষক : বাংলা লিপি কে প্রচলন করেছেন তা জানা যায় না। প্রাচীন ব্রাহ্মী লিপি থেকে অশোক লিপি, অশোক লিপি থেকে কুটিল লিপি এবং কুটিল লিপি থেকে বঙ্গালিপি। তবে লিপির নানা ধাপ পেরিয়ে বঙ্গালিপি থেকেই বাংলা লিপি এসেছে বলে পণ্ডিতদের ধারণা।

শিউলি : স্যার পৃথিবীতে কত লিপি ছিল?

শিক্ষক : কত লিপি ছিল তা সঠিক কেউ জানে না। তবে অনেক লিপি কালে কালে বিলুপ্ত হয়ে গেছে। অনেক লিপির নমুনা পাওয়া গেছে, যেমন: মহেঞ্জোদারোর লিপি, মিশরীয় লিপি। তবে এগুলোর পাঠ উদ্ভাৱের জন্য এখনও ভাষাবিজ্ঞানী ও প্রত্নতাত্ত্বিকরা আরও গবেষণা করছেন। তোমরা বড় হয়ে প্রাচীন লিপি সম্পর্কে আরও জানতে পারবে।

## অনুশীলনী

### ১. জেনে নিই।

লিপির গল্পটি একটি কথোপকথনধর্মী রচনা। ভাষার প্রতীক চিহ্ন হিসেবে কীভাবে ধীরে ধীরে বর্ণমালা রূপ পেয়েছে এই রচনায় তার ধারণা দেওয়া হয়েছে। এখানে শিক্ষক ও শিক্ষার্থীদের আলোচনার মাধ্যমে লিপিমালা আবিষ্কারের তথ্য জানানো চেষ্টা করা হয়েছে।

### ২. শব্দগুলো পাঠ থেকে খুঁজে বের করি। অর্থ বলি।

অভ্যাস সাক্ষর বন্ধন বঙ্গালিপি রূপান্তর

### ৩. ঘরের ভিতরের শব্দগুলো খালি জায়গায় বসিয়ে বাক্য তৈরি করি।

অভ্যাস বন্ধন সাক্ষর রূপান্তর বঙ্গালিপি

- ক. .... লোকের সংখ্যা দিন দিন বাড়ছে।
- খ. চা খাওয়ার সময় বাবার পত্রিকা পড়ার .....
- গ. বাক্যটি সাধু থেকে চলিত ভাষায় ..... কর।
- ঘ. বাংলা লিপির পুরানো নাম .....
- ঙ. মানুষের সাথে মানুষের ..... দৃঢ় হোক।

### ৪. শূন্যস্থান পূরণ করি।

- তুমি খুব ..... প্রশ্ন করেছ।
- আবার নতুন করে নতুন ..... বানাতে হতো।
- লিপিকে কেউ বলেন .....
- বঙ্গালিপি থেকেই ..... এসেছে।



৫. নিচের শব্দগুলো দিয়ে বিপরীত শব্দ লিখি ও বাক্য রচনা করি।

বিলুপ্ত - .....

শিক্ষক - .....

আনন্দ - .....

চিন্তা - .....

আবিষ্কার - .....

সাক্ষর - .....

প্রাচীন - .....

৬. মুখে মুখে উত্তর বলি ও লিখি।

ক. লিপি বলতে কী বুঝি?

খ. লিপি তৈরির চিন্তা এলো কীভাবে?

গ. লিপি আবিষ্কারকদের নাম লিখি।

ঘ. বাংলা লিপি কীভাবে এলো?

ঙ. কখন থেকে মানুষের সভ্যতার পথে নতুন যাত্রা শুরু হলো?

৭. বুঝিয়ে বলি।

শূন্যে মিলিয়ে যাওয়া কথা কে রেখার বন্ধনে বন্দি করার ফন্দি হলো লিপি।

৮. কর্ম-অনুশীলন।

নাটিকাটি শিক্ষকের সহায়তায় অভিনয় করি।

## খলিফা হযরত উমর (রা)

হযরত উমর ফারুক (রা) পবিত্র মক্কা নগরীতে ৫৮৩ খ্রিষ্টাব্দে কুরাইশ বংশে জন্মগ্রহণ করেন। তাঁর পিতার নাম খাত্তাব ও মাতার নাম হানতামাহ।

তিনি ছিলেন ইসলামের দ্বিতীয় খলিফা। তিনি শিক্ষিত, মার্জিত ও সৎ চরিত্রের অধিকারী ছিলেন। বাল্যকালে তিনি শিক্ষা-দীক্ষায় সুনাম অর্জন করেন। বড় হয়ে ব্যবসা-বাণিজ্য করেন। তিনি ছিলেন নামকরা কুস্তিগির, সাহসী যোদ্ধা, কবি ও সুবক্তা।

হযরত উমর (রা) প্রথমে ছিলেন ইসলামের ঘোরতর বিরোধী। মহানবি (স) কে হত্যা করার জন্য তিনি কোষযুক্ত তরবারি নিয়ে বেরিয়ে পড়েন। পশ্চিমখে জ্ঞানতে পারেন যে, তাঁর বোন ফাতিমা ও ভগ্নিপতি সাঈদ মুসলমান হয়ে গেছেন। এতে তিনি ক্রোধে অস্থির হয়ে বোনের বাড়িতে উপস্থিত হন। তিনি ইসলামের প্রতি বোন ও ভগ্নিপতির দৃঢ়তা দেখে বিস্মিত হয়ে যান। তাঁর মানসিক পরিবর্তন ঘটে। তিনি মুসলমান হওয়ার জন্য ব্যাকুল হয়ে পড়েন এবং নবি করিম (স) এর দরবারে গিয়ে ইসলাম ধর্ম গ্রহণ করেন। মুসলমান হয়ে তিনি দৃঢ় কণ্ঠে ঘোষণা দিলেন, 'আর গোপনে নয়, এবার প্রকাশ্যে কাবা ঘরের সামনে সালাত আদায় করব।' মহানবি (স) খুশি হয়ে তাঁকে উপাধি দেন 'ফারুক' অর্থাৎ সত্য ও মিথ্যার প্রভেদকারী।



হযরত উমর (রা) একদিকে ছিলেন কোমল, অন্যদিকে ছিলেন কঠোর। তিনি মানুষের দুঃখ কষ্টে ছিলেন সমব্যথী। দেশের মানুষের দুঃখ কষ্টের কথা অবহিত হওয়ার জন্য তিনি গভীর রাতে মহল্লায় মহল্লায় ঘুরে বেড়াতেন। ক্ষুধার্ত শিশুদের কান্নার আওয়াজ শুনে তিনি নিজের কাঁধে আটার বস্তা বহন করে নিয়ে তাদের তাবুতে যেতেন। তিনি সহধর্মিণী উম্মে কুলসুমকে নিয়ে এক বেদুইনের ঘরে যান, তার অসুস্থ স্ত্রীকে সাহায্য করার জন্য।

খলিফা উমর (রা) এর বিচার ব্যবস্থা ছিল নিরপেক্ষ ও নিখুঁত। আইনের চোখে উঁচু-নিচু, ধনী-গরিব, আপন-পর কোনো ভেদাভেদ ছিল না। গুরুতর অপরাধে নিজের ছেলে আবু শাহ্মাকে তিনি কঠোর শাস্তি দিয়েছিলেন। রাফেত্র সমস্ত গুরুত্বপূর্ণ কাজ তিনি সাহাবিদের সাথে পরামর্শ করে সম্পাদন করতেন।

একদিন তিনি এক ক্রীতদাসকে সাথে নিয়ে জেরুজালেম যাচ্ছিলেন। তিনি সজ্জীকে বললেন, “দুইজন দূরের পথ পাড়ি দেব। একবার তুমি উটে চড়বে আর একবার আমি।” এভাবে যখন তাঁরা জেরুজালেম শহরের নিকট পৌঁছালেন তখন ক্রীতদাসের উটে চড়ার পালা। উটের পিঠে ক্রীতদাসকে দেখে শহরের লোকজন মনে করল ইনিই খলিফা। তারা উটের পিঠে বসা ক্রীতদাসকে খলিফা হিসাবে সালাম দিতে লাগলেন। ক্রীতদাস তখন লজ্জিত হয়ে বললেন, আমি নই, উটের চালকই খলিফা।” উপস্থিত সবাই বিস্মিত হয়ে গেল হযরত উমর (রা) এর মহানুভবতা দেখে।

হযরত উমর (রা) ছিলেন মানব দরদি। ইসলামি শাসন ব্যবস্থায় জনগণের মতো শাসকদের জন্যও রয়েছে একই আইনের বিধান। একবার হযরত উমর (রা) কে একজন সাধারণ লোকের সামনে জবাবদিহি করতে হয়েছিল। অভিযোগটি ছিল এই যে, ‘বায়তুলমাল থেকে প্রাপ্ত কাপড় দিয়ে কারও পুরো একটি জামা হয় নি, অথচ খলিফার গায়ে সেই কাপড়ের পুরো একটি জামা দেখা যাচ্ছে। খলিফা অতিরিক্ত কাপড় কোথা থেকে পেলেন?’ খলিফার পক্ষ থেকে তাঁর পুত্র আবদুল্লাহ উত্তর দিলেন, “আমি আমার অংশটুকু আব্বাকে দিয়েছি। এতে তাঁর জামা তৈরি হয়েছে।” তিনি কোষাগার থেকে মাত্র দুই দিরহাম গ্রহণ করতেন, আর বলতেন “যদি না নিয়ে পারতাম তা হলে জনগণের টাকা নিতাম না।”

এই জনদরদি শাসকের কথা লোকমুখে শুনে রোম সম্রাট পত্র দিয়ে এক দূত পাঠান। সম্রাটের দূত আরব দেশে এসে প্রথমে খোঁজাখুঁজি করেন ‘খলিফা ভবন’। কোনো লোকই খলিফা ভবন দেখাতে পারেন নি। শেষে একজন বললেন, কিছুক্ষণ আগে দেখেছিলাম খেজুর গাছের ছায়ায় খলিফা ঘুমোচ্ছেন। রোম সম্রাটের দূত তাঁকে খেজুর গাছের ছায়ার নিচে ঘুমোতে দেখে অবাক হন। তিনি বুঝতে পারেন হযরত উমর (রা) জনগণের প্রকৃত নেতা।



হযরত উমর (রা) ছিলেন ইসলামের জন্য নিবেদিত প্রাণ। ইসলাম ধর্ম প্রচার-প্রসারের জন্য তাঁর ধনসম্পদ বিলিয়ে দেন। তিনি মহানবি (স) এর সঙ্গী হয়ে বীরত্বের সাথে সব যুদ্ধে অংশ নেন। এই বীরপুরুষ ৬৪৫ খ্রিষ্টাব্দে মৃত্যুবরণ করেন।

ইসলামের এই মহান খলিফা নিজের জীবনে অনেক ভালো কাজ করেছেন এবং আমাদের জন্যও অনেক উপদেশ রেখে গেছেন। তাঁর দেওয়া উপদেশগুলোর মধ্যে উল্লেখযোগ্য হলো:

‘আগে আগে সালাম দেওয়া। কোনো কাজ করার আগে অভিজ্ঞ লোকদের পরামর্শ নেওয়া। যেকোনো কাজ মনোযোগ দিয়ে করা। সবার প্রতি সুবিচার করা।’

তাঁর মহৎ জীবন ও মহান উপদেশ যুগ যুগ ধরে আমাদের অনুপ্রাণিত করেছে ও ভালো কাজে উৎসাহ যুগিয়েছে।

## অনুশীলনী

১. শব্দগুলো পাঠ থেকে খুঁজে বের করি, অর্থ বলি এবং শব্দ দিয়ে বাক্য তৈরি করি।

কুস্তিগির কোষযুক্ত যোদ্ধা সুবক্তা বিস্মিত সালাত ব্যাকুল ফারুক স্বীয়  
সংমিশ্রণ পুষ্প দিরহাম বায়তুলমাল জবাবদিহি পত্র

২. ডান দিক থেকে ঠিক শব্দ বেছে নিয়ে খালি জায়গায় লিখি।

- ক. হযরত উমর (রা) ছিলেন ..... ।  
খ. একদিন তিনি এক ..... সঙ্গী নিয়ে ..... যাচ্ছিলেন  
গ. হযরত উমর (রা) পবিত্র ..... নগরীতে  
..... বংশে জন্মগ্রহণ করেন।  
ঘ. তাঁর মাতার নাম ..... ও পিতার নাম ..... ।  
ঙ. তিনি মানুষের দুঃখকষ্টে ছিলেন ..... ।

মক্কা, কুরাইশ
হানতামাহু, খাতাব
ইসলামের দ্বিতীয় খলিফা
ক্রীতদাস, জেবুজালেম
সমব্যর্থী

৩. ডান দিক থেকে শব্দ বেছে নিয়ে বাঁ দিকের শব্দের সঙ্গে মিল করি।

শিক্ষা	নির্জনে
শত্রু	বাণিজ্য
সুনাম	মিত্র
ব্যবসা	বদনাম
প্রকাশ্যে	মহৎ কাজ

## ৪. বাক্য গঠন করি

খলিফা চরিত্র তরবারি নিখুঁত শান্তি কোমল কঠোর দরদি আদর্শ কোষাগার।

## ৫. নিচের প্রশ্নগুলোর উত্তর বলি ও লিখি।

- ক. হযরত উমর (রা) কোথায় জন্মগ্রহণ করেন ?
- খ. তাঁর মাতাপিতার নাম কী ?
- গ. তিনি কীভাবে মুসলমান হলেন ?
- ঘ. হযরত মুহাম্মদ (স), উমর (রা) কে কী উপাধি দিয়েছিলেন ?
- ঙ. হযরত উমর (রা) এর বিচার ব্যবস্থা কেমন ছিল ?
- চ. প্রজাদের প্রতি হযরত উমর (রা) এর ভালোবাসার একটি উদাহরণ দাও।
- ছ. হযরত উমর (রা) এর উপদেশগুলো কী কী?

## ৬. হযরত উমর (রা) সম্পর্কে ৫টি বাক্য লিখি ও পড়ি।

.....

.....

.....

.....

.....

# শব্দের অর্থ জেনে নিই

## শব্দ

### অ

অকুতোভয়

অগোচর

অগ্রদূত

অঙ্গ

অঞ্চল

অতিক্রম

অদৃশ্য

অধিকার

অনুবীক্ষণ

অবজ্ঞা

অবধি

অবিস্মরণী

অভ্যর্থনা

অভূতপূর্ব

অভ্যাস

অসহ্য

অসুখ-বিসুখ

অস্ব

অস্তগামী

অশ্রদ্ধা

### আ

আদুল

অ্যানটেনা

আবদার

আবিষ্কার

আলিঙ্গান করা

আয়েস

ইলশেগুঁড়ি

ইতি টানা

### উ

উদারতা

উদ্ভাবন

উন্নতি

### এ

একরঙ্গি

এসএমএস

### ঐ

ঐতিহাসিক

### ক

কসুর

কদর

কদলী

কামার

## অর্থ

– ভয় নেই যার।

– চোখের আড়ালে থাকার।

– যিনি পথ দেখান, সবার আগে আগে চলেন।

– দেহ, শরীরের অংশ।

– স্থান, দেশের ভূখন্ডের বিভাগ, রাজ্য।

– কোনো কিছু পার হওয়া বা ছাড়িয়ে যাওয়া।

– যা চোখে দেখা যায় না, অগোচর।

– দাবি, পাওনা জিনিসের ওপর দখল নেওয়া।

– মাইক্রোস্কোপ, এমন একটি যন্ত্র যার মাধ্যমে ছোট জিনিসকে বড় দেখা যায়।

– তাক্ষিল্য, তুচ্ছ।

– পর্যন্ত।

– ভুলবার নয় এমন।

– সাদরে গ্রহণ।

– পূর্বে যা দেখা যায় নি বা ঘটে নি।

– স্বভাব।

– যা সহ্য করা বা সওয়া যায় না।

– রোগ-ব্যাদি।

– হাতিয়ার।

– পশ্চিম দিকে ঢলে পড়েছে এমন।

– অবজ্ঞা, ঘৃণা।

– খালি গায়ে বা জামাকাপড় ছাড়া।

– কোনো বেতার যন্ত্রের সাথে লাগানো তার বা অংশ যা দিয়ে যন্ত্রটি তরঙ্গ ধরতে পারে।

– বায়না।

– উদ্ভাবন, নতুন কিছু তৈরি।

– কোলাকুলি করা।

– আরাম।

– হালকা ঝিরঝিরে বৃষ্টি। এ ধরনের বৃষ্টিতে নদীতে জাল ফেলে জেলেরা ইলিশ মাছ অনেক বেশি পায়। এ কারণেই এমন বৃষ্টির নাম ইলশেগুঁড়ি।

– শেষ করা।

– সরলতা।

– আবিষ্কার করা, আগে ছিল না এমন কিছু তৈরি করা।

– কিছুটা খারাপ অবস্থা থেকে ভালো অবস্থায় যাওয়া।

– সামান্যতম, অতিশয়, অল্প।

– (Short Message Service) ক্ষুদেবার্তা।

– ইতিহাস সংক্রান্ত।

– দোষ।

– মান্য, সম্মান, খাতির।

– কলা।

– যারা লোহা দিয়ে জিনিসপত্র তৈরি করেন।



কুমার	- কুমোর। যারা মাটি দিয়ে হাঁড়ি, সরিষা ইত্যাদি তৈরি করেন।
কুস্তিগির	- কুস্তি খেলোয়াড়।
কল্পুণ	- কাতর, বেদনাপূর্ণ।
কষে	- জোরে।
কৃষিকাজ	- চাষাবাদ।
ক্লেশ-	- দুঃখ, কষ্ট।
কোষমুক্ত	- খাপ থেকে বের করে আনা।
ক্রলিং	- যুদ্ধকালে চার হাত-পায়ে হামাগুড়ি দিয়ে এগিয়ে যাওয়া।
<b>ক্ষ</b>	
ক্ষীর	- দুধ দিয়ে তৈরি মিষ্টান্ন।
<b>খ</b>	
খনি	- মূল্যবান পদার্থের প্রাকৃতিক উৎস।
খাম্পা	- রাগান্বিত হওয়া।
খাবলে খাওয়া	- খাবলা মানে হাতের থাবা পরিমাণ। খাবলে খাওয়া বললে এক থাবায় যতটুকু তুলে খাওয়া যায় তাই বোঝায়।
খাস	- আসল, প্রকৃত।
খ্যাত	- সুপরিচিত, বিখ্যাত।
<b>গ</b>	
গগন	- আকাশ
গবেষক	- যিনি গবেষণা করেন।
গম্বুজ	- চূড়া।
গ্রীষ্ম	- গরমকাল, বাংলা ছয়টি ঋতুর প্রথম ঋতু।
<b>ঘ</b>	
ঘনিয়ে এলো	- ঘন হয়ে এলো, আসন্ন।
ঘুম	- তন্দ্রা, নিদ্রা।
ঘোড়ার নালের চাট	- ঘোড়ার পায়ের লাথি।
ষাঁচাং ষাঁচ	- এক কোপে কিছু কেটে ফেলার আওয়াজ।
<b>চ</b>	
চঞ্চল	- অস্থির, অশান্ত, চটপটে।
চমৎকার	- সুন্দর, মনোহর।
চর	- গোপন খবর সংগ্রহ করে দেন যিনি। যুদ্ধের কৌশল হিসেবে এই চর নিয়োগ করা হয়।
চাষাবাদ	- কৃষিকাজ।
চিরস্মরণীয়	- সব সময় মানুষ যাকে স্মরণ করে, মনে রাখে।
চিলেকোঠা	- বাড়ির ছাদে লাগোয়া ঘর। সিঁড়িঘর।
চেটেপুটে	- চাটা মানে জিহ্বা দিয়ে লেহন করা। জিহ্বা আর ঠোঁট দিয়ে একসাথে চেটে-চুষে খেলে হয় চেটেপুটে খাওয়া।
চৌকাঠ	- দরজার চারিদিকের কাঠের চারকোনা কাঠামো বা ফ্রেম।
<b>ছ</b>	
ছিনু	- ছিলাম।
<b>জ</b>	
জবাবদিহি	- কৈফিয়ত দেওয়া।
জমিদার	- ধনী ব্যক্তি, যিনি বহু জমি ও বিষয় সম্পত্তির মালিক।
জয়ঢাক	- জয়ী হওয়ার পর যে ঢাক (এক ধরনের বাদ্য) বাজানো হয়।
জ্ঞানী	- জ্ঞানবান লোক, যাঁর অনেক জ্ঞান।
জন্মভূমি	- যে ভূমি বা দেশে একজন জন্মায় সে দেশ তার জন্মভূমি।
জোনাকি	- জোনাকি পোকা।
জোড়াদিঘি	- যেখানে পাশাপাশি দুটি দিঘি রয়েছে।
<b>ঝ</b>	
ঝনঝনিয়ে	- ঝনঝন শব্দ করে।
ঝুটি	- শীর্ষস্থান, খোপা।
ঝুপঝাপ	- পতনের শব্দ।

ট

টগবগিয়ে  
টাঞ্জা

ঠ

ঠা-ঠা আলো  
ঠেকায়

ত

তবলা

তাপ

তোরঙ্গা

থ

থরোথরো

দ

দরদ

দিগবিজয়

দিদি

দিরহাম

দুধের চাঁছি

দুর্দশা

দুর্গভ

দূত

দুঃসাহসিক

ধ

ধর্মচর্চা

ধায়

ধুকছে

ধূলিসাৎ

ন

নবান্ন

নবীন যাত্রী

নারী জাগরণ

নাশ

নিদর্শন

নির্ন

নির্জলা

নিয়ন্ত্রণ

নেবু

প

পথ-প্রান্তর

পরান

পশতু

প্যাচ

পরিবেশ

পরিশ্রম

পাট

পাটা

পাঠশালা

পাড়

পালকি

পুষ্প

পৈজা

প্রসাদ ভোজন

প্রতিষ্ঠা

প্রজ্ঞাতি

প্রাণকেন্দ্র

প্রসিদ্ধ

প্রাচ্যফর্ম

- পানি ফুটবার মতো শব্দ করে, ধাবমান ঘোড়ার পায়ের শব্দ করে।
- এক ধরনের গাড়ি।
- এত তেজি আলো যে চোখ মেলে তাকানো যায় না।
- বাধা দেয়, মানা করে।
- এক প্রকার বাদ্য যন্ত্র।
- উষ্ণতা।
- টিনের তৈরি সুটকেস আকারের বাস্র। (সুটকেস চামড়ার তৈরি হয়।)
- প্রচণ্ড কম্পন।
- মমতা, টান।
- চারদিকের নানান জায়গা জয় করা।
- বড় বোন, আপা।
- আরবে প্রচলিত মুদ্রার নাম।
- দুধের শুষ্ক অংশ যা পাত্র থেকে চেছে তোলা হয়।
- খারাপ অবস্থা।
- যা সহজে লাভ করা যায় না বা পাওয়া যায় না।
- বার্তাবাহক।
- অত্যন্ত সাহসের কাজ।
- ধর্ম বিষয়ে জ্ঞান লাভ ও অনুশীলন করা।
- ছোটা।
- হাঁপাচ্ছে।
- চূর্ণ-বিচূর্ণ হয়ে মাটির সঙ্গে মিশে যাওয়া।
- নতুন ধান কাটার পরে অগ্রহায়ণ মাসে অনুষ্ঠিত একটি উৎসব।
- যারা নতুন যুগের শিশু।
- অধিকার সম্পর্কে মেয়েদের সচেতনতা।
- ধ্বংস, নষ্ট, ক্ষয়।
- দৃষ্টান্ত।
- নিলাম।
- নির্ভেজাল, খাঁটি।
- নিজের আয়ত্তে আনা।
- লেবু।
- পথের পাশ, রাস্তার শেষ সীমা।
- প্রাণ।
- বাংলা হিন্দি উর্দুর মতো পাঠান এলাকার একটি ভাষার নাম।
- মোচড়, মোড়ানো।
- চারপাশের অবস্থা।
- খাটাখাটুনির কাজ।
- আকাশের পশ্চিম দিকের শেষ ভাগে, অস্তাচল, যেখানে সূর্য ডোবে।
- তক্তা, ফলক।
- বিদ্যালয়।
- কিনারা।
- মানুষ বাহিত যান বিশেষ।
- ফুল।
- তুলা ধুনে বা টেনে আঁশ বের করা।
- (গান শোনার জন্য) আশীর্বাদ বা দোয়া হিসেবে খাওয়া দাওয়া।
- তৈরি।
- নানা ধরনের, নানা জাতের।
- প্রধান জায়গা।
- বিখ্যাত।
- রেলগাড়ি থামার স্থান, উন্নত সমতল ভূমি।

## ফ

ফজলি আম  
ফলার  
ফারুক  
ফৌজ

- খুবই সুগন্ধ ও মিষ্টি স্বাদের আম।
- কলা ও অন্যান্য ফলমূল দিয়ে তৈরি করা খাবার।
- সত্য ও মিথ্যার প্রভেদকারী।
- সৈনিক।

## ব

বঙ্গদেশ  
বঙ্গালিপি  
বন্দন  
বন্দুকধারী  
বন্দিন্দ  
বাক  
বর্ষাকাল  
বাজ্জার

- বাংলাদেশ, বাংলাদেশ স্বাধীন হওয়ার আগের অবিভক্ত অঞ্চল।
- বাংলা ভাষার বর্ণ বা হরফ।
- বাঁধন।
- যার কাছে বন্দুক রয়েছে, যে ব্যক্তি বন্দুক ধরে রেখেছেন।
- আটক।
- কথা, শব্দ।
- বৃষ্টির সময়।
- যুদ্ধের জন্য তৈরি করা মাটির গর্ত। যুদ্ধের সময় সৈনিকেরা এখানে আশ্রয় নিয়ে তাদের এলাকা পাহারা দেন ও যুদ্ধ করেন।

বাছ-বিচার  
বায়তুলমাল  
বাহার  
ব্যাকুল  
বিচরণ  
বিশাল  
বিহার  
বিচিত্র  
বিজাতীয়  
বিলিতি  
বিধবস্ত হওয়া  
বিস্ফোরণ  
বিস্মিত  
বীরশ্রেষ্ঠ  
বীরগাথা  
বেদন  
বেয়ারা (বেহার)  
বুথা  
বৃষ্টিপাত

- বাছাই করা বা ভালোমন্দ বিচার করা।
- সরকারি কোষাগার।
- শোভা, সৌন্দর্য।
- আত্মহী, ব্যস্ত, অস্থির।
- বেড়ানো বা ঘোরাফেরা করা।
- অনেক বড়, প্রকাণ্ড, বিস্তীর্ণ।
- বৌদ্ধ মঠ।
- নানা বর্ণ বিশিষ্ট, বিস্ময়কর।
- অন্য জাতির, ভিন্ন জাতির বা দেশের।
- বিলাত বা ইংল্যান্ডের কোনো কিছু।
- ভেঙেচুরে যাওয়া। ধ্বংস হওয়া।
- দুর্গ-বিদূর্ণ হয়ে ফেটে পড়া।
- অবাক হওয়া, আশ্চর্য, হতবাক।
- মুক্তিযুদ্ধে বীরত্বের জন্য যারা সর্বশ্রেষ্ঠ।
- বীরের গল্প।
- বেদনা, দুঃখ, কষ্ট।
- যারা কাঁধে পালকি বহন করেন।
- যাতে কাজ দেয় না, কাজ হয় না।
- বাদলের ধারা।

## ভ

ভজন  
ভনভনিয়ে  
ভাগিনা  
ভিক্ষু

- দেব-দেবীর আরাধনা।
- ভনভন শব্দ করে।
- বোনের ছেলে।
- বৌদ্ধদের মধ্যে যারা সংসার-ত্যাগী সন্ন্যাসী (যারা সংসার করেন না); তাঁদের পরনে থাকে কাষাই (গেরুয়া) রঙের লম্বা কাপড়, মাথা থাকে মুড়ানো এবং চলা-ফেরা খাওয়া-দাওয়া সব কিছুতেই থাকে আলাদা বৈশিষ্ট্য।
- মাটির উপর জন্মানো ছোট চাঁপা ফুল।
- আহার, খাওয়া।

ভুঁইচাপা  
ভোজন

## ম

মসলিন  
ময়রা  
মনীষী  
মহীয়সী  
মন্ত্রণা  
মাংসালী  
মানত

- বিখ্যাত বস্ত্র, একসময় বাংলাদেশে তৈরি হতো।
- যিনি মিষ্টি বানান।
- শিক্ষিত জ্ঞানীগুণী বিখ্যাত মানুষ।
- মহান যে নারী।
- পরামর্শ।
- যে মাংস আহার করে, মাংসই যার প্রধান খাদ্য।
- কারো মনের ইচ্ছা পূরণ হলে সৃষ্টিকর্তাকে উদ্দেশ্য করে কিছু দেবার প্রতিজ্ঞা।



মাড়াসনে  
মিটাক  
মুঠো  
মুখল  
মুখলধারে বৃষ্টি  
মুক্তি  
মুক্তিবাহিনী  
মুক্তিপাগল  
মুগ্ধ  
মেশিনগান  
ম্যাপ

**য**  
যতবার যায় মরা

যাতনা  
যোদ্ধা

**র**  
রণক্ষেত্র  
রথ  
রথী  
রক্ত-পিছল

রাঙা  
রাজত্ব  
রাবড়ি  
রাম-খটাখট

রাজ্য  
রূপান্তর  
রূপান্তরিত

**ল**  
লবণাক্ত  
লড়াই  
লাজুক  
লেখালেখি  
লোকশিল্প  
লোকালয়  
লিপি

**শ**  
শাসনকর্তা  
শিক্ষাসফর  
শুধাবেন  
শুযছে  
শোলক

**স**  
সখ্য  
সংগ্রহ  
সবরি কলা  
সমাজ  
সতর্ক  
সমতলভূমি  
সরপুরিয়া  
সহস্র শহিদের

- পা দিয়ে পিষে না যাওয়ার নির্দেশ।
- মিটিয়ে দিক, পূর্ণ করুক।
- মুষ্টি।
- মুগুর
- খুব বড় বড় ফোঁটায় যখন বৃষ্টি পড়ে।
- স্বাধীনতা, খোলামেলা অবস্থা।
- বাংলাদেশের মুক্তি ও স্বাধীনতার জন্য যারা যুদ্ধ করেছেন তাঁদের বাহিনী।
- এ দেশের মুক্তির জন্য যারা সংগ্রাম করেছেন।
- আত্মহারা, বিভোর।
- যুদ্ধে ব্যবহৃত বন্দুকের মতো অস্ত্র।
- মানচিত্র।
- বাংলাদেশের স্বাধীনতার আগে এ দেশের মানুষকে মরণ-যন্ত্রণা সহ্য করতে হয়েছে। বারবার সহ্য করতে হয়েছে দুঃখ, কষ্ট, অত্যাচার আর নিপীড়ন। তাই মৃত্যু যেন বারবার এসেছে।
- কষ্ট।
- যুদ্ধ করেন যিনি
- যুদ্ধের স্থান।
- বিশেষ ধরনের গাড়ি।
- রথ চড়ে যুদ্ধ করেন যিনি, বীরপুরুষ যোদ্ধা।
- রক্তে যা পিছল হয়েছে। (রক্ত যদিও পানির মতো তরল পদার্থ তবু পানির মতো নয়। রক্তের গন্ধ আছে, পরিষ্কার ভালো পানির কোনো গন্ধ নেই। রক্ত চটচটে আঠার মতো, কিন্তু পানি তেমন নয়। রক্ত আঠার মতো বলেই তা পিছল।)
- রঙিন।
- রাজার শাসন যেখানে চালু আছে।
- খুবই মিষ্টি এক ধরনের খাবার।
- খুব জোরেসোরে খটাখট শব্দ। (রাম শব্দে আমরা বড় আকারের কিছু বোঝাই। যেমন- রামছাগল, রাম বোকা, হাঁদারাম)
- রাষ্ট্র, যে দেশে পৃথক শাসন-ব্যবস্থা প্রতিষ্ঠিত আছে।
- পরিবর্তন।
- এক রকম থেকে অন্য রকম করে ফেলা।
- লবণ মেশানো। নোলতা স্বাদের।
- যুদ্ধ, সংগ্রাম।
- লজ্জা করে যে।
- লেখা, রচনা।
- গ্রামের সাধারণ মানুষের তৈরি শিল্প।
- যেখানে লোকজনের বসবাস আছে।
- লিখবার কায়দা।
- প্রধান শাসক।
- শিক্ষা অর্জনের লক্ষ্যে যে সফর করা হয়।
- জিজ্ঞাসা করবেন, জানতে চাইবেন।
- তরল পদার্থ টেনে নেওয়া।
- শ্লোক, ছোট পদ, ছড়া।
- বন্ধুতা, ভাব।
- আহরণ, একত্রীকরণ, সংগ্ৰহ।
- এক রকম কলার নাম।
- আমাদের চারপাশের পরিবেশ, মানুষ।
- সাবধান, ঝুঁশিয়ার।
- তল সমান যে ভূমির।
- দুধের সর দিয়ে তৈরি এক রকম মিষ্টি।
- মুক্তিযুদ্ধে যারা শহিদ হয়েছেন, সেইসব হাজার শহিদ।

সবিশেষ মুজিবের

সবুজ সোনালি ফিরোজা বুপালি

অরণ

সমৃদ্ধ

সহ্য করা

সন্ধি

সত্ব

সমন্বয়

সাজ

সাধ

স্থাপত্য

স্নানঘাট

স্নানাভাবে

সাক্ষর

সালাত

স্বাধীনতা

স্বীয়

সুপ্রাচীন

স্থূপ

সুবক্তা

সুধা

সূক্ষ্ম

সেনাপতি

স্নেহ

স্মৃতি

সৌতা

সোহাগ

সোনার বাংলাদেশ

সংমিশ্রণ

ষ

ষড়ঋতু

হ

হতাশ

হাটুরে

হামলে পড়া

হিঙ্গু

হেরিলে

হোল্ডল

- এ দেশ আমাদের সকলের। এ দেশের স্বাধীনতা সংগ্রামে নেতৃত্ব দেন বঙ্গবন্ধু শেখ মুজিবুর রহমান। তাই এ দেশ সবিশেষ অর্থাৎ বিশেষভাবে বঙ্গবন্ধু মুজিবের।
- বাংলার প্রকৃতি বিচিত্র ও সুন্দর। প্রকৃতির নানা রঙে যেন সাজানো এ দেশ। সবুজ শস্যে ভরা আমাদের এ মাঠ। পাটের সোনালি আঁশ আমাদের সম্পদ।
- মনে করা।
- উন্নত।
- সওয়া, মেনে নেওয়া।
- মিলন, কৌশল।
- নিস্পন্দ, নিশ্চল।
- সামঞ্জস্য, মিলন।
- শেষ, সমাপ্ত।
- ইচ্ছা।
- স্থাপনা কেন্দ্রিক শিল্পকর্ম।
- গোসল করার জায়গা।
- স্নানের অভাবে, গোসল না করতে পারায়।
- অক্ষরজ্ঞান, বর্ণ চেনে এমন।
- নামাজ।
- মুক্ত, নিজের ইচ্ছেমতো কিছু করতে পারা।
- নিজ, আপন।
- পুরাতন (পুরনো), বহুকাল আগের।
- টিবি, টিবির মতো বৌদ্ধদের সমাধি।
- ভালোবক্তা, যিনি গুছিয়ে বলতে পারেন।
- অমৃত, মধু।
- নিপুণ, সুন্দর।
- সেনাদলের প্রধান, প্রধান সৈনিক।
- ভালোবাসা, প্রেম।
- মনে রাখা।
- বহমান জলের মৃদু ধার।
- আদর।
- প্রিয় মাতৃভূমি। বাংলাদেশকে আমরা ভালোবাসি। এ দেশকে নিয়ে আমরা গৌরব করি। এ দেশ প্রচুর সম্পদে ভরা। তাই এই বাংলাদেশকে বলে সোনার বাংলা।
- একত্রীকরণ, মেশানো।

- ছয়টি ঋতু।

- আশাহীন, নিরাশ।

- জিনিসপত্র বেচাকেনার জন্য যে হাটে যায়।

- হামলা মানে আক্রমণ। আর 'হামলে পড়া' বললে আক্রমণ করার মতো বোঝায়।

- প্রাণ হারক, হিংসায়ুক্ত প্রকৃতি বিশিষ্ট।

- দেখিলে।

- যে বোঁচকার ভিতরে বালিশ বিছানা ভরে বেঁধে রাখা হয়।

সমাপ্ত

২০২০ শিক্ষাবর্ষের জন্য, ৪র্থ-বাংলা

পরিন্দা ভালো নয়

নারী ও শিশু নির্যাতনের ঘটনা ঘটলে প্রতিকার ও প্রতিরোধের জন্য ন্যাশনাল হেল্পলাইন সেন্টারে  
১০৯ নম্বর-এ (টোল ফ্রি, ২৪ ঘণ্টা সার্ভিস) ফোন করুন



শিক্ষা মন্ত্রণালয়

জাতীয় শিক্ষাক্রম ও পাঠ্যপুস্তক বোর্ড, বাংলাদেশ

গণপ্রজাতন্ত্রী বাংলাদেশ সরকার কর্তৃক বিনামূল্যে বিতরণের জন্য